

1 . 6 . 3 . 4 .

V. 50
350
Nathan
Nathan

St. Bernard's Seminary Library



No. 224+223

Given by X X X

Room B.

Department Bible.

Department _____

710.

D. T. O. M. A.
JOHANNIS TARNOVII

S.S. Theol. D. & in Academia Rostochiensis
Professoris,

In Prophetam
SOPHONIAM
COMMENTARIUS:

In quo textus

*Analyſi perſpicuâ illustratur,
ex fonte Hebræo explicatur,
locis S.S. parallelis confirmatur,
à pravis expositionibus vindicatur.*

Uſus verò in Locis communib⁹ ex ipſa
ſcripturâ natis & probatis indicatur.

ADJECTUS EST INDEX RERUM ET
VERBORUM.

Pſalm 119, 11. 12.

בְּלִבִּי צִפְנִיתִי אֱמֻנָתְךָ לִמְעַן לֹא אֲחַטֶּה-לָּךְ:
בְּרוּךְ אַתָּה יְהוָה לְמַדְנִי הַקִּיָּהּ:

52(0)25

Rostochi

Typis JOACHIMI PEDANI, Impensis Johannis Hal-
lervordij bib. Rost. Anno 1623.

REGI REGUM
Domino Dominorum
JEHOVÆ SA-
CRUM.



I N
S O P H O N I A M
Prolegomena.

Pf. 31, vers. 20.

מֶה רַב טוֹבָךָ אֲשֶׁר צִפְנָתָ לִירֵאָיִךְ פְּעֻלָּתְךָ לַחֲסִים בָּךְ
נִגְרַר בְּיַד אֲדָמָה׃

INter Prophetas minores eos, qui ante captivitatem Babylonicam vaticinari sunt, ultimus est Tzephanja, vulgò dictus *Sophonias*, & proinde optimo jure hūc locum occupat ante tres reliquos, qui post captivitatem in reductione populi, & post eam vixerunt, Ecclesiamq; docuerunt. Illum nunc, cum Deo, interpretaturi in initio videbimus breviter hæc quinq; *Quis, Quid, Quando, Quibus, & Quotuplicia* prophetaverit, unde tamen, (sicut etiam ex explicatione sequenti) facile constare posse existimamus de reliquis tribus, quæ hactenus in *μεγελομενοις* etiam videre consuevimus, videlicet, *Qua occasione, Quo fine, & Quo usu* nostro docuerit.

I. *Quis* fuerit autor hujus prophetiæ secundarius, ipse in versu i. cap. i. indicat, nempe *צִפְנִיָּה*. *Επυμον* vocis compositæ si spectes, quod est *אֶפֶן* abscondit, & *יה* i. e. Je-
hova, sonat cum, quem abscondit, & protexit *Pf. 27, 5.*
B 2 & apud

I. Quis, & nominis επυμον Verum,

*apparens,**falsum.**2. Quid
docuerit.*

& apud se delitescenti revelavit abdita, & arcana sua, reconditosq; suæ sapientiæ thesauros demonstravit, quæ ipse porro alijs ostenderet, quasi dicas DEI SECRETIUM, cujus nominis mensuram optimè implet, quando & pœnam, quæ securos latebit, prænunciat, & felicitatem regni Christi per Evangelium revelandi pijs, de qua & ipsi, calamitatibus pressi, quæ est carnis imbecillitas, dubitare poterant, declarat. Alij hoc nomen propriū ab ejusdem Radicis nomine derivato יִצְחָק i. e. aquilo, deducunt, idq; nomen à vi verbi prædicati prophetam obtinuisse existimant, quemadmodum postea filij Zebedæi $\text{Βουεργῆς, ὁ ἐστὶν υἱὸς Ἰσχυρῆς}$ à Christo eadem de causâ dicti sunt Marc. 3, 17. Alij verò, inter quos Hieronymus, vertunt speculam, seu speculatorem Domini, quasi esset à Radice מִשְׁכָּל i. e. speculatus est; quibus licet res ipsa, Ezech. 3, 2. & 33, 7. describitur, faveat, scriptura tamen, quodammodo repugnat & punctorum ratio.

II. Quid docuerit ex hac summa potest colligi. Vt reliqui prophetæ, ita & ipse hæc duo habet, partim minas legis, partim consolationes Evangelij. Illa sunt de futuro urbis Jerosolymæ, totiusq; regni Judæ excidio, cujus atrocitatem cum causis diligenter describit, eam ob causam, ut impij actâ pœnitentiâ resipiscant, pij in suâ pietate persistant & crescant, atq; ita futuras pœnas vel effugiant, vel earum mitigationem sentiant. Et quia vicinas gentes Judæi respiciebant, iudicia contra illas quoq; explicat, ne aut illarum sanis in suâ calamitate moverentur, vel victorijs & felicitate offenderentur, siquidem, jam sit de illis lata à Deo sententiâ. Hæ verò promittunt, non omnino abjectum iri Ecclesiam, etiam in istis malis, sed Deum aliquod pium semen sibi esse vel ex pauperibus

peribus conservaturum. Nam per Christum futurum est, ut restauretur Ecclesia, ad eam vocentur gentes, omniaq; viva ejus membra remissione peccatorum, & tandem gloriâ æterna per illum suum regem donentur, hostesq; Ecclesiæ domentur, aut tollantur.

III. Quando vixerit, non quidem præcisè, sed tamen *cu* *an* *q* denotat, videlicet tempore Josiæ, quomodo una cum Jeremia incipiente (siquidem hic sub pluribus regibus postea vixit) docuit, quicum etiam in genere dicendi seu phrasibus & multis rebus congruit, & propterea cum eo usq; ad caput vigesimum (post quod Zedekix regis, Josiæ in regno succedentis, fit mentio) conferendus. Quia autem rex Josias triginta & unum annos regnavit, & anno regni decimo octavo cultum Dei verum restituit, religionem reformavit, & idololatriam ex regno sustulit 2. Reg. 22, 1. & 23, 23. multi interpretes ante illam restorationem hanc prophetiam esse editam, multi post eam contra reliquias idololatriæ tantum directam statuunt. In illa sententia sunt Ribera, Drusius, in hac Dænæus, Gualtherus, Junius. Prior mihi se magis probat, quod hæc docuerit Sophonias, antequam Judæi mores commutassent in melius, qua de re postea pluribus. vide cap. I. v. 4. 5. 6.

IV. Quibus prophetaverit, obscurum esse nequit; nempe solis Judæis, abductis jam decem tribubus ex regno Israelis in captivitatem ab Assyrio, tempore Achazi regis Judæ 2. Reg. 17, 1. 6. qui longè hunc Josiam antecessit. Colligimus hoc ex versu 1. & 4. capitis primi.

V. Partes hujus libri generales possunt constitui duæ. Inscriptio v. r. c. 1. & prophetiâ. Hujus partes speciales sunt tres I. Judicij contra Jerosolymam Judæamq; totam seve-

3. Quando vixerit.

4. Quibus prophetaverit.

5. Partitio libri.

CAPUT PRIMUM.

1.

1.

rissimè denunciati propositio & expositio. cap. 1. II. Judæorum ad frugem revocatio cum alienæ calamitatis in gentibus exteris exemplis, tum interminationibus ex Dei verbo ad Judæos ipsos directis c. 2. & 3. usq; ad v. 8. III. Conclusio à promissionibus Evangelicis desumpta reliquo capite, quomodo priores duæ particulæ ad legem, postrema ad Evangelium pertinet.

CAPUT PRIMUM.

*Argumentum.**Summa.*

EXcidium urbis Jerosolymæ, vastationemq; ac desolationem regni Judæ per regem Babylonix futuram propheta prænunciat: peccata, quibus ad hanc vindictâ provocatus sit Deus, enumerat idololatriam, contemptum Dei, ejusq; minarum, injustitiam in proximum vi & fraude declaratam. Ad pœnitentiam igitur hortatur, cum instet captivitas, cujus hîc describitur crudelitas.

*Ανάλυσις
partes duæ
1.*

2.

*Propositio**Expositio*

Præter inscriptionem vaticinij hujus universalem, quæ versu 1. c. 1. extat, ejusq; materiam, autorem cum primum, tum secundarium ac tempus explicat, Partes hujus capituli possunt constitui duæ: Earum prior est judicij divini Judæis jam jam, imminentis propositio & summa v. 2. & 3. Posterior uberius ejus expositio v. 4. & reliquis. Summa illius est: Deus omnia tollet, & ad se, qui dederat, quasi recipiet, in genere & universaliter prolata v. 2. in specie & particulariter explicata, de iis, quæ degunt in terrâ, ut homines, & quæ ipsis potissimum inserviunt, in aere, ut aves; in aquis, ut pisces v. 3. Hæc, nempe propositionis enarratio, duo membra continet, prius, causas & modum

modum illius sublationis totalis seu vastationis omnimodæ indicat, posterius eandem exornat.

Ibi recensentur tria hominum genera pro offensarum ratione, primum popularium idololatrarum, qui tamen non sunt unius generis. nam quidam eorum adhuc colunt Baal. v. 4. alij astra, nonnulli Melechum v. 5. sunt qui à Deo vero turpiter per apostasiam deficiunt v. 6. quibus tamen omnibus jam jam imminet una pœna, videlicet cædes per Babylonios facienda v. 7. Secundum genus hominum est familiæ regiæ, magnorumq; satraparum, autoritate suâ nefariè abutentium ad luxum v. 8. & rapinas v. 9. quos propterea cum reliquis eadem pœna opprimat v. 10. Tertium deniq; genus hominum est mercatorum in quæstum suum unice incumbentium sine ullâ Dei reverentia, qui cum nil aliud curent nisi suos nummos v. 11. neq; ullo modo se à suis peccatis sinunt abduci, Deiq; providentiam abnegant v. 12. meritò suis opibus privantur v. 13.

Exornatio, quæ erat hujus partis membrum posterius, gravitatem judicii hætenus aliquoties denunciati per congeriem explicat à temporis propinquitate v. 14. iræ divinæ gravitate v. 15. hostilis adventus alacritate v. 16. ac deniq; idem amplificat, quod clades illa futura sit universalis v. 17. & prorsus inevitabilis v. 18.

Alij populariter hoc caput dividunt in partes quatuor, ita ut I. contineat τὰ πολεμικά v. 1. II. minarum denunciationem, quod Deus sit puniturus Jerosolymam, & totum regnum Judæ, v. 2. 3. 4. 5. 6. III. dehortationem, næ sint securi, quia Deus sit omnes gravissimè afflictorus v. 7. IV. confutationem persuasionis vanæ & fiduciæ in res externas collocatæ v. 12.

Tria hominum genera:

1.

2.

3.

Alia divisio.

INSCRIPTIO.

*Inscriptio,
eiusque sum-
ma.*

*Sophonias
Dei lega-
tur,*

*Jeremia
cocontaneus.*

Verf. 1.] In InSCRIPTIONE tria sunt potissimum, pri-
mum doctrinæ commendatio, & divina Prophetæ voca-
tio; deinde hujus stirps seu origo, deniq; temporis ratio.
Quia enim prophetiæ & viva voce prolata, & scripto
consignata prodesse debent omnibus, meritò in princi-
pio commendantur, & quò melius ad usum nostrum
transferri queant, tempora, quibus sunt revelata à Deo,
& à prophetis conciones habitæ, indicantur, ut illorum
historiæ de similib; peccatis vitandis, aut, si non intermit-
tantur, similib; pœnis expectandis, nos moneant. Sic a-
noster propheta incipit: *Verbum Jehovah, quod fuit ad Sopho-
niam, filium Cuschi, filij Gedalia, filij Amariæ, filij Chiskia*, qui
omnes sine dubio autoritate & honoribus apud popu-
lum Judaicum tunc temporis fuerunt nobiles & illustres.
Verbum Jehovah quum se allaturum dicit propheta, mi-
nistrum prophetiæ se esse profitetur, non autorem,
quam tamen Dei nomine, ut legatus summi regis affe-
rebat, & propterea ipsi meritò erat habenda fides quam
apud nos firmat temporis adjecta circumstantia, quod
docuerit *tempore* seu diebus *Josia*, regis Judæ, *filij Amonis*,
sub quo maximè vigeabant idolorum cultus, quorum
amotio & exscidium hîc prædicitur. Fuit itaq; Sophonias
Jeremiæ & Huldæ prophetissæ cocontaneus 2. Reg. 22, 14.
2. Chron. 34, 22. & 35, 25. Ier. 1, 2, de quibus fertur illud
veterum Iudæorum: Ieremiam prophetasse in vicis ac
plateis; Sophoniam in Synagogis; Huldam apud scemi-
nas: quod tamen relinquo in medio, & ad ipsum pro-
phetæ argumentum accedo.

LOCI COMMUNES.

Ex versu 1.]

I. *Verbum Jehovah, quod fuit ad Sophoniam*] Vocati sunt prophetae plerumque à Deo immediate, quomodo illorum & apostolorum vocatio differt ab ordinaria reliquorum verbi ministrorum, ad quos est illud Jehovah verbum, quod continetur in Biblijs. Vide quæ ad Exordia præcedentium prophetarum & in v. 28. c. 2. Joelis dicta sunt, & satis magnam Locorum Communium seu doctrinæ invenies farra- ginem, quam hic brevitatis ergo repetere nolumus.

II. *Filium Cuschi* &c. Deus quandoque ex magnis & amplissimis, quandoque ex obscuris familijs sibi elegit ministros, ut sciamus, cum nullos rejicere absoluto aliquo decreto, nec indigere tamen necessario hominibus coram mundo satis instructis & idoneis. Vide item in cap. 2. Joel. v. 28. Amos 1, 1. & 7, 14. Illius exemplum habes in Nathane 2. Sam. 7, 3. Daniele, Nchemia, Esdra.

III. Si quis nomina propria, quæ hic occurrunt, velit interpretari mystice, id licet eruere, quod omnis verus verbi divini minister sit *Sophonias* h. e. delitescens apud Dominum Deum suum, in scripturis die ac nocte meditans, quemque ipse protegat, & proinde æquum esse, ut omnes hunc Dei secretarium audiant ac monita illius observent 1. Timoth. 4, 13. 15. 16. Jerem. 1, 18. 19. Luc. 10, 16. 1. Thes. 2, 13. Idem quod ad generationem carnalem, est spiritualiter *filius Cuschi*, hoc est, peccatorum fugiline niger ut Æthiops, qui ex se suum nigrorem mutare non potest: à Christo vero in baptismo purificatur ac dealbatur, qui revera est *Gedalia*, magnus Deus, *Amarja*, i. e. *ἀγαθὸς θεός*, verbum

Vocatio
immedia-
ta.

Deus &
nobiles &
ignobiles
vocat.

Verbi mi-
nister.
est Sophe-
nias.

filius Cus-
chi,

Gedalia.

Domini, & Hiskia i. e. fortitudo ac robur Dei, cujus in baptissimo tempore N. T. regeneratus efficitur filius. quam ad rem ulterius declarandam & probandam, si cui placet, interesse conferat & expendat, in Biblijs loca sequentia, quæ ego poteram ascribere, si lucrum meum aut bibliopolæ spectarem. Jerem. 13, 23. Psal. 7, 1. Cant. 1, 5. 8. Gal. 3, 27. Act. 15, 9. Tit. 3, 5. Esai. 18. Joh. 20. 12. Psal. 51, 4. 9. & 68, 14. 15. Tit. 2. 13. Joh. 1, 1. 2. Psal. 33, 6. Prov. 8. 14. Psal. 18, 2, 3 & 28, 8. & 43. 2. & 118, 14. Apocal. 10, 1. Esai. 53, 4.

Reforma-
tores.
Ecclesia.

I V. *Tempore Josiæ*] Quando magni errores in Ecclesiam sunt inveci, Deus illius misertus propter electos suos, reformatores mittit, ut his ipsis prophetae nostri temporibus dedit cum ipso Jeremiam, & ipsum regem Josiam. Idem videre est in Samuele, Elija, Amos, Johanne baptista, Christo ipso, & quod gratà mente hoc ipso anno Rostochij recolimus, ante ipsum seculum, *Joachimo Slutero*, Lutherum, ante annos ferè sex Witebergæ feliciter reformantem, fideliter imitato, quorum hic per Dei gratiam totam Germaniam, imò & plures alias regiones doctrinà à se ex verbo Dei proposità ex Pontificis Romani tyrannide liberavit, ille primus eandem in hac urbe est professus, cujus utriusq; beneficij divini memoriam nulla nobis unquam delebit oblivio.

PARS PRIOR.

Verf. 2.] Summa argumenti & propositionis prophetae nostri hæc est: *Recipiendò* i. e. omninò recepturus sum, non tantum quædam, sed planè omnia à superficie hujus terræ Judææ, delebo, perdam, consummam per regem Chaldeorum omnia in hoc regno, & hac urbe, dictum *Jehovæ*, & proinde

proinde non condemnandum, ut meum nudi hominis verbum. Totius enim hujus capituli summa constat hoc Enthymemate: Tota terra vastabitur, hoc & sequenti versu. Ergo ne sitis securi v. 7. & satis apertè rem ipsam sine circuitione, dicit Sophonias, quando sic incipit, & ut serìò rem agi omninò auditores intelligant, non tantum per ἀναδιπλωσιν certitudinem, veritatem & vehementiam denotat hoc versu, sed eandem etiam sequenti per ἐξήγησιν explicat, & quod summatim posuerat, membratim evoluit, de hominibus & animalibus cùm cicuribus, tùm feris in omnibus ferè elementis degentibus. *Αναδιπλώσις* illa est in his verbis ἦν ἦν proprie, colligendo colligam. Quia verò res propterea sæpe colliguntur, ut tollantur de loco, in quo fuerunt hæcenus, ut ossa mortuorum, fruges in agro nata, vasa in ædibus, quando profecturi convasant, metaleptisè pro to illere, consumere, perdere sæpe accipitur, atq; ita ad verbum cognatum ἦν, præcipuè in conjugationibus activis ut literis & sono, ita & significatione quoq; accedit. Videantur hæc loca Jud. 18, 25. Psal. 26, 9. & 104, 29. Hos. 4, 3. Jer. 8. 2. 13. 14. & imprimis Mich. 2, 12. ubi plura super hanc rem. Pro subjecta materia variat hæc phrasis, quando dicuntur pij colligi ad patres 2. Chron. 34, 28. colligi ad suum populum Gen. 25, 8. 17. & 49, 29. 33. Num. 31, 2. Esa. 57, 1. 2. Reg. 22, 20. quia tantum abest, ut perdantur, ut tum demum salventur per mortem hanc temporalem ad vitam æternam introducti, Tolluntur, tamen de hac terra & ipsi, & congregantur ad mortuòs, qui & sunt & dicuntur apud Latinos, plures.

Vers. 3.] Sed hæc de ἀναδιπλώσιν dicta sint: veniamus ad sequentem ἐξήγησιν, quæ ita sonat: *recepturus sum*, puta

Αναδιπλώσις ἦν

i. e. sustulit.

in bonam partem.

Εξήγησις

de hac terra ut tollam, quod bene exprimit Lutherus *Ich wil auß dem Lande weg nehmen / homines & jumenta*, illos occident Chaldæi, & si qui superstites fuerint, in captivitatem abducent, hæc mactabunt & abigent: quin totam terram reddam etiam ab alijs desolatissimam, quia *recepturus sum etiam aves cæli, & pisces maris* quemadmodum sape probavit experientia, bellicis tumultibus ipsas quoq; aves fuisse fugatas, & piscinas vastatas Jerem. 4, 23. 25. 26. 27. & 9, 10. quibus adde, quæ scribit in hunc locum Hieronymus. Vastatis, inquit, urbibus & hominibus interfectis solitudinem & raritatem bestiarum quoq; fieri & volatilium, pisciumq; testis est Illyricus, testis Thracia, testis, in quo ortus sum, solum, ubi præter cælum & terram crescentes vepres, & condensa silvarum, cuncta perierunt. quibus similia idem scribit in 4. cap. Hoseæ. Hoc, qui non credit, cernat Illyricum, Thraciam, Macedoniam, & probabit, cum hominibus animalia cuncta deficere, quæ in usus hominum a creatore prius alebantur. Causa hujus *πανελεθε'ας* subjicitur a propheta, nempe quod terra idololatriâ polluta sit, quando sic pergit: Et tollam e medio *ipsa offendicula illa* quæ jam publice prostant & coluntur a plurimis (hebr. *המכשלות*, a Rad. *כשל* impegit, lapsus est, quando offendit pedem ad *σκανδαλον* seu *πεσομιμα*) ipsa idola, quibus multi offenduntur & peiores evadunt, de quibus Eucherius in lib. Regum scribit. Scriptura idola offensionem nuncupat, quia vel in illis Deus offenditur, vel illa offensionē & ruinam suis afferunt cultoribus, qui cum illis tandem pereunt, ut sequitur in textu, tollam idola *cum improbis*, &, ut res bene noceatur, idem denuo repetam. *excindam a homines superficie hujus terræ*, Lutherus emphaticè *Ich will außreutten dictum Jehove*, qui

*Animalia
nulla, ubi
non sunt
homines.*

*מכשלות
notat idola.*

sapius.

sæpius eadem inculcare jussit, quia novit, mihi rem cum pertinacibus esse, & qui legis minas, utpote in relautâ & benè-auctâ jam constituti, securi sperunt. Alij voce hebræâ, paulò antè declaratâ notari existimant ruinas, & significari, ne ipsa quidem rudera ab hac vindictâ fore immunia, & per homines in ultimo membro denotari eos, qui non adeò mali essent, ut reliqui, & tamen communibus involvantur miserijs, quorum hoc non admodum impugno, illud verò scopo & vi vocis non satis convenire, nec sequenti *élynos* congruere puto, ubi statim de ipsis idolis in specie agere incipit propheta, quæ hic notavit in genere.

non rude-
ra.

LOCI COMMUNES

Ex versu 2.]

I. *Omninò recepturus sum omnia]* Deus peccatis graviter irascitur, & nisi de illis seriâ agatur pœnitentia, severissimè punit Ps. 7. 7. 8. 9. 13. 14. 15. & 9. 17.

Peccata
Deo exo-
sa.
Mala
Dei præ-
dicat.

II. *Dictum Jehovah]* Idem tamen mala ventura prædicat, etiam per plures sæpe, ut homines instantia fata caveant pœnasq; evitent seriâ resipiscencia, unde constat, non delectari cum interitu hominum, quâ de re cum aliàs sæpe, tum Amos 3, 7. Obadj. 1. L. C. 3. Jon. 1, 2. L. C. 2. Psal. 8, 3. dictum est.

Ex versu 3.]

Homines & jumenta] Non tantùm propter peccata homines ipsi seu autores, sed & bona eorum perduntur, & sublati hominibus, in quorum usum condita sunt animalia, neq; his amplius à Deo parci solet. Exemplum est in diluvio. Vide etiam quæ allata, sunt Jon. 3, 7.

Homines
cum suis
bonis per-
duntur.

PARS POSTERIOR.

*Et signifi-
cat id est.*

Verf. 4.] *Et extendam* (Ubi conjunctio, alias copula-
tiva, est particula declarandi, & tantum valet, quantum hoc
est. sicut & Gen. 14, 23. Num. 13, 19. Deut. 5, 16. 2. Sam. 17, 12.
Zach. 1, 4. & καὶ in N. T. Joh. 10, 33. Rom. 1, 5. Matt. 13, 41.
Col. 2, 8. & apud Virgil. lib. 1. Aen. v. 31.

*etiam pra-
sertim*

Judicium Paridis, spretaq; injuria formæ,
& Hesiod. l. 2. Egr. ἀσέβη καὶ κινὸς ἀρχομένη) *manum*
meam super Jebudam, sub quo intelligit & tribum Benjamin,
siquidem hæ duæ tribus tantum restabant abductis ab Assy-
rio ceteris in captivitatem 2. Reg. 17. & i. e. præsertim seu
inprimis (quomodo iterum peculiari modo conjunctio,
usurpatur, & tum præcipue, quando illa post genus additur
speciei Jer. 4. 3. seu post totum parti præcipue Marc. 1, 15. &
16, 7.) *super omnes habitatores Jerusalemorum*, quippe qui
sunt autores primi omnium malorum, unde meritò Deus
puniturus à sanctuario suo à se descisciente incipit Ezech. 9, 6.
& in propinquis suis, i. e. quos propius assumferat & arcti-
ori sibi amoris copularat vinculo, quum ab ipso declinant,
sanctificatur primo omnium Levit. 10, 3. Ex quibus facile
constare poterit, quomodo hoc loco phrasis illa sit accipi-
enda, quando Deus dicitur manum extendere, nempe in

*Manum
extendere*

malam partem, quæ aliàs est ἐκ τῶν μετῶν. Nam & de
Deo placato in bonam partem accipitur, & significat prote-
gere, defendere, tueri in pietate firmiter consistentes Psal.
138, 7. & 144, 7. & quandoq; vocare & invitare ad pœniten-
tiam lapsos Esa 65, 2. Pro. 1, 25. Sæpius tamen, quum de malis
sermo est, ut hoc loco, & de Deo irato, notat Dei ex ira
percutientis gestum. Confer Exod. 7, 5. & 15, 12. Es. 5, 25.

*firmatur
in bonam*

*& malam
partem.*

& 9, 12.

& 9, 12. 17. 21. & 10, 4. & 14, 27 & 31, 3. Jer. 6, 12. Ezech. 16, 27. & 14, 13. & 25, 7. infra c. 2, 13. cui similis phrasis est, *emittere manum* Job. 1, 11. & 2, 5. Manus enim & dextra Dei ejus virtutem ἀρχαίων τῶν denotat, & proinde *extendere manum*, est virtutem exercere, tam in defendendis bonis, quam puniendis malis. Et hoc posteriori modo h. l. adhibitam esse phrasin hæc verba sequentia satis probant: *exscindam è loco hoc residuum Baalis*, non, ut nonnulli interpretantur, quod Josias vestigare non potuerat in sua reformatione, ac repurgatione (eam enim, quum hæc propheta diceret, nondum fuisse peractam, sequentia satis arguunt, præsertim si conferantur cum ipsa reformationis ab hoc rege institutæ historiâ 2. Reg. 23. & 2. Chron. 35. prolixè descripta) sed quicquid post decem tribus in Assyriam abductas in populo Dei etiam regno Judæ permansit. Quamvis interim non negem, etiam post factam restaurationem quasdam remanere potuisse idololatriæ reliquias (id quod tamen non satis bene colligunt quidam ex 2. Reg. 23, 5. & Jerem. 2, 20. 28. cum ibi dicatur contrarium, hoc verò ante repurgationem prolatum fuisse videtur) tantum hoc dico, statim post eam non lieuisse ulli, neq; ab ullo fieri impune potuisse, stellis super tecta sacrificare, & Melechum publicè colere, quoniam Josias omnia instrumenta, quæ fuerant parata Baali, totiq; exercitui cælorum, combussit, atratos abolevit, & eos, qui adolebant Baali, Soli, Lunæ ac planetis, deniq; toti exercitui cælorum; prohibuit, nequis traduceret per ignem liberos aut offerret Melecho, equos & curris solis cõbussit igne &c. quod tamen hoc loco factum esse dicit. Si itaq; obtinet illorum sententia, coluissent homines idola è medio jam sublata, per instrumenta combusta, per sacerdotes ab officio remotos.

Hæc dicuntur de tempore ante reformationem Josia.

remotos &c. Neque est quod dicas, privatim illa sacrilega, sacra fuisse peracta, cum contra illa ageret noster propheta: facit enim statim mentionem atratorum & sacerdotum, tamquam publicorum ministrorum, qui post Josia instaurationem non amplius supererant. Et quomodo id fieri poterat clanculum, quod in conspectu omnium fiebat super ipsa recta, hoc est, publice? quod infra declarabitur. Sed redimus ad textum, ubi dicitur, quod Deus sit excisurus reliquum Baalis, quod adhuc in regno Judæ, & nomen atratorum cum ipsis sacerdotibus, quos Tremellius ita differre dicit, quod atrati sint voluntarij hominum privatorum auctoritate cooptati, sacerdotes verò ordinarij, quod tamen ubi habeat fundamentum, non video. si quid in re non satis liquidum divinandum, id potius credo, fuisse sacerdotes, quotquot Dei veri erant ministri, à quo tamen jam retrocesserant per apostasian: atratos autem, qui nunquam verum Deum in isto suo officio, sed semper idola coluerunt, id quod nomen **קמרים** quodammodo innuit, quod est à **קמר** flagra- vit, astuavit intus in visceribus, & extus in corporibus, ex adustione atratus est, & vel à nigris seu pullis vestibus, quas ex ritu supersticioso gerebant, vel à nimio ardore in prava religione ita dicti sunt. Drusij conjectura longius petita & fallax videtur, quando ait, quod per illam vocem tantum sacerdotum seniorum impuberes ministri denotentur, qui per diminutionem in Hetrusca lingua inde postea dicti sint Camilli, ut testatur Servius in 11. Aen. Varro de ling. lat. Macrob. l. 3. Saturn. c. 8. Nam. 2. Reg. 23, 5. Hof. 10, 5. integer ordo sacrificulorum tam seniorum quam juniorum hac voce denotatur. Elias in **תשרי** nuncupatos dicit ab eo, quod simul conclusi in uno loco retinebantur, & tum nostrum

Atrati.

Sacerdotes.

קמרים

*non sunt
tantum
impuberes
ministri,*

*similes
nostris mo-
nachis.*

Ramus

Rathner rectè ei cognatum est vocabulum, quomodo locum, ubi monachi vel monialis habitant, vocatum esse dicit, qui hodie à claudendo *Kloster* & *Klausen* nobis dicitur.

Verf. 5.] Et hæc obiter notasse libuit: ad verba textus revertimur, in quo porro astrorum cultus graviter reprehenditur à Deo, dum ait, se excisurum quoq; eos, qui *incurvant se* honorem divinum exhibentes, non tantum privatim in conclavibus, sed etiam publicè, hoc est, *super tecta* (quæ in illis regionibus plana, & non, ut nostra, in formam coni fastigiata, & proinde ad publicè aliquid edicendum vel peragendum satis idonea. quod ut rectius intelligas, confer Deut. 22, 8. 2. Sam. 11, 2. Matth 10, 27. Act. 10, 9. Jud. 9, 51. & 16, 27. Marc. 2, 4. Luc. 12, 3.) *exercitui caelorum*, hoc est, Soli, Lunæ, & reliquis stellis, quæ quia sunt ordine more militiæ seu exercitus dispositæ, ita dicuntur, & quia his tecta domorum sunt maximè exposita, in illis ipsorum peragebantur sacra. Deut. 4, 19. & 17, 3. 2. Reg. 17, 16. & 21, 3. 5. 2. Chron. 33, 3. Jer. 19, 13. & 44, 17. sed & mixtura religionis rejicitur, quando prædicatur, fore, ut excindantur, qui *incurvantes se jurant Jehovæ*, non, ut Tremellius ac Junius vertunt, per Jehovam, siquidem non est in textu *בַּיהוָה*, sed *לַיהוָה*, & notat eos, qui Deo se addicunt, veræq; ejus religioni se consecrant 2. Chron. 15, 24. & tamen simul jurant per Melechum suum, per Synecdochen frequentissimam. conf. Esa. 45, 29. Rom. 14, 11. colunt cum loco veri Dei, imo dicunt & profitentur, non se colere idola ista muta, sed per ea & in eis Deum verum ac vivum, ut quondam Israelitæ in deserto Exod. 32, 4. 5. quem regem cæli Melech, (*מֶלֶךְ*) ille denotet, de quo pluribus Amos 5, 26. & 7, 12. Act. 7, 43. Atq; ita hi

Super tecta.

Exercitus caelorum.

Jurare.

revera in duas partes claudicabant 1. Reg. 18, 21. quod & ibi Elias, & hîc. Sophonias graviter redarguit.

Vers. 6.] Quin nec illos præterit, qui quidem Deos falsos ex professo non colebant, à Deo tamen vero per impietatem nihilominus defecerant, & ut milites ignavi ex castris Jehovæ, cui in circumcissione Sacramentum dederant, profugere, quia etiam illi perdentur, *qui retrò aguntur ac retrocedunt à sequendo Jehovam*, ne eant deinceps post Dominum, quomodo & negativè sæpè accipi solere, demonstratum est Jon. 4, 3. Dabunt igitur & ipsi pœnas, & quotquot in sua malitia pergunt, nec de resipiscencia cogitant quidem, *qui non quærunt Jehovam*, non amant illum, non curant, non amplectuntur ejus doctrinam, sed ipsum spernunt, ejusq; verbum, quomodo negatio vehementissimam contrarij affirmationem innuit, ut alias exemplis pluribus probatum est, ex quibus jam libet notare hæc pauca Prov. 10, 2. & 18, 5. & 23, 3. Ps. 83, 2. Amos 1, 3. & 2, 4. Joh. 1, 20. & 3, 15. 16. 17. 36. & 5, 24. Rom. 4, 19. Hab. 2, 4. & phrasis ipsa, *Quærere Dominum*, ejusq; ἐμψαως explicata est Amos 5, 4. 6, 14. quamvis pro instituti mei ratione, brevius, unde lucem facies aliquam illi loco, *Quærite primùm regnum Dei* Matth. 6, 33. quandoquidem totum cultum divinum complectitur, & serium pietatis studium. Ut verò tantò melius id propheta noster hoc ipso in loco indicet, per geminationem verbi idem fere significantis exaggerationem instituit, neq; illi homines profani *requirunt seu investigant* illum Deum verum, à quo turpiter recesserunt. Lutherus eleganter hæc expressit in versione germanica, *die vom HErrn abfallen/ vnd die nach dem HErrn nichts fragen/ vnd ihn nicht achten*.

*Negatio
contrarij
vehemen-
ter affir-
mat.*

*Quærere
Deum.*

Vers.

Vers. 7.] Et hæcenus Sophonias satis acriter castigavit idololatrias varios & apostatas: quia a. homines ita à ministris verbi accusati solent vel respondere, suaq; flagitia palliare & defendere, vel, si id fieri non potest, externis præsiidiis contra pœnam imminentem se consueverunt munire, utrumq; propheta hic præoccupat, quasi dicat: Ne putes, ô idololatra, te obloquendo effecturum, ut probetur Domino causa tua mala: confecta atq; evicta est, tantum te para ad subeundum, quod meruisti, iudicium, scito, non vanas esse minas, quas prænuncio, cogita, te coram Deo ipso consistere, neq; ei in faciem obloquitur. *Sile*, ne responses aut murmures, sed metue, ut, qui aliquem metuunt, coram eo tacent, quomodo satis benè id hoc loco græci vertunt per *ἐν λαβῇ αὐτοῦ*, & de ipsa voce *דָּן* vide plura Hab. 2. 20. & in locis ibidem ex Amos citatis. *Sile*, inquam, à conspectu Domini *Jehovi*, Dei veri triunius Amos 1, 8. cui omnes res creata manifesta, Heb. 4, 12. & qui te quoq; novit optimè. Lutherus, *Seit stille für dem HErrn HErrn* / sile saltem, quia non procul absunt pœnæ, quas non effugies, quum Deus ipse tuos hostes amaverit, *propinqua enim est dies Jehovæ*, quâ declarabit, se esse Deum, & veracem in dictis vide Ioel. 2, 1. & 3, 14. Amos 5, 18. 20. Obadj. v. 15. & certè propinqua erat dies iræ, cum hæc dicebat propheta. Nam post mortem Iosia regnum Judæorum continuas clades pertulit, donec eversum est funditus. sic infra v. 14. Cur verò est dies Ichovæ? quia *apparavit Jehova hostiam*, Lutherus benè vertit, *der HErr hat ein Schlachtopfer zubereitet* / victimam, i. e. mactanda animalia, improbos vos ad eadem destinavit, ut victimas ad sacrificium ipsi gratum (ita enim nomen abstractum *זָבַח* sacrificium seu mactatio

דָּן

Dies Jehovæ.

זָבַח i. e.

*animalia
mactanda*

*Deus ani-
malia car-
nivora vo-
cat ad con-
vivium.*

pro animalibus mactandis accipitur, ut Esa. 34, 6. Ier. 46, 10. Ezech. 39, 17.) & præparavit Deus hoc lautissimum & maximum convivium suis invitatis, quos ad id peculiariter delegit, destinavit, atq; adeo præparavit, segregavit, & sanctificavit, ut verbum hebraeum sonat, *vocatos suos*, hostes vestros Aegyptios, Babylonios, eorumq; auxiliares, quos ad hoc sanctum iustitiæ opus exequendum ordinavit, eisq; cum jam mactaverint & ceciderint vos, corporaq; in agris hinc inde projecerint inhumata Deut. 28, 26. adducet animalia carnivora, ut aquilas, vultures, lupos, canes &c. quæ etiam tum satis lauto excipiet convivio, quod respiciens Lutherus reddit, *der Herr hat seine Geseß dazu geladen/ quæ omnia*, phrasin, inquam, & rem, esse hoc loco ut intelligas, inspicere & confer diligenter 2. Reg. 23, 29. & 24, 15. Es 13, 3. Ier. 6, 4. & 12, 9. & 25, 33. 34. Ioch. 1, 14. & 2, 16. & 3, 9. Sir. 35, 8. I. Tim. 4, 5. Apoc. 19, 17. 18.

Verf. 8.] Dixi a. Deum lautissimum instituturum esse convivium, idq; amplissimum, ad quod invitaverit plurimos: quibus verò epulis eos suos convivas excipiet? apponet, parabit, & vescendas dabit omnis generis epulas exquisitissimas, & primus missus certe erit omnium delicatissimus. Quisnam vero iste? inquis. audi Deum ipsum hujus convivij arbitrum, sic dicit. *Erit a. die mactationis Jehovæ*, quo die ego Jehova mactabo improbos ut hostiam, ne potentiores sperent se fore à malo immunes, futurum est, *ut visitem*, ex ira contra principes, animadvertamq; in eos primum omnium severissime, & in filios ipsius regis cum qua prædictione confer eventum Ier. 39, 6. 2. Reg 23, 24 25. & ult. capitibus. Non n. eos tantum puniam, quibus vix in sentina navis Reip. est locus, sed & il-

*Punian-
tur prin-
cipes,*

hōs vel imprimis tāget malum, qui sedent in puppi, quiq;
 clavum tenent imperij Neq; verò hōs tantum calamitas
 affliget, sed & omnes, qui regum & principum libidini in-
 serviunt, tam in luxu adornando, quàm sumptus ei sup-
 peditando, siquidem animadvertam *in omnes, qui induun-
 tur indumento alienigenarum seu peregrino, qui delitijs cir-
 cumfluunt, ac vanitati student, palamq; ostendunt, se id
 unice agere, summāq; ope niti, ut strenuè luxurientur,
 omnisq; generis delicias sectentur, dūm exoticos mores
 & vestes invehunt, & hoc ipso summam animi sui levita-
 tem produnt, quem patrie luxur nequeat satiare.* Ita n. &
 verba ipsa & coherentia textus (in quo non agitur de
 hominibus in statu Ecclesiastico; de quibus sup. v. 4. sed
 de iis, qui vivunt in statu politico) hoc membrum po-
 tius accipiendum esse, monent, quàm ut cum alijs in-
 terpretemur id ipsum de sacerdotibus idololatricis, qui
 preciosis vestibus exoticis induti sua celebrabant sacra.
 quod ut non nego fuisse factum, tamen his verbis im-
 mediatè designari. (salvo melius sentientium. suaq; ex scri-
 ptura probantium iudicio) non puto, nisi dicere velis,
 D. Lutherum & alios in specie *καὶ ἐξ ὧν* eos nominare,
 qui sub genere possunt contineri. Ille enim rectè verit,
*alle die ein frembd Kleid tragen / & in margine exponitur,
 nemlich in ihren Gögendienst als Messgewand / Chorfaspen.*
 Nos (salvo honore tantis viris debito, à quibus etiam li-
 benter doceri cupimus meliora) priori sententiā retentā
 existimamus hic quatuor genera eorum hominum indi-
 cari, qui epularum loco in convivio Dei velut quatuor
 missus sint apponendi I. Principes, regumq; filij. II. vesti-
 tu extraneo utentes, ut magnates politici v. 8. III. auli-
 ci ministri & præfecti v. 9. IV. mercatores v. 11.

*eorumq;
 ministri.*

*qui veste
 peregrinā
 utuntur.*

*Non agi-
 tur hic de
 sacerdoti-
 bus.*

Vers. 9.] De quobus prioribus generibus vidimus:
 accedamus ad tertium, de quo sequitur. *Et animadver-*
tam in omnem, qui infilit in limen, die illa, & eos omnes, qui im-
plent domum dominorum suorum violentia, & dolo. In quo ver-
 su, nisi iterum constaret, agi de famulis magnatum poli-
 ticiis, & nisi membrum posterius explicaret prius à ple-
 risq; interpretibus (quorum nonnullorum, dum textus
 cohærentiam & phrasium emphases negligunt interpre-
 tationes malè cohærent cum textu & secum ipsis) abire-
 mus incerti & dubij. Quidam n. eos intelligunt famulos,
 qui suis saltationibus ludicris & artificiosis dominis suis
 erant voluptati, ijsq; faciebant delicias. sed non satis be-
 nè. quî n. isti violentiâ & dolo, hoc est, opibus per vim
 & fraudes partis ædes dominorum implerent? Alij exi-
 stimant notari cultores Dagonis, qui peculiari de causa
 (de qua 1. Sam. 5, 5.) limen non calcabant, unde Chal-
 dæus vertit hæc verba, & eos, qui ambulant in ritibus
 Philistæorum, Sed neq; hic agitur de idololatriâ, de qua
 in superioribus satis prolixè, nec pro illis militat subjecta
 ratio, quæ est desumpta à rapinis, nec verbum אֲלֵלֵי id in-
 nuit, quod non significat, ex metu non audere tangere,
 ut illi sacrificuli faciebant, sed præ lætitia subsilire, ma-
 gnaq; cum fiducia ac potentia, quod docet locorum, ubi
 extat præterea in Biblijs, collatio 2 Sam. 22, 30. Psal. 18,
 30. Cant. 2, 8. Es. 35, 6. Quos igitur tandem propheta deno-
 tat? famulos existimo magnatum eos, qui erant effra-
 ctiores & administri ejus violentiæ, quam superiores in in-
 feriores & tenues adhibebant, malisq; artibus, ubi viribus
 non erat locus, suis Dominis erant quæstui, quicq; magna
 cum fiducia & alienas domos invadebant, bona occupa-
 bant, & quando prædâ onusti domum redibant, præ læti-
 tia

*Quisnam
 ille, qui
 infilit in
 limen.*

*non salta-
 tor ludi-
 cius,*

*nes cultor
 Dagonis,*

אֲלֵלֵי

*sed mini-
 ster magi-
 stratus
 mali.*

ita simen Dominorum suorum simul transiliebant, cui
sententiæ Lutherus in versione germanica non repugnat
ita vertens, so über die Schwelle springen.

Vers. 10.] Hæc verò est magna violentia, magna ne-
quitia, & animadversione dignissima, quæ jam subjungi-
tur per hypotyposin, quâ poenæ magnitudo & ejulatus
futuri repræsentatione adumbratur, siquidem erit olim
ut propter hæc flagitia tota Ierosolymorum urbs, tribus
suis oppidis distincta, luctuosâ vociferatione personet.
Nam erit die illa visitationis iratæ, dictum Jehova, & proin-
de verum certum ac ratum, vox clamoris à pueris, senibus,
virginibus, matronis excitati tempore expugnationi à
porta piscium, quæ Diospolin & Ioppen ducebat versus
mare occidentale seu magnum, & per quam pisces è mari
advecti in urbem afferebantur, quæq; ad civitatem Da-
vidis pertinebat, 2. Chron. 33, 14. & cujus fit mentio Ne-
hem. 3, 3. & ejulatus à parte secunda, quæ denotat alterum
Ierosolymorum oppidum 2. Reg. 22, 14. & confractio seu
contritio magna, magnus dolor ex magna calamitate,
ab ipsis collibus, seu ea urbis parte, in quâ colles, qui ex-
tremitati oppidi tertij impendebant versus portam ster-
quiliniorum, ubi erat olivetum Ierem. 31, 39. alijsq; mon-
tes in vicinis agris, ubi vox aeris percussione gemina-
ta Echo latius & horribilius dispergi ac divulgari pote-
rat, quomodo Lutherus vertit, ein groß Jammer auff den
Hügeln. Duplex enim erat hæc civitas præter arcem rupi
impositam, quæ tertiam ejus constituebat partem, unde
in textu hebræo nomen habet dualis formæ, illarumq;
altera in sorte Iudæ erat Ios. 15, 8. 63. altera Benjaminis
eum Iuda communis, arx verò solius Benjaminis, quæ
expugnavit & occupavit David 2. Sam. 5, 6. 7. 9. 1. Chro.

Ierosoly-
ma tribus
oppidis
distincta.

1.
Porta
piscium.

2.

3.

וְיִשְׁרָאֵל

II, 4. 5. 7. 8. Confer Ioseph. lib. 6. de bello Iudaico cap. 6. Drus. l. 14. Obs. cap. 21.

Hæc sententia etiam huius loci, satis ob intermediam vocem generalem מִשְׁמָר intricati, & variè à varijs explicati, mihi videtur omnium simplicissima, quam habet Eucherius in tractatu de quæstionibus V. T. eamq; approbant Drusius, Iunius. Kimchi non portam, sed scholam designari putat, fretus autoritate Chaldaei paraphrastæ, qui Reg. 22. 14. hebræam vocem interpretatur מִשְׁמָר i. e. domum doctrinæ, quasi dicas, repetitionum locum, quæ interpretatio (inquit Tremellius) usui Hebræorum in commentarijs reciproco convenit, sed in scripturis sine exemplo est, si benè observavimus. R. Salomo & cum hoc Lutherus, portam subaudit, eamq; numero secundam inter reliquas fuisse existimat. Hieronymus, & cum eo Ribera portam secundi muri intelligit, quia urbs triplici muri cincta est, ut refert Iosephus lib. 6. de bello Iudaico cap. 6. quas varias variorum interpretum sententias propterea præter morem afferre placuit, ut inde nostræ simplicitas confirmaretur, quæ & scopo prophetæ maximè congruit, qui est, ut declaret nihil in tam ampla civitate ab ejulatione fore immune aut vacuum, quam ob causam etiam hæc subnectit:

Verf. II.] *Ejulate deinceps, qui hæcenus cantastis, vos habitatores מִשְׁמָר i. e. pila seu mortarij, quod à contundendo nomen habet Prov. 27, 22. Et quia hoc non tantum olim aromata. aliq; ciborum condimenta, ut etiamnum hodie, sed cum deessent molæ, quæ longo demum post tempore sunt inventæ, etiam ipsa frumenta pinferentur, Lutherus hoc respectu ad nostra tempora habito recti-*

rectissime vertit, die jhr in der Mühlen wohnet/ quia quod nobis hodiè sunt molæ, illis olim erant pilæ. Nam agit hoc loco propheta de ipsis mercatoribus, qui cum alia ad luxum requisita, tum inprimis in usum vitæ necessaria frumenta contusa & arte parata aut tosta vendebant. Alij pleriq; interpretes per metaphoram hoc nomen adhibitum esse hoc loco putant, quod quemadmodum mortarium magnam intus habet cavitatem, designari ea voce illos, hoc loco, qui non locis liberis, sed cavis, depressioribus & tutioribus habitabant, ut mercatores metuentes suis mercibus & nummulis, atq; ita conferunt cum hoc loco Jud. 15, 19. & Neh. 3, 80. quæ sententia nostræ non est contraria, sed subordinata, & cū eà satis benè congruit, siquidem & forā plerumq; sunt in locis civitatis intimis, & plateæ vicinæ mortariorum tinnitu crebro perstrepuunt, & ipsæ ædiculæ institorum sunt plerumq; valde angustæ, dum hoc agunt, ut in loco mercibus distrahendis idoneo habitent, sicut videre est etiam apud nos in
Orsfunde/ auffm Schilde.

Ne quis autem objiceret, alijs possunt hi confidere, qui eos defendent suis opibus, præoccubat & hoc propheta ostendens, omnes omnino succisum iri, ita ut in silentium redigantur, quæ est verbi **יִרְמָיָהוּ** (de quo Obadj. v. 5.) *ἐμφασίς*, quia succisus est totus populus Canaan, vel mercaturam faciens, das ganze Krämer Volk ist dahin / ut Lutherus interpretatur. Et notandum, quod hoc loco propheta ludat ex ambiguo in nomine **כַּנְעָנִי**, quod modo proprium seu gentilitium, modo appellativum est, ut indicet suos populares cum moribus Cananæorum impurissimis, qui mercaturæ erant maxime dediti & fraudulentis Hos. 12, 8. idem nomen sibi comparasse, idemq; judicium Dei sua mala vitæ

כַּנְעָנִי

promeruisse & velut acquisivisse, quod certissime secuturum erat, id quod sequens membrum testatur, *excisi sunt omnes portantes argentum*, ut negotiatores, argentarii, item quilibet pecuniosus ac opulenti, quo respiciens Lutherus interpretatur, *vñnd alle / die Geld samlen / sind außgerottet*.

Verf. 12.] Jam dicat quispiam hac acerbitate judicii divini cognita, Deum agere cum suo populo durius etiam hanc rimam Sophonias obstruit, & ostendit, quam ille fuerit contumax ac pertinax. *Erit tempore illo* (quæ verba etiam loquentis Jehovæ sunt) *scrutabor Ierosolymam lucernis*, hoc est, exactissime. Ut enim aliquis accensa lucernam abstrusissima quæq; & in tenebris latentia rimatur sedulo Luc. 15, 8. sic ego ipsam urbem totam incendam, ne quis latere possit in tenebris, ut protraham in lucem, quod ipsi admiserunt in occulto, quum minutatim de peccatis eorum cogniturus, & cum eis rationes meas accuratissime initurus sum, *ut animadvertam tandem in istos homines, qui concreti sunt cum facibus suis*, græci, *ἵππὶ τὰ Φυλάγματα αὐτῶν*, quomodo optime cum vocis hebrææ *עִטְמוֹ* congruunt (ut enim *עִטְמוֹ* *אֶמְשׁוּ* i. e. servavit, custodivit, quod vinum super facies conservetur, sic *Φυλάγματα ἀπὸ τῶ Φυλάσσειν*) Lutherus *die auff ihren hesen ligen / hoc est, interprete illo in* *marginē, sicher sein / als ein wein / den man nicht ablassen wird*, quomodo eadem phrasis usurpatur Jerem. 48, 11. & denotat eos, qui non commoventur minis legis, neq; ipsorum temporum conversionem sentiunt, sed in peccatis suis obduruerunt prorsus sine ullo conscientiae sensu, ridentes Dei minas per prophetas prædictas, obfirmateq; hærent in suo malo, ut facies adhærent dolio, eisq; vinum innatat, & hi

*Scrutari
lucernis.*

*עִטְמוֹ
φυλάγ-
ματα.*

*Concreti
cum faci-
bus suis.*

Illi sunt, qui dicunt cum animo suo, in corde ita secum cogitant, quum palam Dei providentiam negare non ausint. Psal. 14, 1. *non benefacit Jehova, neq; malefacit, nec juvat bonos; nec punit malos, nihil hæc mortalia curat, &, ut de suo Deo epicurus poeta scriptum reliquit, nec bene promeritis capitur, nec tangitur irâ.* Lutherus bene expressit illas cogitationes his verbis, *der Herr wird weder guts noch böses thun.*

Dei providentia negatur.

Verf. 13.] Quid autem ad eas cogitationes impias cœli Dominus? Ipsi, inquit, hi improbi suo exemplo mox testabuntur contrarium. Me enim ex justitiâ ita dirigente, erunt facultates eorum direptioni, cedentq; Chaldæis, quas ipsi injustè aliis vel vi eripuerant, vel fraudibus subtraxerant, supra v. 9. & 11. *& domus eorum, quas ipsi ex aliorum laboribus ædificaverunt, erunt desolationi.* Nam quas minas olim legi meæ subjeci, ejusque transgressoribus Lev. 26, 32. Deut. 28, 30. proposui, eas jam in hisce exequar, *ædificabunt quidem domos sed non inhabitabunt, plantabuntq; vineas, sed non bibent vinum earum.* Confer Amos 5, 11. Mich. 2, 2. 4. & 3, 10. 12.

Verf. 14.] *Et hæc dies iræ Jehovæ sup. v. 7. est propinqua, propinqua inquam, & festina valde, ejusq; effecta erunt valde atrocia. Propinquam esse illam diem dixi. Nam jam adest sonus diei Jehovæ in auribus meis, jam strepitum armorum præsentio, & ut poeta ait, Ovid. 5. Fastor.*

Sonus diei Jehovæ.

Fallor? an arma sonant? non fallimur, arma sonabant:

Mars venit, & veniens bellica signa dedit. sic ego cum regio propheta, vox Jehovæ Dei fortis intonat; decore, potenter &c. Ps, 29, 3. 4. 5. & cum Jeremia c. 4, 19.

20. 21. doleo præcordia mea, non possum filere, nam sonum buccinæ audis anima mea &c. & ille sonus dei Jehovah tam horribilis est, ut eo audito *amare clamet ac ejulet vir robustus*, quanto magis igitur reliqui imbecilliores. Illo die Judæi, qui nunc suis viribus præfidunt temerè, & se pro robustissimis venditant, amarissimos ejulatus edent, destituti omni robore, id quod Lutherus satis dilucidè expressit, *Wen das geschrey vom tage des Herren kommen wird / so werden die starcken als den bitterlich schreien.*

Dies vastitatis.

Verf. 15.] Et meritò, quia dies illa est dies furoris, dies angustiae & oppressionis, dies vastitatis, & quidem vastissima, id quod litera in sequenti voce addita notat, quando dicitur, נִחֵשׁ וְנִחֵשׁ (sicut Nahum 2, II. בִּקְהָה וּמִבְּקָה) i. e. tumultus & tumultuationis, ἰσχυροῦ καὶ ἰσχυράων, ein tag des Wetters / ja Ungewitters oder Ungestüms / ut cum Drusio, græcis interpretibus & Dn. Luthero aliquo modo elegantiam textus hebræi æmulemur, est dies tenebrarum & obscuritatis, dies nubis & caliginis, hoc est omnium calamitatum, afflictionum & malorum plenissima, ut explicatum est pluribus Joel. 2, 1. 2. 3. Amos 5, 18. 19. 20. & cum toto hoc loco confer Jer. 30, 5. 6. 9.

Et tenebrarum.

Arguli.

Verf. 16.] Unde verò tanta calamitas? quia illa ipsa dies est dies buccinæ & clangoris hostilis, quo valde perterrentur homines, nec tantum contra oppidula ac pagos, quibus non sunt magnæ vires aut præsidia, sed contra civitates munitas & contra angulos altissimos, hoc est, contra arces ac turres munitissimas, quales in murorum angulis solent ædificari. Lutherus ergò rectè, wieder die hohen Schloßer.

Verf. 17.] Die autem clangoris bellici, inquit porro Jehovah,

Jehova, angustius efficiam, arctèque premam homines illos, qui crunt in istis locis munitis, & in turribus excelsis, ubi se tutos esse existimant; ut ambulent tanquam cæci in perpetuis tenebris & calamitatibus; ut nescientes, quid se agant, quid prius inceptent, quid exequantur posterius, nullam spem vitæ aut salutis prospiciant, idq; propterea, quia Jehova peccaverunt, Lutherus: *ἐμὸν φάσμα τῆρας*, darumb daß sie wieder den Herrn gesündigt haben / ita eos deprimam, ut nihil ipsis vilius aut abjectius esse queat, siquidem futuri sunt ut pulvis & stercus, quoniam effunderetur sanguis eorum copiosissime & abjectissime ut pulvis, quo nihil vilius Matth. 10, 14. Act. 13, 51. & 18, 6. (De ipso usu comparationis vide quæ prolixius dicta sunt Amos 2, 4. Mich. 1, 10. & 7, 17. & confer phrasin, sicut arena maris, de qua Habacuc 1, 9. *ὅτι caro eorum, corpora seu cadavera projicientur per agros, non secus ut latamen sive fimus, quando stercoretur ager, atq; adeo non aliter atq; ipsa stercore quod Lutherus eleganter extulit Ihr Blut soll vergossen werden / als were es staub / vñnd ihr Leib / als were es Rott.*

Verf. 18.] Non itaque est quod quis ex illis confidat suis consilijs aut prudentiæ, quia dementati atq; inopes consilij hinc inde vagabuntur. Neque est quod quicquam spei aliquis habeat in suis opibus, quibus putet se posse conducere militem externum, quando quidem eripientur ipsis sup. v. 13. Neq; argentum eorum, neq; aurum eorum poterit eripere eos diæ furoris Jehovæ (de quo v. 14. 15. 16.) quum igne zeli ipsius consumetur hæc tota terra Ezech. 38, 19. Nam Jehova propere ac sine mora consumet hujus regionis habitantes, consumptionem utiq; acceleratam confecturus est cum omnibus habitatoribus hujus terræ; Lutherus: *er wirds plößlich ein ende*

Sanguis effunditur ut pulvis.

Nullum consilium aut potentia adversus Dominum.

*Zelus Je-
hova.*

maſſen/ quia zelus Jehovæ pro ſua ſponſa ſeu Eccleſiæ veris
membris, contra putrida, quæ defecerunt ab eo, graviter
exarſit tanquam in adulteram, qua de re vide plura Joch. 2,
18. Nahum 1, 2. & 3, 4.

LOCI COMMUNES.

Ex verſu 4.]

*Peccata
notoria
arguenda
aperte.*

I. *Extendam manum ſuper Judam]* Peccata non tan-
tùm in genere reprehendenda ſunt, ſed etiam in ſpecie ſin-
gulorum, ſi ſunt notoria, exemplo Eliæ 1. Reg. 18, 18. Chriſti
Matt. 23. & 11, 20. apoſtoli 1. Cor. 5, 1. 1. Tim. 1, 20. Johannis
baptiſtæ Mat. 14, 4. Amos, c. 7, 16. Samuelis 1. Sam. 15, 16.
Nathanis 2. Sam. 12, 7. Gadis 2. Sam. 24, 13. Petri Act. 8, 20.
Pauli Actor. 13, 10. Gal. 2, 14. ubi verbi miniſtro primario
dixit ἐμπεδοειν πάντων, & hoc loco noſtri prophetæ, qui
Judæ & Jerolymæ ſanctæ illius urbis & metropolis expres-
ſam facit mentionem, cum tamen huic inſignes factæ eſſent
promiſſiones, Pſal. 132, 14. & 122, 1. 2. ſed quas malè accipie-
bant & urgebant hypocritæ Jer. 7, 4. Quisq̃ igitur fidelis
verbi divini præco nocte dieq̃ non ceſſet cum lachrymis
inſtruere unumquemq̃, ut fecit Paulus, δημοσία καὶ κατ' οἴ-
κους Act. 20, 20. 21, 31. vigilet pro animabus auditorum tan-
quam pro ſingulis rationem redditurus Heb. 13, 17. inſpice
Ezech. 3, 3. & 33, 8. Galat. 6, 6. 1. Tim. 3, 15. 1. Cor. 4, 1.

*Eccleſia
poſſet de-
ficere.*

II. Quia hoc loco tam graviter reprehenditur ipſum
regnum Judæ & urbs ſancta Jerolyma, quod ſint prorsus
mutata ab illis, quæ quondam fuerant, videmus, veram
Dei Eccleſiam, ſibi relictam, ob flagitia à Deo poſſe deficere,
& planè degenerare, quod negant pontificij contra exem-
pla

pla manifesta, etiam in N. T. Galatarum Gal. 3, 1. Romanorum, Rom. 11, 19. 20.

Ex versu 5.]

I. *Exercitui cælorum*] Hodie quidem apud nos non adorantur stellæ, est tamen species quædam idololatriæ satis usitata in astrologia judiciaria, quæ etiam damnanda est, quamvis non item Astronomia, vide Mich. 5, 11. 12. Nahum. 3, 4.

Astrologia.

II. Idololatriæ turpitudine ex propheta exaggeretur, quando creaturæ plus coluntur quam creator Roman. 1, 23. 25.

III. Deus non aliter vult coli, quam ipse in suo verbo præcepit, Vide in Amos 5, 25. 26.

Ex versu 6.]

Tum qui retrò aguntur à sequendo Jehovah] Si multi ex renatis deficiunt Luc. 8, 13. & multi ex discipulis Christi retrò abeunt Joh. 6, 66. & post agnitam veritatem retrò convertuntur 2. Pet. 2, 20. 21. 22. quomodo verum erit, quod dicunt Calviniani, verè renatos gratia Dei non posse excidere; sed tantum eos, qui tales visi? Is enim non potest retroagi, qui nunquam in viâ recta processit: is non potest recedere à Jehova, qui nunquam ei verè adhæsit: is non potest retrocedere, qui nunquam Jehovah verè est secutus. Nemo verò, qui injectit manum aratro & respicit retrò, appositus est ad regnum Dei Luc. 9, 62. & non effugiet ignem æternum seu partem in palude infernali, pice & bitumine ardenti, cuius rei exemplum præbet uxor Lothi Gen. 19, 17, ut Christus ipse explicat Luc. 17, 31. 32. Non enim sufficit benè cœpisse in pietatis cursu, sed ille est consummandus 2. Tim. 4, 7. & perse-

*Amosædix
sanctorum
probat, contra
Calvinia-
nos.*

CAPUT PRIMUM

persequendum, ut apprehendamus Phil. 3, 12. ita currendum, ut metam attingamus 1. Cor. 9, 24. ne gratiam Dei frustra acceperimus 2. Cor. 6, 1. conandum igitur ne quis nos ex cursu revocet, Gal. 5, 7. tenendum, quod habemus Apoc. 3, 11. sis fidus usque ad mortem ibid. c. 2, 10. quære & inveniens Matt. 7, 7. quære dominum, dum inveniri potest, Es. 55, 6. nam anima quærentium Deum vivet Psal. 69, 33. & 70, 5. qui quærit Dominum, præsto erit ipsi, & qui derelinquit eum derelinquet eum 2. Chron. 15, 2. 4.

Ex versu 7.]

*Omnes
semper
stamus in
conspetu
Dei.*

I. *Sile à conspectu Domini*] Cogitent omnes semper, se in conspectu Dei vivi stare, & si quid ex malitia peccant, ipsos ei non minorem inferre injuriam, quam si dicat servus regi in faciem, Tu mentiris. Quid enim est aliud, ore profiteri Deum, & factis abnegare, quam dicere, tu quidem ô Deus, dixisti, te omnes transgressores legis nefarios puni-
tuum, sed hoc non est verum, experiar. Exemplo sunt Israelitæ, qui toties propterea dicuntur Deum tentasse in deserto, quum experimento discere cupiebant, num Deus esset inter ipsos, ut dixerat, num etiam posset præstare quod promississet. Et hoc est grande illud peccatum, quod tam atrociter in illis est punitum. Caveamus nos à similibus peccatis, qui cupimus evitare easdem pœnas, & Deo tam in promissionibus, quam minis credamus, ne ei velut mendaci fidem derogemus 1. Joh. 3, 10. quod est crimen læsæ majestatis divinæ, quod licet apud multos sit usitatum nemo, nisi qui seriam agit pœnitentiam, & propter Christum in gratiam recipitur, inultum auferet.

II. *Apparavit Jehova mastanda animalia.*] Quos
Deus

Deus creavit ad vitam, eos propter peccata per justitiam morti destinat Sap. 13, 13. & 2, 23. Roman. 5, 12. & 6, 23. Sir. III, 14.

Ex versu 8.]

I. *Animadvertam in ipsos principes* Deus inter magistatus judicat Ps. 82, 1. eosq; diligenter observat Ecclesi. 5, 8. & si quid per petulantiam committunt, judicium severum exercetur in eos, qui præsunt, & potentes potenter olim inquirentur Sap. 6, 6.

*Magistra-
tus delicta
puniantur*

II. *In omnes, qui induuntur indumento alienigenarum* Magna est hæc hominum pravitas, quod quibus suæ miseriæ lapsus protoplastorum quotidie admoneri, & ad humilitatem incitari maximè debebant, vestibus ad superbiam glendam utantur, iisque se efferant, non secus ac si quis maleficus compedes & catenas, quas sceleribus promeritus est, & ignominia loco gestat, magnifice ostendet, & valdè in illis se jactitet. Vide de his Gen. 3, 10. 21. Deut. 22, 5. 11. Levit. 19, 19. 1. Cor. 11, 4. 1. Timoth. 2, 9. 10. 1. Pet. 3, 3. 4. 5. & notandum gravissimum Siracida cap. 19, 27. Vestitus, risus & incessus produnt hominis ingenium, vel

*Luxus in
vestitu re-
darguitur*

Incessu, risu, vesteq; notus homo est.

Namq; vero vestis magnum decus addit honesta,

Monstrum monstrum est animi indicium.

Et sapissimè verum est de illis, qui ita exteros imitantur in vestitu,

Qualis vestris erit, talia corda gerit.

Proinde

Non cures juvenis multum, qua veste regaris,

In vestimentis non est sapientia mentis.

præcipue
in viris.

Inspice etiam eos doctores, qui luxum in vestitu damnant: juxta scripturam in explicatione sexti præcepti, quibus addenda loca biblica, ubi omnis abusus vestium reprehenditur. Esa. 3, 18. Ezech. 7, 20. Esth. 14, 16. Matt. 11, 8. Marc. 12, 38. Luc. 16, 19. & 20, 45. Act. 12, 21. vis uno verbo dicam quid sit Act. 25, 23. appellatur *ἡ γυναικεία φαντασία*. Mulieres equidem quia vident multis donis sapientiæ fortitudinis dexteritatis in rebus gerendis &c. à viris se superari, alijs nugis compensatum eunt illum defectum, in crinibus comendis, veste & alijs ornamentis se nimium exornandis. Ferri hoc aliquo modo potest in vasis infirmioribus, quia, qui eas regit, infirmum gerunt animum: sed illud demum valde turpe est, si verè dicatur,

Vos etenim juvenes animum geritis muliebre, quia concludere inde possunt sapientes, tales luxui isti deditos non habere aliud, quod sit laudabile aut suspiciendum, quum in istis alienis ita se ostentent plumis. Vos itaque qui estis viri, viros vos præstate, & tales in nimio ornatu deprehensas mittite ineptias. Date hoc Deo mandanti, date toti sexui virili flagitanti, date Christianorum statui poscenti, date vestræ existimationi, date hoc propheta rectè monenti. Parcite curæ, parcite operæ, parcite pecuniæ, mundo ne vos conformetis, sed ad imaginem Dei reformatis. Gallis Gallica, Italis Italica, Belgis Belgica &c. linquite, Germanam simplicitatem & severitatem Germani servate, idque ne in vos quadrent hæ minæ, in illos directæ, qui induuntur indumento alienigenarum: neque in vos cadat illud poetæ:

Sint procul à nobis juvenes ut fœmina compti,

Sine coli modico forma virilis amat.

Ex versu 9.]

Animadvertam in omnem qui insilit in limen] Violentia publicæ administri unâ cum suis dominis graviter affliguntur, siquidem faciens & consentiens eadem pœna digni sunt, & ut habet nostrum proverbium, *Der Heeler ist so gut als der steeler.* Vide Pharaonis exercitum cum ipso submersum Exod. 14. impij ducis impium satellitium occisum 2. Reg. 1. 9. 10. 11. 12. Sennacheribi copias deletas 2. Chron. 32, 21.

Ministri mali pereunt cum suis Dominis.

Ex versu 10.]

Vox clamoris.] Quando vocem Dei amicè invitantis homines non audiant, clamorem atrociter tonantis & punientis auribus tandem percipiunt, Psal. 2. 5. 8. 9. & huic nulla potest ob stare munitio, siquidem nec impunita abiit munitissima Jerosolyma, qua de re Amos. 1. 4. Nahum. 3, 12.

Vox irati Dei.

Ex versu 11.]

Ejulate habitatores pila, excisus est mercaturam faciens] Quia mercatores sæpe multas fraudes & dolos adhibent, quæ Deus odit, Proverb. 20. 14. 15. 23. Sirac. 26. 37. & 27. 2. graviter tandem punit 1. Thef. 4. 6. quia *πλεονεξία* nequidem nominari inter veros Christianos debet Ephes. 4. 3. Vide Amos 8. 5. 6. Mich. 6. 10. 11. 12.

Mercatorum fraudes Deo exose.

Ex versu 6.]

I. Scrutabor Jerosolymam lucernis] Deus qui prius lucernâ verbi sui accensa omnes ambulantes in tenebris sedulo inquit Ioh. 12. 36. Mat. 4. 16. Luc. 15. 8. & venit illuminare

Lucernæ Dei. propter.

Et israel.

tum omnes Joh. 1. 3. 9. clamans, excitare qui dormis, & exsurgere ex mortuis, ut tibi illucescat Christus Eph. 5. 14. cùm tenebræ lucem non comprehendunt Joh. 1. 9. 10. imò in luce oculos homines ipsi claudunt Matth. 13. 15. Act. 28. 27. accensa lucerna ex claustris peccatorum eos protrahit ad peccatam Pl. 56. 21. 22. potissimum verò hoc futurum est, quum jam totus hic orbis exarserit 1. Cor. 4. 5. 2. Cor. 5. 10. 2. Thes. 1. 8. 2. Pet. 3. 7. 10. 12. quod cùm futurum sit, simus sancti 2. Pet. 3. 11. 14. & ambulemus jugiter coram Domino, ne opus sit, ut tum demum Deus nos quærat per angelos & ex latibulis producat Matth. 13. 41. 42.

In peccatis
non est
perseve-
randum.

I. I. *Qui concreti sunt cum facibus.*] Peccare est humanum 1. Reg. 8. 46. Eccles. 7. 21. in peccatis pertinaciter perseverare, diabolicum 1. Joh. 3. 8. Dum itaq; adhuc est dies gratiæ 2. Cor. 6. 2. dum vocem Dei audimus, ne obduremus corda nostra Hebr. 3. 7. 8. & 4. 3. quando Deus dicit, revertere aversa Israel. Jerem. 3. 12. 13. dicamus quisq;. Ecce nos accedimus ad te ibid. v. 22. 23. cum filio perduto, revertar ad patrem meum, & dicam illi, pater peccavi. Luc. 15. 18. 19.

Providen-
tia Dei ne-
gatur à
malis.

III. *Dicentes cum animo suo, non benefacit Jehovah.*] Dixit insipiens in corde suo, non est Deus Plal. 14. 1. & 53. 1. & 73. 11. & 10. 4. 11. Job. 22. 12. Esa. 29. 15. Plin. lib. 2. nat. hist. c. 7. quod carnis judicium exponitur Eccles. 9. 4. 5.

Ex versu 13.]

Erunt facultates direptioni.

Malè par-
ta.

De malè quæsitis non gaudet tertius hæres;
Et dilabuntur, quæ malè parata, malè.

Vide

Vide Amos 8, 4. 5. 6. 7. 8. Obad. v. 5. 6. 11. Mich. 2, 2. 3. & 3, 4. & 6, 10, 11, 12. 13. 14. 15. Nahum. 3, 1. 2, infra v. 18.

Ex versu 14. 15. 16.]

Propinqua est dies Jehova, clamabit amarè robustius] Qui loci hinc crui possint, indicatum est Joel, 2, 1. 2. 3. 7. 8. 9. Amos 5, 17. 19. 20. summa est, quod manum Dei irati effugere nemo queat. Vide Amos 9, 1. 2. 3. 4. & quod indignatio Dei incumbat super peccatores pertinaces, quod satis benè explicat Siracides c. 5, v. 3. 4. 5. 6. 7. 8. 9. si autem dies aliqua iræ Dei tam est horribilis, quantò terribilior erit dies ille magnus judicij extremi? vide suprâ v. 1. L. C. 1. nam finis improborum, quantumvis ad tempus felicius, est exscindi Ps. 37, 1. 37. 38.

*Dies Je-
hova ter-
ribilis.*

Ex versu 17.]

Angustis officiam, ut ambulens tanquam cæci.] Dei est consilium, Dei est prudentia & robur Prov. 8, 14. & si cui hic suâ gratia non adest, sæpe etiam in rebus liquidis aqua hæret, quandoquidem juxta minas legis Deut. 28, 28. 29. percussit eum Jehova amentia & cæcitate ac stupore cordis, adeo ut palpet in meridie, sicut palpat cæcus in caligine, neq; prosperatur vijs suis, ut meritò dicat, dum expecto lucem, ecce tenebræ, palpo velut cæcus parietem, velut defectus oculis palpo, offendo ipso meridie, tanquam intempe-
sta nocte Esa. 59, 9. 10. 12. Verissimum enim illud est:

*Cecitate
Deus per-
cutit.*

Nullius est felix conatus & utilis unquam,

Consilium si non detq; juvetq; Deus.

Ex versu 18.]

*1. Argentum & aurum non poterit eripere eos die fu-
roris.]*

E

*Non con-
fidendum
divitijs.*

CAPUT PRIMUM

roris] Ne innitaris pecunijs injustè partis, nam nihil adjutu-
ræ sunt, quò die ultio adducetur Sir. 5, 10. malè igitur sibi
consulunt, qui confidunt in opulentia sua, & in multitudine
divitiarum gloriantur Psal. 49, 7. 8. 17. 18. 19. & 52, 9. Non
enim profunt thesauri improbitatis Prov. 10, 2.

*Dei ira est
ignis:*

I. I. *Ignis xeli eius*] Deus iratus est ignis consumens
Deut. 4, 24. Amos 1, 4. Heb. 12, 29. Nahm. 1, 5. 6. 10. Joel.
2, 3. 5. & 1, 19. Amos. 5, 6.

CAPUT SECUNDUM.

Argumentum.

Summa.

Exhortatur propheta Judæos ad pœnitentiam, seriàmq;
prioris vitæ mutationem ac resipiscentiam, ne in præ-
dicta superiori capite supplicia incidunt, sed ea vitæ emen-
datione evitent eandemq; exhortationem sæpe repetit,
quò & pij citiùs majoriq; cum studio ad frugem redeant,
obstinati verò reddantur magis inexcusabiles. Deinde vi-
cinarum gentium, Philistæorum, Moabitarum, Ammoni-
tarum, Æthiopum, Assyriorum ac Ninevitarum prædicit
excidium, quippe quæ Judæis semper fuerunt infensæ, & de
malo illorum latatæ. Deniq; spem facit iisdem gentibus,
quod relictâ idololatria regni Christi futuri sint per Evange-
lium consortes, ut ita Deus verus non tantum in Judæa &
Jerosolymis deinceps, sed in omni loco adoretur & cola-
tur.

*Analys
popularis.*

Unde facile colligere est, si quis populari ratione hoc
caput cupiat dividere, quod eius partes sunt tres. I. ad pœ-
nitentiam instituta exhortatio. II. de pœnis vicinarum
gentium comminatio. III. earundemq; ad regnum Christi

voca-

vocatio. Paulò accuratiùs singula membra evolvemus in hac ἀναλύσει. Partes capituli sunt duæ. In unâ propheta duo Judæorum genera ad bonam frugem revocat, quorum prius est torpentium & omni sanctimoniarum studio vacuorum. v. 1. & 2. posterius, illorum, in quibus nonnullæ pietatis & humanitatis emicabant scintillæ v. 3. illud à cursu pietatis aberrans revocat, hoc in eodem cursu provocat, illud excitat, hoc incitat illic pœnitentia ingredientium & repressorum, hic stantium urgetur. In alterâ parte argumentum revocationis prius (nam posterius sequentis capituli versibus prioribus exponitur) explicat, quod desumptum est ab exemplis formidabilibus judiciorum, quæ Deus contra gentes externas erat factururus, Judæis adhuc superstitionibus, ut, quum hæc viderent, etiam iudicium sibi denunciatum timerent. Recensentur autem hoc ordine, primum *Philistæi*, quorum regio occupata est à Necone rege Ægypti v. 4. 5. 6. 7. confer Jerem. 47, 1. & Amos 1, 6. 7. 8. secundo *Moabitæ & Hamonitæ* v. 8, 9. 10. 11. qui sunt à Chaldaeorum rege subjugati Esa. 15, 6. 7. Jer. 48, 1. 2. & 49, 1. 2. Amos. 1, 13. 14. 15. & 2, 1. 2. 3. tertio *Æthiopes* v. 12. qui unâ cum Ægyptijs à Nebucadnetzare cæsi sunt Jer. 46, 2. Esa. 18, 1. 2. deniq; *Affyrij & Ninivitæ* v. 13. Jerem. 49, 34. Nahum. 1. 13. 14. 15. Totius itaq; capituli summa includi potest huic Enthymemati: puniuntur gentes vicinæ ob sua flagitia E. & Vos, nisi pœnitentiam egeritis. Illud per inductionem; hoc per adhortationem proponit propheta. Quod ad illud, de singulis gentibus hæc peculiariter notanda sunt. I. Philistæorum quatuor satrapia v. 4. & totus tractus maritimus ex decreto Dei perdetur, & planè vastabuntur v. 5. idq; à consequente declaratur duplici, priori corporali

malo,

malis, quando urbes vastatae dicuntur futurae causae ovium
 v. 6. posteriori spirituali, quod per accidens ex isto malo
 Deus elicit, ut scilicet quaedam reliquiae convertantur ad
 Ecclesiam v. 7. II. Moabitum prius exaggeratur culpa, vi-
 delicet ignominia, quam affecerunt populum Dei v. 8. & fa-
 ctus v. 10. deinde explicatur poena, comparatione exornata
 vers 9. & Dei misericordiam temperata, quatenus nonnulli
 ex illis erunt convertendi ab idolis ad Deum verum v. 11.
 III. Aethiopum casus simpliciter praedicitur v. 12. IV. Assy-
 riorum ac Ninevitarum divinitus immissa desolatio prae-
 nunciatur v. 13. à consequentibus horrendis v. 14. & ad-
 juncta piorum insultatione & irrisione declaratur v. 15.

PARS PRIOR.

*Deus pra-
 dicit ma-
 la.*

Vers. 1.] Quia propheta c. 1. Poenas praedixerat, nunc ad
 poenitentiam exsuscitat, per quam licet omnes calamitates
 & exilium jam decretum omnino avertere atque evitare non
 possent, tamen significat, fore ut conversis poenae relaxen-
 tur, & afflictiones mitigentur, in quam sententiam satis bene
 hoc loco Hieronymus. Cerne Dei clementiam, suffecerat
 prudentibus malorum venientium impetum descri-
 pisse, verum quia non vult inferre supplicia, sed tantum
 terrere passuros, ipse ad poenitentiam vocat, ne faciat, quod
 minatus est, id quod iterum contra absolutum Dei de qui-
 busdam hominibus perdendis decretum à Calvinianis pro-
 pugnatum, argumentum nobis suppeditat & praecipue hic
 contra Danæum, dum expressè in hunc locum scribit: quos
 Deus objurgat, nisi per eos ipsos stet, servare vult. Jam
 v. de Caino, Juda, alijsque obstinatis subsume, & facile pro-
 prio eum jugulabis gladio Ita autem incipit Sophonias:

Ex

Excute vos, inquirete prius privatim in vos ipsos (quod notat verbum hebræum in conjugatione reciproca Hith-paël) vestrosq; mores praveos, 1. Corinth. 11, 31. *iterumq; excute*, deinde etiam in alios inquirete (quod innuit verbum Hebræum in Cal) quum in vos descenderitis, & ut tantò melius alter alterum de suis peccatis commonefacere & ad frugem revocare possit, publicè convenite, Deiq; gratiam conjunctis votis implorate, quod vulgatus latinus interpres & D. Lutherus expressit, *Samlet euch vnd kommet her* / ut testantur exempla aliorum sanctorum, quando pœna imminens eis est prædicta Joel. 1, 13. 14. Ion. 3. 5. 7. 8. idem nunc opus est cum maximè, non ut unus & item alter accedat, & suæ vitæ examen instituat, sed tu congregeris, ô toragens, *non affecta*, sed vacua prorsus, (quomodo negatione, iterum vehemens contraria affirmatio indicatur, ut suprà 1, 6.) *desiderio* redeundi scilicet ad frugem & in suos mores inquirendi, quæ desiderio sancto non tenetis, neq; regnum, Dei affectas, ad quod omnes aspirare meritò decet, quomodo verba hebræa נָלִי נִפְקָדִים intransitive accipiuntur, ut Gen. 31, 30. Psal. 84, 3. pro eo, qui non desiderat. Alij verò interpretes multi, inter quos etiam est Lutherus noster, passivè vertunt, gens non amabilis, *Ihr Feindseliges Volk*, quæ meritò à Deo non amaris aut desideraris, ob illum tuum torporem, quo ad ipsum te convertere cessas, quomodo metalepticè reddi posse puto sed non est hic prætereunda verbi hebræi præcedentis שָׁמַר *ἐμψαυς*. proprie enim idem est quod *ἐκλαμψαι* i. e. stipulas colligere, spicilegium facere, quia שָׁמַר notat stipulam Joel. 2. 5. Obadi. v. 18. Nah. 1. 10. sed quia illæ res rariores & minutæ magno indigent scrutinio, metaphoricè significat seridè & accuratè

נָלִי
נִפְקָדִים

שָׁמַר

inquirere, & velut periculosa quadam curâ examinare.
Exod. 5, 7, 12. Num 15, 32, 33. 1. Reg. 17, 10, 12.

Verf. 2.] Quæ autem est ratio, cur sit adeo exacte & citò agenda pœnitentia? Respondet, quia pœna imminet, quam hic describit, prius comparatè, deinde simpliciter. Agite, vos ipsos excutite, & in vos inquirete, quum nondum ille dies advenit, quo à Deo ipso excutiamini ac ventilemini, sicut gluma solet excuti & à frumento separari Mat. 3, 12. in quate declarandâ utitur verborum repetitione & exaggeratione, non quidem ociosâ, sed ut demonstret, adhuc dum tempestivum esse, agere pœnitentiam, & mox futurum, ut occasio illa elabatur è manibus, nisi fronte capillata firmiter apprehendatur. Parate igitur vos in occursum Domini, quum nondum parit seu in lucem edit & exequitur decretum seu statutum, quod pœnis velut prægnaus Deus fecit, easq; jam parturit. Ut enim partus non statim sequitur conceptionem, sed tempus habet maturescendi legitimum ac natura legibus definitum: ita Deus, etsi certò punire jam decrevit, & sententiam tulit, ac statutum mente concepit, aliquandiu tamen adhuc executionem differt, ut det adhuc locum pœnitentiæ, quam si improbi omnino nolunt agere, jam maturescit iniquitas apud homines. & pœna apud Deum. Et quemadmodum partus necessario sequitur, quando tempus à natura præfinitum effluxit, sic inevitabile est Dei iudicium, quum tempus predeterminatum est elapsum. Vide & expende Gen. 15, 16. Jer. 18, 7, 8. Joel 3, 13. Mich. 4, 10, & 5, 3. Deus itaq; nunc magnam iram concepit in animo, vestris flagitijs offensus, videte ne enitatur citò, quod diu in suo statuit consilio, occurrere venienti, quum nondum ut gluma transiret, & vos, ut gluma, transire facit seu à suo puro tritico, hoc est pijs removeret, *ille dies Jehova,*
quem:

*Repetit
eadem.*

*Deus pa-
rit decre-
tum.*

Ut gluma

quem dicebam esse propinquum sub. c. 1. 14. 15. quum non-
dū celerrimē irruit, ut palca a vento fertur rapidissimē, *quum
nondum*, inquā, *venit super vos*, invadit vos & superincumbit
sarcina magna mali, hoc est, *estus ira Iehovæ*. vehemens ira
nulli parcens sup. c. 1. 15. 16. 17. & idem iterum repeto,
quum nondum invadit vos dies ira Iehovæ. Hujus autem
versus non verba, sed sensum expressit Lutherus, quum
cum ita interpretatur, *he den das Urtheil auß gehe / das
ihr wie sprem bey Tage dahin fahret etc.* & celerrimum
exitium ex decreto Dei improbos manere asserit.

Vers. 3.] Sed dicant probi, quomodo nos illud judi-
cium horrendum evitabimus; ita inquit propheta, *querite*
Iehovam sup. c. 1. 6. quæ est phrasī *overdoxi* complectens
omnes pœnitentiæ partes, ex lege peccata agnoscite ex
Evangelio corda erigite, impœnitentia a Deo discissistis, cum
neglexistis ac perdidistis, pœnitentia iterum querite cum
qui licet ad sit omnibus, tamen non ab omnibus adesse intel-
ligitur sup. 1, 7. hoc vos signis externis declarate, & in verbo
autorem verbi inquirete, cumq; recte juxta illud collite etiam
vos omnes mansueti, humiles, mites, & non, ut reliqui, im-
probi, pertinaces, obstinati ac superbi, quotquot estis in *hac
terra* Judæa, mox per Chaldaeos occupandā, ubi inter mul-
tos malos vos estis pauci boni, non quidem perfectē, sed
comparatē, quam ob causam & ipsi pœnitentiam agere ne-
cesse habetis, sicut & illi, *qui ius ejus (Dei) operantur*, id
quod personarum enallage indicat, quam D. Lutherus non
servavit, dic *ihr seint recht haben quum parum intersit*,
quandoquidem eosdem probos alloquitur, qui iudiciam fa-
ciebant, de qua phrasī vide plura Mich. 6. 8 *querite iustiti-*
am tum Dei in promissionibus factam de remissione pecca-

*Quærens
Iehovam,*

& iustiti-
am,

*Et man-
suetudinē.*

*Dubitan-
di particu-
la respicit
pœnam
h. h.*

*non sens-
per.*

torum seu imputatam ac perfectam per Christum, tum im-
perfectam ac inhaerentem vestram apud homines, justosq;
vos declarate, neq; vero semper jus strictum persequimini,
sed *querite mansuetudinē*, cum apud Deum, ut is tamen
vobiscum non intret in iudicium, neq; ad vestram justitiā
respiciat, sed tantum secundum misericordiam suā vo-
biscum agat, & quando illa omnia quæ dixi, & reliqua, quæ
sunt in lege præscripta, pro eo quantum potestis, in hac in-
firmitate feceritis, dicite nihilominus, servi sumus inutiles,
fecimus quod debuimus, : tum apud homines, ut, quando
vos apud Deum obtinuistis gratiam & hanc proximo facere
in condonandis quibusdam nævis ne obliviscamini, ita
estote mansueti, humiles ac mites. confer. Mich. 6, 8. quod
si feceritis sine dubio futurum est, ut peccatorum vestro-
rum remissionem habeatis, *fortasse* etiam planē ex periculis
imminentibus liberabimini: quod tamen certò promittere
non habeo, cum Deus absolute id non sit pollicitus: Cum
enim nemo norit illas mirabiles Dei in mundo gubernando
vias, & tamen benē sit sperandum in rebus quoq; corporali-
bus, *fortasse* vos pij *abscondemini*, in calamitatibus à Deo
protegemini, ne ad vos pertingat, aut vos quoq; planē dei-
ciat malum Ps. 27, 5. & 32, 6. 7. & mitius tractabimini quàm
reliqui, qui sub umbra alarum ipsius non latent, quum fide
ad ipsum non confugerint tempore gratiæ, sed nunc per-
dantur *die iræ Jehovæ*. Ita enim illam dubitandi particulam
hoc loco, ubi non agit propheta de remissione peccatorum,
sed de sublatione pœnæ corporalis post resipiscentiam, sine
ulla absurditate possumus accipere: unde tamen nequaquam
sequitur, in reliquis omnibus locis, præsertim ubi agitur de
Dei gratia pœnitentibus & fide ad eum accedentibus simpli-
citer :

citer promissa, eam etiam hoc modo esse accipiendam, quia verba sunt intelligenda secundum subjectam materiam scripturæq; analogiam, & quod bona spiritualia simpliciter, corporalia verò conditionaliter sint quærēda & expectanda. quæ de re dictum est prolixius Joel. 2, 14. Amos, 5, 15. & sub finem disputationis de certitudine gratiæ erga nos divinæ. Lutherus verò & alij nonnulli etiam hoc in loco assertive eam particulam vertunt, quia ad Dei gratiam respiciunt, & aliquam pœnarum mitigationem, quæ certa est, sicut in locis allegatis declaratum est.

LOCI COMMUNES.

Ex versu 1.]

I. *Excutite vos.]* Quia quotidie peccamus multum. Jac. 3, 2. etiam quotidie remissione peccatorum indigemus Confer. Mat. 18, 21. Luc. 17, 4. & proinde doctrina de seriò agenda pœnitentia semper est inculcanda Esa. 58, 1. 2. Illud olim fuit indicatum in lege, quando fuit præceptum, ut quotidie duo agni integri Deo offerrentur in holocaustum. Num. 28, 3. à sacerdote pro suis & populi peccatis Heb. 7, 27. ad designandum magnum Dei tollentem peccata mundi Joh. 1, 29. & sapientia Dei æterna educat quotidie Ecclesiam, Prov. 8, 30. beatusq; est qui insistit foribus ejus quotidie ibid. v. 34. Christus docebat quotidie Luc. 19, 47. & potissimum illud urgebat, unde prædicare incipiebat, Agite pœnitentiam Mat. 4, 17. sicut & Johannes idem suæ prædicationis fecit initium Mat. 3, 2. Marc. 1, 4. Confer. Esa. 52, 11. 12. Luc. 24, 46. 47. Act. 20, 21. & 26, 20. sic igitur quotidie intoner verbi divini minister, ne differas te ad Dominum convertere, neq; procrastines de die in diem Sirac. 5, 8. 9.

*Peccato-
rum re-
missione
semper o-
pus habet-
mus.*

*ad quam
invita-
mur,*

CAPUT SECUNDUM

Quando hodie primùm vocem dant verba Jchovæ,
 Ne miser obdures ostia cordis homo.
 Nec dicas; eras, eras; hodie accelerare memento,
 Qui non est hodie, eras minùs aptus erit.

Psal. 95, 7. Hebr. 3, 7. 15. & 4, 7.

Deus mo-
 net etiam
 perdendos

II. Iterum excutite gens vacua desiderio] Consideranda est hìc magna Dei misericordia, qui cum nolit ullum perire, sed omnes ad penitentiam pervenire 2. Pet. 3, 9. 1. Tim. 2, 4 etiam illos monendos curat, qui se averterunt, ut revertantur Jer. 3, 6. & 31, 21. 22. quos tamen ipse ex justitia pridem perdere poterat Hos. 11, 8. 9. Es. 1, 9. Nos verò nequidem salutem nostram oblatam nobis desideramus aut appetimus Matt. 23, 37. Esa. 53, 5. Deus quærit nos Luc. 15, 4. 8. & nos non quærimus illum sup. c. 1, 6. rogemus igitur cum Davide ex Psal. 119, 176. Erro, ut ovis quæ perit, require servum tuum Domine.

Ex versu 2.]

Spacium
 ad peni-
 tentiam.

I. Quum nondum parit decretum] Deus satis longum hominibus ad penitentiam concedit spatium 2. Pet. 3, 9. expandit suas manus tota die Es. 65, 2. Rom. 10, 30. in plateis edidit vocem suam & vocat Prov. 1, 20. 21. 22. 23. sicut multæ apud Evangelistas propositæ declarant parabolæ de nuptijs, convivio magno &c. Matt. 22. Luc. 14. Quando autem invitati venire plane renuunt, tandem eos Deus punit graviter Prov. 1, 24. 25. 26. Matt. 11, 16. 17. 20.

Injustitia
 Dei.

II. Quum nondum invadit æstus ira] Deus feriò peccatis irascitur, quia hoc requirit ejus justitia in lege declarata. Exod. 20, 5. quæ est Deo naturalis, ut aliàs in descriptione Dei probari solet pluribus. Nunc saltem vide hæc dicta. Psalm. 9, 5. & 50, 6. & 98, 9. 119, 7. 137. Sap. 12, 13. Rom.

Rom 1, 32. & 3, 5. 2. Thess. 1, 6. & sciet, vanissimam esse, scripturæq; contrariam illam Socini. assertionem libr. de servatore pag. 7. 8. Justiciam non esse Deo naturalem, sed liberum & contingentem effectum, & posse cum absq; satisfactione seu pœnâ, peccata condonare, quibus vult. Dixit enim se puniturum morte æterna, vel in ipsis peccantibus ut in diabolis & hominibus incredulis: vel in mediatore Christo, qui satisfaceret pro omnibus sufficienter, efficaciter verò pro credentibus, & proinde se abnegare Deus non potest.

Ex versu 3.]

Querite Jehovam, querite mansuetudinem] Per peccata à Deo separamur Es. 59, 2: velut pariete interiecto Ezech. 43, 8. & ab eo deficimus Actor. 20, 30. 1. Timothi. 4, 1. per penitentiam verò cum eo denuò conjungimur Jer. 3, 9. Hos. 2, 16. 19. per peccatum Deum, hoc est, ejus gratiam perdimus 2. Cor. 6, 1. Heb. 3, 14. per pœnitentiam autem rursus inquirimus Es. 55, 6. Apoc. 3, 3. Quod si Dominum infidelitate amisisti, fide iterum eum inquire, quia ita querens inveniet Matt. 7, 7. Dices, quomodo verò ad nostrum textum quadrat, ubi agitur de conversis & renatis, hæc doctrina de convertendis & non renatis; sciendum, quod licet regeneratio sit perfecta, tamen renati seu sancti in hac vita quotidie opus habeant pro remissione peccatorum orare Psal. 32, 6. Matt. 6, 12. quia quotidie per illa offendunt Deum, & sæpe ab eo cum filio perditò abeunt in regionem longè distitam, quatenus non sanctè vivunt Luc. 15, 13. & proinde ut revertantur, necesse habent Luc. 15, 16. 15, 18. 20. & 22, 23. Act. 3, 19. & 26, 20. quomodo alia pœnitentia est ingredientium, alia stantium, alia relapsorum.

Penitentia

*Pœnarum
mitigatio.*

II. Fortasse abscondemini.] Pœnitentiâ verâ pœnâ mitigantur. vide Joel. 2, 14. Levit. 26, 40. 43. 44. Deut. 30, 1. 3. 4. 9. 1. Reg. 8. 30. quæ impœnitentiâ exasperantur Levit. 26. Deut. 28. si verò justus vix servatur, improbus & peccator ubi apparebit? 1. Pet. 4. 18.

PARS POSTERIOR.

*Exempla
gentium
punienda-
rum.*

*Philistæo-
rum 4. sa-
trapis.*

*Παρο-
γογία.
1. in Gaza*

2. Askalon

Verf. 4.] Hactenus Judæos hortatus est Sophonias ad pœnitentiam agendam de peccatis admissis, ne sentiant decretam pœnam: quod ut magis eorum animos afficiat varijs exemplis finitimarum gentium, eos terrefacit, ut ex eorum periculo impœnitentes discant sapere, & videant, sibi quid exusu sit, quum judicia Dei sint adeo gravia & inevitabilia: pœnitentes verò hinc solatium aliquod habeant, cum cernant suos hostes perdi, se salvari, credant Deum istis iratum, sibi autem placatum esse. Et quia potentes erant maxime vicini ac populo Dei infensi Philistæi, ab his facit initium, & non tantum quatuor præcipuas eorum satrapias & urbes munitissimas recenset (Gath verò, quæ erat quondam quinta, cur omittatur, vide Amos. 1. 6. 8. Mich. 1. 10.) sed omnem omnino regionem denorat, & in pœna, ut tantò melius omnia observentur ac memoriæ mandentur, elegantes in textu hebræo παρογογίας & allusiones ad nomina propria habet, quæ hîc in textu & declaratio hujus rei uberius ad Mich. 1. 10. videri potest. Nam Gaza, quæ a potentia nomen habet, potenter debellabitur & evertetur, addò ut sit postea derelicta, עֲרֵב עֲרֵבָה תְּהִי & dicatur deserta Actor. 8, 26. & Askalon erit ira desolationi, ut sit, quod nomen cluit, ignis seu flammæ ignominia, אֶשְׁכָּלֶה

אַשְׁדּוֹד q. d. אֶשְׁדּוֹד, & *Aſchdodum*, vulgò *Azotum*, in ipſo meridie, quando ſol maximè fervet, ſeu, ut veteres dicebant, aſſus eſt, & in illis calidioribus locis eſt tempus iter faciendi incommodiſſimum, clarâ luce & vi apertâ, in captivitatem *depellent*, poſtquam & ipſa, ut nomen habet, אֶשְׁדּוֹד quaſi אֶשׁ שְׂדֵד, ab igne vaſtata & clade affecta eſt (horum enim duorum nominum intermediorum alluſio ex *ἐτόμα* forte quod cuivis poterat eſſe obvia, & facile ex analogia ſubintelligi poterat, omiſſa eſt) & *Hekron*, ut nominis omen habet, *exſtirpabitur*, עֶקְרוֹן הַצֶּקֶר quemadmodum aliàs fuit prædictum Amos 1, 6. 7. 8. & eventus comprobavit, de quo Jerem. 47, 4. 5. 6. 7.

Askalon

3.

Aſchdod.

4.

Hekron

Verſ. 5. J Ne verò quosdam ex Philiſtæis exemiſſe videretur propheta, cum tantum quatuor civitates nominaret, nunc porro toti genti judicium graviſſimum denuntiat, in quo pœnæ magnitudo indicatur interjectione *Væ*, certitudo autem declaratur, quia eſt Verbum Iehovæ *Væ habitatoribus tractus maritimi*, hebr. חֶבֶל הַיָּם funiculo maris illius magni ſive occidentalis, ad quod palæſtina erat ſita, quia funiculus per metalepſin in ſcriptura pro tractu agri aut regionis ſæpe ſumitur, cò quod veteres in diſiſione agrorum & regionum utebantur funiculis. Vide Amos 7, 17. Deut. 32, 9. Pſal. 16, 6. *Væ* toti genti *Cerethæorum*, hoc eſt per ſynecdochen, omnium philiſtæorum, quorum bellatores optimi à Rad. חֶבֶר i. e. exſcidit, nomen habebant, unde Lutherus vertit appellativè, ſed cum ἐμφάσις den Kriegern / nempe qui hætenus alios perdiderunt, perdentur, qui afflixerunt, affligentur. Quod autem fuerint illi homines ſtrenui vel inde patet, quod inter ſtipitatores Davidis, fortiffimi heroris, regio numerentur 2. Sam. 9, 4. & 15, 18.

Funiculus

Cereibei.

CAPUT SECUNDUM

1. Chron 18, 17. Quod verò inter Philistæos peculiaris quidam tractus ad meridiem situs peculiariter Cerethæorum, sic dictorum fuerit, Patet ex 1. Sam. 30. 14. 16. Ezech. 25, 16. Cum Luthero veteres plerique interpretes proprium appellativè verterunt, eò quod hîc omnes Philistæi intelligantur. vetus latinus interpres gens perditorum qui perderent alios. & ipsi perdent. Aquila & 5. editio, *γένος ὀλεθρίου*: Theodotio, *γένος ὀλεθρίας*: Symmachus, *γενος ὀλεθροδύμον*, LXX. malè pro *יָא, יָא* legerunt, & pro Cerethæis Cretenses substituerunt, ita vertentes, *πίεσιναι κρητῶν* advenæ Cretensium, quod planè hîc locum non habet. Quid autem, hisce denunciat Sophonias; hoc scilicet: *Verbum non meum, sed Jehovæ super & contra vos* (*72 Amos 1, 1.*) est, Deus castigabit quidem suum populum, de cujus clade vos lætaminî, ac in sinu gaudetis, verum non ibi pedem sistet, inde ad vos etiam perget, quia hæc sunt ejus verba: *Audi Cananæa terra*, hoc est illa pars Cananæ, quam injustè Philistæi detinent, & quæ ex promissione Dei ad populum Israeliticum pertinebat. Vide Gen. 10, 14. 19. Jos 13, 3. Amos 9, 7. hæc loquitur ipse Jehova, qui mentiri nequeo, *me ita perditurum esse te, ut nullus amplius sit habitator*, qui fixam sedem ibi constituat, id quod vis verbi hebræi *יָשִׁיב* innuit, in tua terra, quæ antea erat populossima.

Verf. 6.] Nam me procurante, iusto meo iudicio futurum est, ut tota illa palæstina ora maritima, quæ nunc portubus & mercatorum frequentio est celebris ac clara, urbium atque arcium munitionibus firma, palatiorum stru-cturis magnifica, hortorum apparatu amœnissima, quæque his ipsis reliquas regiones multum superat, ita vastetur, ut

*Desolatio
denunciata
1142.*

*Palestina
nobilitas.*

Et prorsus deserta, quoniam erit paulò post *tractus ille maritimus pro caulis*, si qui illic reperientur homines, erunt tantum Pastores vagi, qui ad tempus tuguriola, septa, aliq̃ arma pastoritia ad pecus pascendum necessaria secum circumferunt & quæ concameratæ specus subterraneæ antea erant mercium preciosarum & aromatum exodicoꝝ apothecæ frequentatæ ac celebres, postea erunt *pro fossuris pastorum, & septis gregum*, in quibus illi commorentur, & hi cogantur, propter nimium solis æstus, & circa illas speluncas subterraneas effodient ipsi pastores cisternas ad aquandum & abludum gregem in locis illis ærentibus.

vastatio.

Verf. 7.] Et hæc est pœna Philistæis inferenda, eo nunc tam accuratè & graphicè depicta, in improbi in populo Iudaico hinc suæ futuræ calamitatis capiant gustum? pij verò solatium inde percipiant hoc ipsum, sublatis nostris hostibus, Deus nobis pacem & felicitatem restituet. Hanc ob causam nunc porrò digressio quædam instituitur ad Ecclesiæ consolationem, in quâ declaratur, qualis eam maneat spiritualis amplitudo & securitas, Deiq̃ in illam benignitas per Christum salvatorem, in quo velut oriente ex alto visitabit eam Dominus Luc. 1, 78. Sic enim quod typicè dictum est, de antitypo & spiritualiter est intelligendum de regno Christi, ut dictum est Amos 9, 11. 12. Obadij. v. 18. 19. 20. Nam olim in N. T. erit *tractus ille Philistæorum maritimus pro residuo domus Judæ*, veniet in potestatem eorum, quando adjungetur per prædicationem Evangelij Ecclesiæ, & ad eam deinceps pertinebit, ut Iudæi ex captivitate superstitites ac liberati, hoc est, homines ex regno satanæ redempti apud eos securè pascant in domibus *Askelonis*, quum antea illos securi illuserint, Evangelium illis proponant, quod

*Consolatio
Ecclesiæ.*

Pascere.

scriptura dicit pascere Joh. 10, passim & 21, 15. 16. 17, sicut
 eventus comprobavit, quando Gaza, Azotus, & vicina loca
 ab Apostolis leguntur conversa Act. 8, 26. 40. & 9, 32. 35. 36.
 Et hæc securitas in Christo erit tanta, ut *vespere*, quando alios
 homines in agris degentes terror occupat, ipsi tutò qui-
 escant, in utramvis aurem & more animalium quadrupe-
 dum planè *accubent* & securè conquiescant, id quod ver-
 bum hebræum **נָחַ** Psal. 23, 2. infra v. 14, 15. & 3, 13. suavi
 importat. Confer Gen. 4, 7. & 29, 2. & 49, 9. Esa 11, 6. 7. &
 15, 3. & 17, 2. Jerem. 33, 11. Ezech. 19, 2. & 35, 14. & cognatam
 Radicem **נָחַ** considera: Videbis, id propriè notari, quan-
 do quadrupes planè sine omni metu procumbit in terrâ,
 also das es alle vier sein sicher von sich strecke. Dicat quispiam
 quomodo Judæi possidebunt Philistæorum regionem, seu,
 ut vulgò dicitur, Palæstinam, quum sint adducendi in capti-
 vatem Babylonicam; Responder propheta per anticipa-
 tionem, Dominus reducet eos ex captivitate illa, & presta-
 bit hæc, quæ jam dixi, *quando reviserit eos Jehova Deus ipso-
 rum*, quum gratiosè visitaverit afflitos, curamq; illorum
 se genere demonstraverit, ut verbum hoc cùm alias sæpe,
 tum Psal 8, 5. (ubi explicatur duplex Dei visitatio) accipitur,
reducendo captivam turbam ipsorum, quando jam Christus
 passus, mortuus atq; ex mortuis resuscitatus in cælos
 captivam duxerit captivitatem Col. 2, 14. 15. Eph. 4, 8.
 Et tantum de primâ gente ex justitia Dei maximam
 partem perdenda, ex quâ tamen paucæ erunt servandæ
 reliquæ.

Q
 R.

Judæi re-
 ducuntur.

Moabita
 & Ham-
 monita
 conjun-
 guntur.

Verf. 8.] Sequitur de secunda, quæ tamen in duos po-
 pulos dispescitur, videlicet Moabitas ac Hammonitas, qui
 conjunguntur, tum quia erant eorum autores fratres, tum
 quia

quia eadē rapie contra Dei grassabantur populū, cumq;
dictis & factis laeserunt sapius (inspice quæ Amos 1, 13, & 2, 1.
dicta sunt) De illis autem ipse Jehova ita intonat: existimāt
illi quidem falsō, ignorare me, quæ ipsi fecerint: ne putent
meam longanimitatem plenariam inducere oblivionem,
adhuc memoriā tenio omnia, ut suo ulciscar tempore,
audivi & novi opprobrium Moabi & convitia filiorum Ammo-
nis, qui quia sunt ex Lotho ejusq; filiabus, cognatione Abra-
hamo propinquis, nati, vel ex sola originis memoria cog-
noscere poterant, se sanguinis necessitudine cum Judæis esse
conjunctos, & non tantū ratione regionis vicinos, &
proinde ab injurijs his inferendis abstinere meritō debe-
bant, quod tamen cum non fecerint, sed præter omne jus
ac fas *magnis probris meum populum affecerunt*, quando
contra eos militabant & Judæam vastabant, & *magna locuti*
sunt contra terminum ipsorum de finibus illorum occupandis
contumeliosē se jactitantes, & superbē ac cum irrisione
dixerunt, facilē nos illos terminos occupabimus, atq; ita, ut
nunquam ad suos dominos redeant. Et hac ratione facilē
inter se conciliabis interpretes, quorum nonnulli verbum
hebræum מְגִלָּה absolutē positum accipiunt, quasi signifi-
cet, magna loqui, magnificē se in verbis efferre; Lutherus,
und auff desselbigen Grenzen sich gerühmet haben/quomodo
usurpatur Psal. 35, 26. & 38, 17. Obadj v. 12. & præcedentia
hic ita quoq; intelligendum esse indicant, quippe ubi agitur
de probris: alij verō ita vertunt; ampliaverunt suam ditio-
nem & regionem per terminum illorum, videlicet Judæo-
rum, quasi de illa re fieret sermo, quando illi partem Ju-
dææ suæ ditioni adjecerunt, in terrā Israelis irruentes, eamq;
occupantes, sicut exponitur Jerem. c. 48. & 49.

*Eorum
conjunctio
cum popu-
lo Dei.*

*מְגִלָּה
magnificē
locutus est.*

CAPUT SECUNDUM

Moab ut
Sodoma.

Ammon ut
Gomorra.

Deus his
gratiam
faciat.

Verf. 9.] Quia illa, inquam, in se admiserunt flagitia, idcirco, ut vivo ego, dictum Iehovæ Domini exercituum Dei Israelis, quàm verò vivo, tam verum est, quod dico, non ero ociosus horum spectator, sed quia sum Iehova Deus exercituum, facile possum, quia sum Deus & Pater Israeli-
tarum, quicquid promisi, libenter volo hanc meo populo illa-
tam ulcisci atrocem injuriam satis atrociter: *Moab tanquam sodoma erit*, puta aliquomodo, quo ad tempus, quo inculta ac deserta permanebit, non quod admodum vastationis (sicut & Amos 4, II. diximus) & filij Ammon ut Gomora, quæ certe magnà est vastatio, cujus effectus erit, quod illa regio sit futura *locus derelictus urticae & fodinae salis*, prorsus sterilis, ubi nil crescit Iud. 9, 45. Psal. 107, 34. Plin. lib. 31. natur. histor. c. 7. *ac desolationis locus usque in seculum*, hoc est, tempus valde longinquum, non æternum. Non enim perpetuum fuerunt hæ regiones desolatæ, sed diu, nec citò pristinam recuperare potentiam qua de re aliquid dictum est Commentar. in Ioel. c. 2, 19. Amos, 5, 2. sed etiam hîc Deus non omnem prorsus auferet misericordiam, verum, his quoque gratiam aliquam faciet, quando eos ad Ecclesiam advocabit, quomodo iterum, ut sup. v. 7, quod de typo dicitur, de antitypo est intelligendum. Et quum dicit Dominus figuratè, *reliquiæ populi mei diripient eos, & reliquum gentes meæ possidebunt eos*, idem est ac si dicat simpliciter, quidam ex Moabitibus & Ammonitis olim obedient Evangelio, et in Ecclesiæ recipientur gremium, ut ita illis quoque in bonum cedat hæ calamitas maxima, quæ inferenda dicitur omnibus.

Verf. 10.] Et ne Deus injustè cum illis agere videarur, quando agit ita severe, à Propheta denuo culpa & pœna, inju-

injuria & vindicta, quasi in bilance, illa v. 10. hæc v. 11. ap-
penditur. Quod enim omnia ista mala & desolatio illis ac-
cidat, in causa est fastus ipsorum, quem ostenderunt con-
tra populum Iudaicum, cum in calamitate esset & malis à
Deo premeretur, proinde hoc, quod dixi versu superiori
nono erit eis, non ex absoluto aliquo Dei decreto aut odio,
quo cupiat eos perditum, sed pro fastu eorum, quia probris
affecerunt, & magna locuti sunt contra populum Iehovæ. Do-
mini exercituum, de qua re & phrasi sup. v. 8.

*Fastus cor-
rum.*

Vers. II.] In pœna quam promeruerunt, & quam Deus
propterea illaturus est, Dei decernentis & illaturi illa judi-
cia, Sophonias declarat immensam potentiam 1. quia est
terribilis. 2. quia reliquos Deos perdit. 3. quia ab omnibus
populis colitur. Videatur jam gentium harum & ipsis &
alijs invicta potentia de qua ita gloriantur, à Deo paulò
post confringetur, qui hætenus ita illas armavit, & aliquan-
diu connivere voluit. Nam suo tempore *terribilis erit Je-
hova* Deus ille verus, qui revera est & omnia potest, in eis,
quum emaciabit omnes Deos terre falsos, paulatim ac sensim
perdit adimendo ipsis cultores, omniaq; sacrificia abolen-
do, quibus hætenus quasi turgebant, quibusq; se diffarcie-
bant illa impura animalia, quum Deus sit spiritus, ut hoc
velut cibo subducto macri fiant ac strigosi, quum Deus sit
αὐτάρκης,

*Dei poten-
tia.*

*Dij terræ
emacian-
tur.*

ipse suis pollens opibus, nihil indigus horum,
quæ est verbi hebræi *אֵלֹהִים* *ἐμψαυς*, quam Lutherus ad e-
ventum respiciens expressit hoc modo, *er wird vertilgen*.
Atq; ita factum esse eventus ipse postea docuit. Nam post
captivitatem Babylonicam veniente demum tempore &
sonante Christi Evangelio ex multis milibus gentiliū

—

CAPUT SECUNDUM

Dijs, qui ab illis antea studiosè sunt culti, postea nulli aut valde pauci remanserunt, quum abijcerentur pleriq; omnes, ut hodie paucorum nomina vix nota sint, siquidem futurum erat, ut regnum Christi per totum terrarum orbem se extenderet Psal. 2, 8. *quia se incurvabunt*, honorem exhibentes Deo vero, & *quisq; è loco suo adorabunt*, & non tantum in Judæa, verum etiam idem præstabunt omnes nationes transmarinæ seu *insulæ gentium*, non opus erit in N. T. ut adorandi causa erant Jerosolymam Johan. 4, 21. sed in omni loco Deum rectè colent, etiam trans mare in Græcia, vicinisq; regionibus, quas Paulus potissimum peragravit & veram religionem docuit, ut in Actis videre est, siquidem *insulæ* in scriptura dicuntur, non tantum terræ, quæ mari undiquaq; alluuntur aut cinguntur, sed & omnes regiones reliquæ, ad quas ex Judæa non nisi navibus pervenire licebat. Confer hæc loca Gen. 10, 5. & c. Esth. 10, 1, Psal. 72, 10. & 97, 1. Es. 11, 11. & 24, 14

Insulæ.

Vicini terræ sanctæ.

Vers. 13.] Tertio loco ad meridionalem terræ sanctæ vicinitatem aut tractum propheta se convertit, quum prius occidentalem, ubi habitabant philistæi, & orientalem, quam incolebant Moabitæ ac Hammonitæ, respexisset, & postea versu sequenti transibit ad tractum aquilonarem, ut ita ab omni parte, quò se vertent cunq;, judiciorum divinatorum exempla Judæi aspiciant. Ad meridiem verò respectu terræ sanctæ siti erant Arabes, Aegyptij & Aethiopes, quorum nomine hic synecdochicè istos omnes propheta denotat, præsertim quia illi primi quandoq; communi Aethiopum comprehendebantur nomine, eò quod essent ipsis vicini. Vide Habac. 3, 7. & Confer Nahum 3, 9. Es. 43, 3. *Ethiopes*, Etiam vos Aethiopes, inquit Jchova, incolæ Arabiæ Chusæ, & vicina-

Ethiopes,

& vicinarum regionum perdemini, ut & factum legimus
 2. Chron. 14, 9. & in locis supra in analysi citatis, & *confossi*
 seu interfecti gladio meo Nebucadnetzaris, mei servi, meæ
 virgæ Esa 10. 5. *ipsi vos* eritis, ubi למך pronomen ponitur
 loco verbi substantivi, quæ antimeria apud hæbræos est fre-
 quens, ut explicat Buxtorf. in thesaur. primæ edit: pag. 356.
 358.360. & in primis 395. Quod verò למך sit omnium
 trium personarum, sicut Idem & Ipse apud latinos, &
εωβω cum reliquis obliquis apud græcos, in utroq; numero
 Matt. 3, 9. 2. Ioh. v. 8. למך apud Chaldæos. Efr. 5, 11. id fortè
 non adeo notum est invulgus & proinde hîc notandum,
 sicut & adfixum tertiæ personæ apud Syros usurpatur, quod
 observetur cum Tremelio, ut in alijs exemplis facilius nos
 expedire possimus. Quod cum multi hîc non observa-
 rent, omninò ita reddendum per ellipsin existimant, inter-
 fecti eritis gladio meo cum istis, ut nonnulli etiam expli-
 cant illud Psal. 9, 7. Lutherus melius nobiscum vertit,
 Auch solt ihr Moren durch mein Schwert erschlagen
 werden.

למך
 trium per-
 sonarum.

Verf. 13] Quia vero Assyrij videbantur propitio Deo
 cuncta occupare, ut ipse Sennacheribi legatus Rabšaces glo-
 riabatur 1. Reg. 18. 25. etiam hîc scrupulus erat pijs eximen-
 dus, cum eorum potestatem metuere necesse haberent:
 proinde nunc tandem ad eos se convertit noster propheta,
 pœnam ijs quoq; à Deo decretam prædicat, sicut pluribus in
 Nahum supra vidimus, qui omninò cum hoc membra con-
 ferendus: in quo moratur Sophonias diutius, eò quod res
 prorsus putabatur *על תבן אדמאתא*. Nam inquit extendet
 Iehova puniturus sup. c. 1, 4. *manum suam etiam versus*
Aquilonem, ut perdat Assyriam, quæ respectu Iudææ ad

Assyrij
 perdentur

aquilonem erat sita. confer Jerem. 1. 13. 14. 15. *disponatq. Nineven,* quæ tunc erat caput regnorum orientis *desolationi* & eam, quæ nunc aquis abundat Nah. 2. 6. 8. *siccam, ut desertum.*

*Pro deli-
tijs Nine-
vitarum
que substi-
tuta.*

Vers. 14.] Hæc autem vastatio pluribus signis porro describitur, in quibus multa pulchre opponuntur Ninevitarum luxui, quemadmodum Nahum. 2. 8. 9. 11. 12. & 3. 1. 4. 7. 16. 17. Visebantur in Ninevitarum palatijs simiæ, cecropithæci, psittaci & alia ejus generis animalia, quibus homines vani & heroinæ molles delectari solent: audiebantur musicorum concentus, & cantilenis ad voluptatem ac libidinem compositis domus omnes & plateæ resonabant: & dum quotidie

mane salutantum totis vomitædibus undam, frequentabantur magnatum limina ac fores à clientibus, hospitibus, peregrinis, barasitis, scûris, mimis, saltatoribus, sed hæc omnia mox in tristissimam rerum faciem commutabuntur, quia postea *accubabunt in eâ civitate luxuriosissimâ greges* (vide suprâ v. 6.) *omnes bestię gentium*, omnis generis feræ truculentissimæ, quales apud longè distitas gentes inveniuntur, pro psittaco, philomela, turdela, cardueli, & si quæ aliæ aves canunt in domibus dulcissimè, audientur tum post vastationem omnis generis aves inauspicatæ ac ingrata, tum platea seu pellicanus, tum anataria seu cricius (illam græci interpretes πελεκων, hanc arabes. medici *exivon* nominant, Lutherus Xhordomet vnd Ygel) de quibus nominibus & avium natura vide pluribus hoc loco differentes Riberam ac Drusium. ego, quia sunt aves nobis fortè prorsus incognitæ, ista in medio relinquo, & tantum probat quod sint inauspicatæ ac deserti amantes, id quod colligere est.

ⲙⲁⲣ
ⲙⲁⲣ

*sunt aves
in auspica
ta.*

est ex his scripturæ locis Psal. 102, 7. Esa. 34, 11. & 14, 23. Judæi hodierni in Germania degentes, teste Reuchlino in capitibus concordantiarum, illam vocant cinem *Wiedhopsfen*/ hanc eine *Eule*: utraq; autem avis olim inter immundas numerata est. de illa expressus textus est Levit 11, 18. Deut. 14, 17. de hac Judæorum traditio, quæ videatur apud R. D. Kimchi in libro Radicum. illæ verò aves solitudinem alias incolentes tum in malogranatis ac superlimimaribus ejus urbis Nineves nidulabuntur ac jugiter *pernoctabunt*, supra ipsas domorum januas, in *אֶרְבֻּבָּא* seu *אַרְבֻּבָּא*, in quo malogranata pingi vel fingi, quemadmodum etiam summis turribus talia imponi solent *אַרְבֻּבָּא* vide Amos 9, 1. ut ita facile possis illud Lutheri *auff ihren Thürmen defendere*, quia utrumq; benè huic loco quadrat; illud, ut indicet, non esse, qui ades ingrediatur, aut inde egrediatur: hoc, etiam summa palatia & arces non inhabitari, nedum alias viliores domunculas, quando *vox* inauspicatarum avium *cantabit in fenestra*, quæ est optima vastatæ urbis ac arcis hypotyposis, ubi noctuæ, ululæ & similes aves ex fenestris relictorum murorum solent prospectare, & *desolatio erit in poste*, seu potius limine inferiori vel *אֶרְבֻּבָּא*, ut ita oponatur superliminari, q. d. limina ipsa januarum destruentur, neq; posthac ullus hominum ea calcabit, siquidem propriè *דֶּשֶׁן* est limen inferius postes autem dicuntur *מִזְוֵה*. Pro eo autem quod est in textu hebræo *כָּבִישׁ* more suo aliud cognatum legisse videntur græci interpretes, qui vulgò dicuntur LXX. videlicet *כָּבִישׁ* i. e. corvus, quos vulgatus interpret latinus & alij hic sequuntur, sed errore ex ijs traducto. quem admodum ille etiam vertit *שֶׁן* superliminare, quod à textu hebræo discrepat, quicquid in his vitijs, quæ sunt in versio-

כָּבִישׁ

כָּבִישׁ

Tabula-
tum cedri-
num.

ne vulgata latina, palliendis nugeatur Ribera, cui nunquam concedimus, biblia hebræa corrupta fuisse aut mutata. Taceo illud, quod sequentia rationem satis manifestam suppeditent, cur limen quoq; inferum in ædibus sit pericurum, nempe quia Deus in vastatione urbis *cedrum eius* in ædibus magnificis *nudavit*, tabulatum cedrium detexit, & proinde ablato tecto, necesse est, reliquas domus partes corrumpi, cum iugiter sint expositæ aeris injuriæ, ventorum, imbrium &c. quomodo simul luxus in ædificijs ex nimis sumptuosa materia structis reprehenditur sicut & Esa. 13, 9. quod totum caput cum hoc loco diligenter collatum magnam huic lucem afferet & vicissim inde capiet.

Ninevitarum
vasta-
tio.

Verf. 15.] His expositis demum conclusio & pia insultatio subjicitur, quæ Propheta in persona omnis pii partim ad Dei gloriam, partim ad Ninevitarum superbiorum, minasq; Dei contemptentium ignominiam inanem confidentiam, intollerabilem jactantiam ac contumelias irridet, aliorumq; insultationem explicat hoc modo: *hujusmodi ita vastata, ita decerta, ita desolata erit civitas illa, excultabunda Nineve, successu rerum nimis læta atq; elata, gloriosa, superba, lasciva, luxuriosa, quæ habitat hæcenus confidenter, residet securè, nec. quenquam metuit quæ dicit cum animo suo, itaq; secum male mala reputat in corde: Ego sum sola, potens, invicta, rerumq; Domina, nec est ulla urbs alia, quæ mecum conferri possit, aut mecum de primatu certare audeat: Ego sum tam gloriosa ut præter me nulla sit amplius, ita ornata, ita ditata, ita imperio ac opibus donata Esa. 47, 8. Illa autem urbs, quæ ista jactitabat temere, quomodo ex justo Dei judicio in vastitatem contra omnium opinionem est redacta? quomodo est desolationi? quomodo est cubile bestiarum? supra v. 14. certè, qui eam antea vidit, & nunc.*

Jactan-
tia.

post aliquot fera regna videns miratur aristas,

quisquis transibit per eam, tantum abest, ut *supra* suam declaret, ut potius eam sibilat, quod est irrisuionis signum 1. Reg. 9, 8. Thren. 2, 15, 17. Ezech. 27, 36. Mich. 6, 16. Confer omnino Nahum 3, 19. & moveat seu agitet manum suam, digito per ludibrium demonstrat, jactatoq; brachio ludificetur, qui est subsannantium & plaudentium gestus, isq; huc optime quadrat, quia de ruina Ninæves effusissime lætati sunt, eiq; insultarunt plurimi, ut Nahum 3, 19. videre est.

sibilare

Agitare manum.

Opiter verò hîc observa propter quorundam observationes minimè observandas, de phrasi, quæ extat in principio versus. **וְהוּא יִחְשַׁב** i.e. cogitavit, sæpe in malam accipitur partem, quia illi, qui cogitant tantum, nec cogitata audent proloqui aut in lucem proferre, sunt plerumq; mali. Aliquando tamen pro subjecta materia accipitur in bonam partem, quod negant illi, contra quos hæc notamus. Gen. 8, 21. de Deo usurpater. confer 1. Sam. 27, 1. Gen. 17, 17. de Abrahamo Deut. 18, 21. Psal. 4, 5. divinum præceptum est Eccles. 3, 17. est *aristoteli*, Esa. 49, 21. similis phrasis extat Psal. 27, 8. Mat. 9, 21. 1. Reg. 5, 5. etiam in bonam partem usurpata, ut sanè sit de nihilo, dicere in corde, **TANTUM** esse improborum. Nimirum apud intelligentes,

Phrasis, Dixit in corde,

etiam in bonam partem accepta

Quantum quisq; locis scripturæ adjecerit istis,

Tantum habet & fidem.

LOCI COMMUNES.

Ex versu 2.]

Quia in hoc versu sunt elegantes *παραφρασεις* à Spiritu

H. 3;

Sancto

Eloquent.

et a studio
commen-
datur mi-
nistriis ver-
bi,

Sancto per Prophetam adhibitæ, monemur ab eloquentiæ studio verbi divini ministrum non debere esse alienum, quum id Spiritus S. non spernat, qui nec illud damnat, nisi quatenus nimium illi tribuitur, & soli opera navatur, ut faciebant pseudoapostoli, qui relicto Dei verbo inanes quasdam tantum venabantur Philosophicas, pro suæ sectæ ratione, elegantias. I. Cor. 1, 17. & 2, 4. 5. 13. I. Pet. 1, 16. Colos. 2, 8. Nos autem volumus, ut minister verbi res ex sacris literis rite de promptas, ordine & scitè proponat, ut ita Philosophica ornamenta ancilentur suæ Dominæ Theologiæ, & illa profana ad pium usum convertamus, sicut quondam spolia Aegyptiaca adhibebantur ad tabernaculi sancti, & ab alijs hostibus acceptæ per Davidem manubiæ ad templi structuram qua de re vide Mich. 4, 13. & in genere differrentem *Augustin. lib. 2. de doct. Christ. Basilium M. in oratione deus deus verus. Chytraum de studio Theol rectè formando. Aretium in problemate 103. 104. 105. Meissn. p. 1, phil. sobr. questione generali.* In specie id facile de Rhetoricæ usu posset pluribus probari, quomodo in scriptura creberrimus usus sit omnium torporum Metonymiæ, Ironiæ, Metaphoræ, Synecdoches, omnium figurarum in dictione, & extra dictionem, ut vulgò dividuntur, nisi hæc ex alijs facile suppleri posse crederemus. Videantur 1). *Chytræi in Rhetoricam annotationes. Hyperius de studio Theolog. Index subjunctus Biblijs Tremellij & Junij.* Quid? quod nec ab ἀνεστῆς alphabeticis Spiritus S. in textu hebræo abstinent in Psal. 25. 34. 37. 111. 112. 119. 145. Prov. 31, v. 10. &c. & quatuor capitibus prioribus Threnorum Jeremiæ. Sed hæc levia (ut vulgò putantur) quis curat, quum pleraq; nostra studia consumuntur vel in controversijs cognoscendis, vel

a multis,

inprimis
Rhetorica
usus.

ἀνεστῆς
in Biblijs

in postillis legendis? Vide *D. Paulum Tarnovium* patrum
& præceptorum meum, de *Sacro sancto ministerio* pag. 200.
&c. pag. 229. &c. & hinc inde in istis libris.

Ex versu 5. & 6.]

Vae habitatoribus tractus maritimi, me perditurum esse te,
ne ullus sit habitator.] Locus hic est optimus dicendi, quod,
quemadmodum in mare flumina, sic in magnas civitates,
præcipue maritimas, multa confluant vitia, & proinde
quando Deus satis diu connivere voluit, nec homines in
eis agunt poenitentiam, perduntur, ut olim Tyrus & Sidon,
qua de re pluribus *Esa. 23, 1. Jer. 25, 22. & 47, 4. 7. Ezech.*
26, 2. & 27, 3. & 28, 2. Confer etiam quæ dicta sunt *Na-*
hum 3, 8. vide *Corinthum, Athenas, Carthaginem,* & ad
usum hæc transfer, cui talia sunt commissa, & dic cum *Sal-*
vatore, Vae tibi Capernaum &c.

Urbes ma-
ritime,
mala per-
duntur,

ne fiat,
monean-
tur.

Ex versu 7.]

I. Et erit pro residuo domus Jehudæ, ut eos pascant]
Christo regi Ecclesiæ à patre sunt dati fines terræ in posses-
sionem. Vide in *Psal. 2, 8.* quos ipse pascit suo verbo *Psal. 23, 1.*
Johan. 10, 11. piorum ministrorum verbi operâ *Joh. 21, 15*
16. 17. & 20, 28. & ita ipsi in Christo habent arma divinitus
valida ad destructionem munitionum, rationes evertendo,
omnemq; sublimitatem, quæ se extollit adversus cognitio-
nem Dei *2. Corinth. 10, 4. 5.* quomodo pii in & per *Chri-*
stum, cujus corporis membra sunt, hæreditario jure terram
possident, qua de re vide quæ dicta sunt *Amos 9, 14. 15. O-*
badj. v. 18. 19. 20. Psal. 8, 8. 9.

Christus
Ecclesia
pastor.

Christiani
hæredes
terra.

I I. Vespere accubabunt] Verè pii justificati fide pacem
habent apud Deum *Rom 5, 1. & sunt securi Pl 4, 9. Jer. 23, 6.*
dicen-

Creden-
tes sunt
securi.

dicentes, in Deo confido non timebo, quid faciat mihi homo? Psal. 27, 1. & 56, 12. & 118, 6. 7. cubant & dormiunt, donec expergefiant seipfos, quia Jchova sustentat eos Psal. 3, 4. 6. 7.

*Christus
pascit suas
ovis.*

III. Qui promiserat apud Jeremiam cap. 23, 3. 4. congregabo residuum omnium mearum ovium ex omnibus regionibus, constituamq; super eas pastores, qui pascant eas, ita ut non timeant amplius, neq; consternentur, neq; desiderentur, idem postea in Christo (de quo in illo capite Jerem. agitur) id complevit. Vide Johan. 10, 10. 16. 28. 29. & 11, 51. 52. & 17, 20. Actor. 2, 5. 6. 9. 10. 46. 47. & 11, 31. 32. Hebr. 13, 20. 1. Pet. 2, 25.

Ex versu 3.]

*Deus au-
dit & vi-
det omnia.*

I. *Audivi]* Deus audit & cernit omnia 1. Joh. 3, 20. Hebr. 4, 13. Job. 28, 24. & 11, 7. & 34, 2. in primis verò audit, videt atq; sic, quibus malis impij affligant pios Gen. 3, 12. Exod. 3, 7. 2. Chron. 24, 22. Qui enim plantavit aurem, nonne audiat? qui finxit oculum, nonne videat? Psal. 94, 9. 10. & qui inspector est cordis, ipse intelligit, Prov 24, 12.

*Bonis ma-
lè, malis
benè.*

II. *Quibus probris affecerunt populum meum]* Ecclesia & filij Dei charissimi sunt in hac terra sub cruce, exercenturq; ab improbis, qui prosperè plerumq; ad tempus agunt, sed illi magno suo bono, hi maximo suo malo, de quo Psal. 37. & 73. Illos enim tanquam pater admones probat, hos verò tanquam rex severus condemnans in quæstionem adducit Sap. 11, 11.

*Jactantia
damnatur*

III. *Magna locuti sunt contra terminum ipsorum.]* Jactantia ac magniloquentia est grande vitium, Deoq; exosum, & graviter ab ipso puniatur Prov. 25, 6. & 27, 1. & 28, 25. Jerem.

Jerem. 9, 23. 1. Cor. 3, 21. & 4, 7. & 5, 6. & 8, 2. 2. Cor. 12, 1. Jacob. 3, 14. & 4, 16. Exempla vide à Deo statuta in Pharaone Exod. 5, 2, & 14, 27. 28. Goliatho 1. Sam. 17, 8. Rabsace 2. Reg. 18, 33. & 19, 35. Holoferne Judith 8, 1. 2. 3. Reg. Assyriorum Eſa. 10, 3. Tyro & rege Tyri Ezech. 27, 3. Nebucadnetzare Dan. 3, 15. & 4, 27. Demetrio 1. Macc. 10, 70. Nicanore 2. Macc. 8, 11.

Ex versu 9.]

Idcirco vivo ego, Moab ut ſodom erit.] Deus irrisiones malorum, quibus illudunt ipſi bonis, & videt & punit Exod. 8, 29. Job 13, 9. Jerem. 9, 5. 9. Ezech. 23, 33. 35. Galat. 6, 7. Exempla ſunt in Iſmaele Gen. 21, 9. Galat. 4, 29 Michale 2. Sam. 6, 16. 21. 23. quadraginta duobus pueris Bethelitit 2. Reg. 2, 23. 24. Simci 1. Reg. 2, 44. de reliquis vide ſuprà v. 7.

*Malorum
irrisiones
puni ſunt.*

Ex versu 10.]

Hoc erit eis pro ſaſtu.] Superbia eſt Deo maximè exoſa. Vide Obad. v. 3. 4. Habac. 2, 5. Amos 6, 8. ſuprà 1, 3. de ceteris videatur verſus 8. hujus capituli.

*Et ſuper-
bia.*

Ex versu 11.]

I. *Terribilis erit Jehova in eis, quum emaciabit omnes Deos.]* Deus tandem idola cum idololatriſ tollit. vide Amos 3, 14. 15. & 4, 4. 5. 6. & 5, 2. 4. 5. 26. 27. & 8. 14. Mich. 5, 12. 13. 14. 15. Nahum. 1, 14. Habac. 1, 16. 17. & 2, 18. 19.

*Idola cum
idololatriſ
tolluntur.*

II. *Incurvabunt ſe quiſq; è loco ſuo.]* Regnum Chriſti in N. T. in totum terrarum orbem erat diſpergendum, adeo ut in omni loco poſſint adorare Deum verè & in ſpiritu Johan. 4, 21. 23. 1. Timoth. 2, 8. Vide plura in hanc ſenten-

*Adorare
in omni
loco.*

tiam dicta Amos, 9, 12. Obadi. v. 19. 20. Mich. 4, 1. 2. 5. 6. 7. & 7, 14, 16. 17.

Ex versu 12.]

*Æthiopes
deleti.*

Eriam vos Æthiopes confossi gladio meo eritis. Quia Æthiopes & Ægyptij sunt dati in redemptionem Israelitarum Esa. 43, 3. quando rex Tirhaka cum maximis copijs Assyriam voluit invadere 2. Reg. 19, 9. monemur, verum esse illud, quod Prov. 11, 8. habetur; iustus ex angustia liberatur, & devenit improbus in locum ejus. Item, cum ista magnæ copię Æthiopum, de quibus 2. Chron. 14, 9. sunt deletæ, discimus, quod nullæ vires sint adversus Dominum Prov. 21, 30. 31.

Ex versu 13.]

*Potentes
Resp. ever-
se.*

Extendit manum versus Aquilonem, disponetq; Nineven.] Quò civitas potentior, quò majus est imperium, eò punitur gravius, si Deum, à quo habet illam potestatem, Ioh. 19, 11. Rom. 13, 1. nefariè spernat Sir. 10, 8. proinde audite reges, intelligite, discite, ô judices, auribus percipite dominatores multitudinis & superbientes de turbis nationum, nam data est potentia vobis à Domino, & potestas ab altissimo, qui quæstionem habebit de operibus vestris, & consilia vestra perscrutabitur Sap. 6, 1. 2. 3. Vide eversam monarchiam Assyriorum, Medorum, Græcorum, & nutantem jam Romanam, ac vix pedibus luteis consistentem, de quibus Daniel prolixius. Considera Nineven, Ierosolymam, Babylonem, Romam, Carthaginem, & in hoc ducatu quondam florentem & valde nobilem Megapolin &c. eversæ sunt omnes & singulæ.

Ex versu 14.]

*Luxus in-
luctum
vertitur.*

I. *Accubabunt in eâ bestia gentium]* Luxus cedit in luctum,

Iustum, & ædificiorum nimia exornatio iusto Dei iudicio, tandem erit desolatio. Vide Amos. 1, 4. & 3, 15. & 6, 8. II. Obadi. vers. 4. Michaël. 1, 6. & 3, 10. 12. Habac. 2, 9. II. 12. sup. 1, 13.

II. *Tum platea, tum anataria.*] Si avium funestiarum vox nos commoveret Es. 13, 21. 22. Eccl. 12, 4. quanto magis perterrefacere debebat infernalis vulturis seu Diaboli cantus, cujus

Canis
vultu

fistula dulce canit, volucrem dum decipit auceps. Luc. 8, 5. 12. Eph. 2, 2. Apoc. 18, 2. quin imò, quomodo avis etiam dulcisonus cantus perterrefaciat hominem malè sibi conscius, vide Sap. 17, 4. II. 19.

Ex versu 15]

I. *Huiusmodi erit civitas illa exultabunda, quæ resideret*] Sæpe pij impijs obstinatis percuntibus insultant, non quod eorum gaudeant interitu, sed quod Dei gloriam asseri videant Psal. 52, 8. 9. Job. 5, 22. & 8, 21. 22.

Cum pere-
unt mali,
gaudent
boni.

II. *Quæ dicit cum animo suo, Ego sum, & nulla præter me*] Quamobrem superbit terra & cinis? Sir. 10, 8. noli altum sapere, sed time Rom. 11, 20. quia hoc est solius Dei, dicere de se reverà, Ego sum, qui sum, Exod. 3, 14. Ego sum Dominus Deus, & non est alius præter me Psal. 45, 5. 21. & 48, 12.

Deus solus
potest di-
cere, Ego
sum.

CAPUT TERTIUM.

Argumentum.

Propheta Judæorum, & inprimis illorum qui Jerosolymis, rerum potiebantur, scelera redarguit, poenasq; quas

Summa.

illis promeruerint, denunciat, easq; nisi resipuerint illaturi iri asserit. Cum vero in illo populo, reliqui erant plij alijque, illis promissiones Evangelicas proponit, restitutionemq; promittit, quæ in Christo demum plenè exhibita est, de cujus regno vaticinium contexit egregium consolationisq; plenissimum, in quo totam salutis rationem explicat, quando agit de gentium vocatione, Ecclesiæ instauratione, peccatorum remissione, & membrorum illius sanctificatione ac gloria æterna per Christum parata, & ab eodem olim exhibenda. Potest igitur hoc caput cum nonnullis dividi in partes duas, quarum prior sit legalis concio, & de peccatis Jerosolymorum accusatio, poenarumq; quas illis meruerunt, denunciatio. Posterior promissionum Evangelicarum de Messia, ejusq; beneficijs in Ecclesiam redundaturis post illam afflictionem, ut hæc re se erigant & solentur piorum reliquæ. Nos autem aliquantò plenius ita singula membra videbimus, si totum caput itidem dividamus in partes duas, quarum una sit seria ad resipiscentiam hortatio, quæ oritur ex horrendi judicij, nisi resipuerint, certo expectandi denunciatione: Altera egregia ad lætitiæ spirituales excitatio, quæ nascitur ex maximi beneficij, cum resipuerint, certo per Christum exhibendi exaggeratione. Illius membra principalia duo sunt, sententiæ Dei decretoriæ latio, & causarum, cur illa jure optimo lata sit, enarratio, tam generalis v. 1. quam specialis ubi explicantur & singulorum ordinum in Republ. vitia, popularium seu status Oeconomici v. 2. magistratus politici v. 3. & Ecclesiastici v. 4. & in vitijs seu peccatis perseverantia vel contumacia, quæ probatur dupliciter, tum quod verbo Dei admoniti non resipuerint v. 5. tum quod nec exterorum exemplis horrendis

*Divisio
popularis.*

*Alia plenior;
partes
duæ.*

I.

II.

*Prioris
membra
duo,*

1.

2.

dis propter peccata sua punitorum, a peccatis ad frugem redierint v. 6. quæ duo repetita conjunguntur v. 7. In secunda parte, cujus propositio habetur v. 14. est potissimum causarum, propter quas Ecclesiæ sit latandum; expositio: sunt vero beneficia, quæ Deus illi est exhibiturus I. in gentium, ad Ecclesiam vocatione, ex quibus inimicos ac obstinatos, imò & qui sunt in illâ malos est perditurus v. 8. dociles & conversos in populum suum Deus est cooptaturus v. 9. ut cum Judæis communicatis operis, ad ipsum accedant v. 10, 11. In ipsius Ecclesiæ bona constitutione, quippe quæ erit ab improbis vacua & secreta v. 17. soloq; Deo nixa v. 12. & in Christo sancto v. 13. III. In inimicorum omniumq; malorum & metus servilis remotione v. 15. 16. IV. In Dei regis sui protectione, cujus deprædicatur partim potentia, & ex Ecclesiæ amore orta lætitia v. 17. partim in dispersis electis suis ad Ecclesiam congregandis, ab hostibus liberandis ac æternum glorificandis celebratur diligentia v. 18. 19. 20.

*Pasterioris
idem
duo.*

*Beneficia
Ecclesiæ
promissa.*

1.

2.

3.

4.

PARS PRIOR.

Verf. i.] Postquam propheta præcedenti capite gravissima Dei judicia exposuit, quæ manebant gentes Judæis vicinas, parumq; & hac ratione se proficisse videt, quum hi non futurum putaret, ut illa judicia etiam ad se, sanctum Dei populum pertingerent, ad eam hortationem, quam in superioris capitis initio coeperat, redit, ipsosq; ut à flagitijs tandem desistant, & sancta respicientia ad Deum offensum accedant graviter hortatur, atq; ut attentos reddat, securos horrenda voce incipit, aliquot epithetis foedissimis statum urbis Jerosolymæ corruptissimum esse ostendit, eaq; inani gloria-

*Judaorū
reprehen-
sio.*

imò sanctæ
civitatis.

tionem, quæ ob sanctitatem ac iustitiam, quam sibi vendica-
bant frustra, ejus incolæ se efferebant, opponit, quod cer-
tè isti populo exordium fuit acerbum, qui hanc urbem u-
nam in toto terrarum orbe habebat sanctissimam, quam
propheta prius in genere valde pollutam, deinde avaritiæ
deditam in hoc versu primò arguit, dum sic loquitur: *Va*
ignominia summâ notatæ, fœdatæ, inquinatæ & contamina-
tæ, civitati, inquam, huic opprimenti & prædatrici, hebrai-
cè valde emphaticè הוּי מוֹרָאָה וְנִבְזָאָה הָעִיר הַזֶּה Lu-
therus quod ad sensum, reddit satis benè, *wehe der schœß-*
lichen / vnflätigen / Tyrannischen Stadt. Sed operæ pre-
cium est singulas voces, earumq; vim rimari accuratius, ut
inde de hujus versionis, quæ tamen à vi. vocum videtur
discrepare, constet veritate. Vox מוֹרָאָה est participium
Hophal à Rad. רָאָה i. e. vidit, in Hiphil ostendit, de-
monstravit, & peculiariter cum de flagitiosis usurpatur,
παρεδειγμάτισε publicæ infamiæ exposuit, exemplum sta-
tuendo, in quod respiciant alij Matth. 1, 19. tanquam in spe-
culum i. e. רָאוּ de quo Nah. 3, 6. seu הִרְאוּת Exod. 38, 8.
ut sit sumptum hæc loquendi genus ab ijs, qui publicâ no-
tati sunt infamiâ, seu in quos exemplum statutum est publi-
cum, & hæc vox idem notet, quod græcis παρεδειγματί-
σεν, ostentui habita, cum vitijs ac sceleribus infamem se
reddidit spectatu viris bonis horrenda, à qua oculos aver-
tunt. Hæc est emphasis ejus vocis, quæ aliàs, cum nomen
est, significat ingluviem, ut Levit. 1, 16. seu gutturis vesti-
culam in faucibus, quæ cibi multarumq; sordium est rec-
eptaculum, sic dictam, quod cibo distenta proster aspectui
& facili videatur, quomodo *Junius* h. l. vertit, & satis benè
in notis explicat, ut apud eum videre est. Verum quia reli-
qua

מוֹרָאָה

παρεδει-
γματίσεν.

Junius
vertit in-
gluviem.

quæ epitheta sunt participia & concreta, etiam hoc tale esse credimus; Interim sententia illa nostræ non est contraria, sed aliquantò contractior, modumq; quomodo sit meritò *עֲשֵׂהוּ כְּאֶחָד מֵהֵם* explicat, videlicet si regnum vel urbem conferas cum corpore humano, & si in hoc protuberet stuma, homo ipse est deformis; ita hæc civitas meritò ab omnibus habetur fœdata, cum rapinis abundet, quas nequeat in stomachium trajcere, concoquere, ac in succum ac sanguinem convertere. *Hieronymus* vertit provocatrix, græce *ἐκκαλεῖσθαι*, explicat, Deum amarum faciens, id est, suo vitio, dulcem Dominum atque elementem vertens in amaritudinem, ut cum misereri vult, punire cogatur, quæ sententia olim fuit R. *Jeschua*, væ rebeli, quasi à *עֲשֵׂהוּ כְּאֶחָד מֵהֵם* & N sit loco. tertiæ Radicalis ה Cognata hæc sunt, non tamen eadem, nec faciliè confundenda, & proinde priorem retinemus sententiam. Secunda vox *נִנְאָלָה* itidem h. l. malè ab *Hieronymo* vertitur redempta, cum tamen eam urbem, cui attribuit, culpet, & illa significatio altera contaminandi in scripturis sit satis frequens *Eldr.* 2, 62. *Neh.* 7, 64. & 13, 29. *Iob.* 3, 5. *Esa.* 59, 3. & 63, 3. *Thren.* 4, 14. *Dan.* 1, 8. *Mal.* 1, 7. 12. Tertia vox *הִיכָרָה* itidem est participium Cal, à R. *הִכָּרָה* oppressit, quocunque modo fraudando ac lædendo, siquidem tam de læsione corporis, quàm damno, quod rei nummarie inferitur, dicitur, & quia columba inter aves est satis fatua ac simplex *Hos* 7, 11. & proinde oppressioni ac prædæ multum exposita, etiam inde idem apud hebræos nomen habet: Hoc in loco tamen propter ה præfixum ita cum *Hieronymo* verti nequit, ut ostendit *Drusus* ex loco simili *Ierem.* 46, 16. Nobis sufficit notasse scripturæ analogiam in alijs locis, ubi itidem oppri-

Conciliatur.

Etiā Hieron.

Et R. Jeshua.

נִנְאָלָה non notat redemptiā.

הִיכָרָה

non significat hic columbā.

men.

mendi, defraudandi expilandi significationem habet hoc verbum hebræum, Exod. 22, 20. Lev. 19, 33. & 25, 14. 17. Deut. 23, 17. Psal. 74, 8. & 123, v. 1. Prov. 29, 20. Esa. 49, 26. Jer. 22, 3. & 25, 38. & 50, 16. Ezech. 18, 7. 12. 16. & 22, 7. 29. & 45, 8. & 46, 18. Jam cum toto h. l. confer cap. 1. & 5. Esaia, ubi ferme eodem modo in hunc ipsum populum propheta invehitur, & omnia satis puto intelliges, quæ sunt in versu primo hujus capituli vel tribus notata verbis, sed valde emphaticis, & plerisque interpretibus incognitis.

[Vers. 2.]

Si quis nunc quærat, cur his tam diramini-

Vates, omnipotens sua cui secreta revelat?

*Scelera
Judaorum.*

ipse rationem versu secundo subijcit quadruplicem, & ne convitiator habeatur, scelera nota enumerat, ob quæ merito eam urbem, vulgo sanctissimam habitam, ita culpet, quæ sunt 1. verbi divini contemptus 2. rebellio seu disciplinæ impatientia. 3. diffidentia. 4. Impœnitentia. Illa enim urbs Ierosolyma, quæ se tam sanctam verbis vendirat, revera non auscultat voci prophetarum, dicto Dei non est audiens, Luth. *sie wil nicht gehorchen* / propterea à me castigata. *disciplinam non accipit*, se institui aut erudiri, in meliusq; emendari non patitur, quod certissimum stultitiæ est argumentum Prov. 1, 7. Deinde vero gravius afflicta aut malis pressa, vel ad illicita confugit media, vel planè desperat, *Jehovæ* verò, urgentibus periculis, non confidit, & propter hæc omnia per ministros verbi reprehensa, pœnitentiam non agit, *ad Deum* per resipiscentiam & orationem Hos. 6, 1. non appropinquat; veniam non petit, pieq; non vivit, siquidem, qui impiè vivit, à Deo procul recedit

Esa.

*Non au-
scultat
verbo Dei*

*nec ad
Deum ap-
propin-
quat,*

Esa. 59, 2. & 29, 13. Luc. 15, 13. quomodo iterum negatio vehementissimam affirmationem contrarij innuit, ut supra c. 1, 6. Neq; verò etiam hoc caret emphasi, quod dicit, *Deum suum*, non qui jam in ipsa flagitiosa vita illis faveat, sed qui eos peculiariter, dum in peculium suum adoptavit, beneficijs plurimis cumulavit, adhuc verbo suo vocat, & manus extendens invitat, quemq; ipsi revera, si reverterentur, Deum suum nominare poterant, imò quem ipsi, quâ sunt impudentia, Deum suum esse gloriantur, ecce hunc averfantur, ut hostem, quoq; certè maximum summæ ingraditudinis signum est, Confer Esa. 31, 5. 6. Hos. 7, 10. 13. Amos 2, 9. 10. 11. & 3, 12. Mich. 6, 2. 3. 4.

Vers. 3. } Atq; hæcenus peccata hæc in genere toti populo tribuit. Cum verò nullum sit dubium, non minimam hujus corruptionis causam esse malam administrationem officij gubernatorem in politia ac Ecclesia, nunc contra morem plerorumq; hodiernum, ubi

dat veniam corvis, vexat censura columbas.

in specie ad illos descendit, sicut vidimus Mich. 3, 1. 2. 3. 5. 11. In illis, qui primas tenent in statu politico, Deiq; vicarij sunt, ut jus administrent, regnat tyrannis & inexplibilis avaritia. Nam *principes ejus* civitatis non tantum in peregrinos grassantur, verum etiam in cives sæviunt, qui sunt in medio ejus, contra hos sunt leones rugientes. Ut enim leo reliquis animalibus rugitu suo terrorem incutit, eaq; esuriens discerpit: ita etiam hi, quibus debebant esse in suo officio, solatio & protectioni, Rom. 13, 2. illis sunt terrori, & quos contra injuriam debebant defendere, his illi primum omnium eam inferunt. Prov. 28, 15. Mich. 5, 8. Vide Nahum 2, 11. 12. & *judices ejus*, inferioris dignitatis magistra-

*Deum
suum.*

*Principes
velut le-
ones.*

tus prædides ac senatores sunt tam rapaces, *ut lubi vespertini* qui nocte grassantur, cum per diem fame ferè perierint, & quibus tum nihil rapacius, (qua de re vide plura Hab. 1, 3.) quippe tum pecudes abiguntur in stabula, & proinde his intra septem conclusis desperant se prædam posse consequi, & si qua præter spem obvenit, avidissimè accipiunt, cum fames vehementer eos urgeat, siquidem toto die venter refedit esuriales ferias, brevissimo temporis spacio omnia absumunt, ita quidem, ut & ossa comminuant statim, nec quicquam reliquum faciant in tempus matutinum, siquidem *non rodunt ossa in matutinum usq.* Lutherus benè: *Sie lassen nichts bis auff den Morgen über bleiben.*

*Status Ec-
clesiasticus*

Verf. 4.) Præterea ejusdem farinae sunt, qui in statu Ecclesiastico sunt primi, & cum ipsorum esset, illos primores cœlo capita alta ferentes, propter illam tyrannidem reprehendere, hi cum ipsis colludunt, religionem pro illorum hominum arbitrio flectunt, probè sciunt uti foro, omniumq; horarum sunt homines, ait. quis, ajunt, negat, negant, is quæstus demum est illis à Deo in Ecclesia constitutis episcopis seu Superintendentibus nunc multò uberri-
mus. Nam: *propheta ejus sanctæ urbis Jerosolimorum sunt leves, sein leichtfertige Gesellen* / in quorum vita & doctrina nulla gravitas, nullo autoritas, nulla severitas, nulla constantia, siquidem prout est homo, in, quem incidunt, ita, morem gerunt, & verbum Dei cauponantur, normamq; docendi & vivendi variè inflectunt, prout illi, quibuscum vivunt, libenter vident & audiunt. פִּתְיוֹנִי variè vertitur, nostra explicatio & ipsi verbo, & huic locò optime quadrat: Significat enim propriè levem mente esse, ita tamen, ut in-
cessu festino & ad levitatem composito hoc indicetur

Gen.

Gen. 49, 4. Jud. 9, 4. Jer. 23, 32. seducunt populum meum, levitate suâ. Quales vero hi? Sint coram mundo homines faciles, lepidi, hilares, suaves, & si quid vanorum titulorum à mundo largiter istis parasitis tributorum super est, à averaci Deo angelisque sanctis, cum à diabolo Dei carnificè ad summum tribunal sistantur, & de vita ac doctrina sua examinantur, concluditur, decernitur, & per hunc prophetam revelatur, quod sint *viri perfidiarum* h. e. perfidiosissimi, qui neque Deo, neque hominibus fidem datam servant, sein schendliche Verächter / die Gottes Gebott vnd ihre eigene zusage vnd gelübde nichts achten. Porro *sacerdotes ejus*, quorum duo hæc potissimum sunt officia, facere rem divinam & docere populum, utrumque non omittunt quidem plane, sed administrant male

Sacerdotes mali.

quum cælum terræ commiscant, sacra prophanis, legemque & verbum Dei enarrant perperam, verum ejus pervertentes sensum, quandoquidem *rem sanctam prophanant*, & *vim, legi faciunt*, male eam explicantes, dum callida & perversa interpretatione sententiam corrumpunt, & in alienum sensum detorquent, prout ipsis libet, si cui minus favent, & vindictam meditantur, huc linguam acuunt & textum trahunt, Lutherus, *sic deuten das Geseze freventlich* / quod in Phariseis notat Christus, Matt. 23, 16. 23. Mar. 7, 9. 10. 11. 12. 13. Ex hac vero enumeratione & reprehensione grandium in utroque statu flagitiorum regnantium id liquet, quod supra dictum est, hanc concionem ante repurgationem à Josia factam, esse habitam.

Vers. 5.] Quid vero Deus ad hæc? probatne & silet? probet vero & sileat? imò contra istam hominum & primorum plebis injusticiam hætenus declaratam suam quotidie

Dei iusti-
tia.

Mane.

In lucem.

tidie producit ac probat iustitiam. Allegant illi pro sã Dei
 promissionem Lev. 26. 11. 12. 13. Indefinenter ambulabo
 in medio vestri, ac ero vobis Deus, sed non addunt condi-
 tionem ibidem adjectam v. 3. si vos ambulaveritis in statuis
 meis: Verumtamen respondeo potius per concessionem,
 revera Deus est in medio ejus, sed eos reos suorum scele-
 rum peragit. Nam *Sebova iustus*, qui non probat illa facta
 injusta, Psal. 11. 7. *in medio ejus* civitatis, & proinde par-
 erat, ut hujus presentia moniti ejus incolæ stoderent & ipsi
 iustitiæ quâdoquidem *ipse non facit*, neq; approbat ini-
 quitatem Deut. 32. 4. ideoq; non committeret, ut hæc scele-
 ra, quæ hæcenus commemorari, impunita abeant, quod
 esset iniquum, imò contrarium testatur quotidie, *quando*
mane mane, i. e. unoquoq; mane, diebus singulis (id quod
 repetitio ejusdem vocis innuit, Buxt. Thes. p. 318. 319.) di-
 ligentissime & accuratissime (id quod circumstantia tem-
 poris indicat, quia mane fieri dicitur, quod sit cum cura,
 magnæq; diligentia, vide Psal. 5. 4. & 101. 8. Prov. 1. 28. in-
 fra v. 7.) *jus suum* in lege præscriptum, quod eam observa-
 re oportebat, per prophetas suos veros, per quos suum
 populum quotidie ad frugem revocat, quotidie *edit* ac pro-
 fert *in lucem*, h. e. publice ac perspicue Mich. 7. 9. declarat.
 vide 2. Chron. 36. 15. Hos. 6. 3. 5. Jer. 7. 25. Quanquam
 vero non multum proficit, tamen pergit in isto suo propo-
 sito, ut paucos salvet, quia *non deest*. Luth. Der HERR
 lehret wol recht und leisset nicht abe / neq; quicquam desidera-
 ri patitur Esa. 5. 4. *sed nescit iniquus* in isto populo Israeliti-
 co *erubescere*, callum obduxit in nequitia, frontem perfrin-
 cuit, omnemq; pudorem exuit, ut scortum impudentis-
 simum, quod ad nullum opprobrium datur in pudore n.
 Jer. 3. 3. &c. & 5. 3.

Vers.

Verf. 6.] Amplificatur hæc Judæorum nequitia inde, quod nullis pœnarum exemplis, quæ videbant in alijs facti sint meliores, aut illud sibi subjecerint:

Tunc tua res agitur, paries cum proximus ardet, sed semper in pejus ruerе perrexerint. Ubi enim verbis nil proficere potui, ventum est ad verbera: ne tamen inopinantes & inter oscitantes opprimerem meos, prius aliquot gentes exscindere volui, non unam tantum, ne dicerent, se id non potuisse observare, neq; leviter tantum, aut molli brachio tractare eas placuit, sed ita ut totale inde sequeretur exscidium, idq; meis prædixi supra c. 2, 4. seqq. ut ipsi hinc exemplum caperent, alienoq; periculo tandem saperent. Hanc ob causam quoq; cum meis suis sceleribus ad iram provocaverant, gentes vicinas *exscidi*, ita ut *desolatae sint extremitates earum*, in universum, ab unâ extremitate, ad alteram sunt anguli eversi, seu potius munitiones in angulis ædificatæ. Atq; ita pleriq; omnes interpretes vocem רִיבָה hic & c. 1, 16. accipiunt, præter Riberam, qui intelligit primores populi, qui metaphoricè ita dicuntur Jud. 20, 2. 1. Sam. 14, 40. Esa. 19, 30. eo quod alios sibi adhaerentes continent, autoritate præstant, alijsq; antestant, quiq; Rempubl. sustinent ac fulciunt, ut mollem ædificij lapides angulares, quo nomine etiam ipse Christus nuncupatur Psal. 118, 22. Esa. 28, 16. Eph. 2, 20. 1. Pet. 2, 7. Matth. 21, 42. Act. 4, 11. eo quod duos domus Spiritualis Dei seu Ecclesiæ parietes, h. e. Judæos ac gentes conjugat: Qua de re vidè prolixè & crudè differentem Drusium epist. 85. Verum nota, quod in illis locis, quæ ut *μεγαλα* hicce propheta nostri citat Jesuita, & subiecta materia alia sit, quippe ubi agitur de hominibus, cum hic de urbibus sermo sit, & no-

Judæi ex alijs periculum nō faciunt.

רִיבָה

Primores populi.

hic non notat.

CAPUT TERTIUM.

men sequens □ *Jerusalem* gratia ibi additum hîc non reperiatur, & proinde non necesse sit illo modo exponere, quo vult Jesuita locis alienis seductus, quæ pro parallelis habuit. Præterea dicit Deus, vastitatem factam exaggerans, *destruxi vicos earum, desertas feci plateas earum*, quæ antea erant populis refertæ, adeo ut nullus deinceps transiret, aut hinc inde commearer, ita sunt exinanita civitates earum, civibus & incolis, *ut non sic quisquam in illis, nec sit ullus habitator in illis*. Confer ea, quæ dicta sunt ad v. 5. 6. 14. 15. capitis secundi.

Verf. 7.] Dum verò hæc agebam, ita mecum reputabam & dicebam, dum te o, Juda, aliorum exemplis, quid te futurum sit, nisi resipiscas, moneo, eaq; per prophetas inculco Amos. c. 1. & supra c. 2, 4. sperabam fore, ut adducaris eâ ratione ad timorem mei: Sed, pro dolor, observes hic licet meam in te benevolentiam & benevolam affectionem, qua te nolui perire, tuamq; in me Deum tuum te vocantem obstinationem, ego te resipiscientem volui servare, tu autem voluisti te magnis magnisq; vitas tuas corrumpens, perditum ire. Dicebam, istis documentis Jerololyma tam severis erudita, *utiq; timebis me, accipies disciplinam*. Percipies eruditionem Prov. 24, 32. supra v. 2. (Quibus duobus totius cultus Dei ac pietatis summam completitur Mich. 6, 8.) capies inde documentem & ad frugem redibis, ne eadem patiaris. Sed frustra te percussi, disciplinam non resipisti Jer. 5, 3. expectavi diu, si forte animum mutares, castigata resipisceres, & non opus esset, me quoq; eo usq; procedere, ut te totam everterem, *ut non excinderetur habitaculum ejus*, quæ egit pœnitentiam illis omnibus plagis sensim crescentibus, quibus animadvertēbam.

*Jerololy.
ma exem-
plū non
correcta.*

nam in eam haftenus impœnitentem. Sed prohi dolor, quis effectus hujus meæ benevolentiae & longanimitatis? Ille, quem vix crederes, Nam quamquam illa omnia feci, veruntamen inde à diluculo, à summo manè indefinenter ac studiosissime corrumpunt omnes actiones suas, quasiq; summa vitæ voluptas in eo esset posita, sic ad vitia quævis festinarunt eo tempore, quod rebus gerendis est aptissimum, eò quod tum mens ad huc sedata est ac tranquilla, vide supra v. 5. Unde Lutheri illa versio proba, sie sind fleissig allerley Bößheit zu vben.

A diluculo

LOCI COMMUNES.

Ex versu 1.]

I. Væ sedata, Contaminata & opprimenti] Deus peccata neq; vult, neq; probat, sed odit & abominatur Psal. 5, 5. Esa. 30, 1. & 65, 12. Psal. 92, 16. Mal. 2, 17. Sirac. 15, 11. 12. 20. Vide supra Amos 6, 8. Hab. 1, 13. & infra v. 5. Qua de causa illis etiam Væ denuntiat, atq; eadem punit Amos 3, 6. & 4, 6. & 6, 1. Mich. 2, 1. seqq. & 6, 13. sqq. Nah. 3, 1. Hab. 2, 9. 12. 15. 19. supra 2, 2.

Deus peccata odit & punit.

I I. Urbi] Etiam Ecclesia sancta potest degenerare. Quod notandum contra Pontificios supra c. 1, 4, L. C. II. Et hoc si ita est, quidni possent singuli pij in peccata contra conscientiam prolabentes gratiâ Dei excidere, ac fidem amittere? Imo hoc merito sequitur, quia Ecclesia sancta, constat ex multis sanctis, quorum est communio. Quod est contra Calvinianos observandum, qua de re dictum est Amos 9, 15. supra c. 1, 6.

Ecclesia & pij possunt deficere.

Ex

*Ex versu 2.]**Homo
Deum vo-
cantem sa-
pe pernit.*

I. *Non auscultat voci, non accipit disciplinam*] Deus cum vocat creaturas reliquas, statim adsunt, Psal. 33, 9. & 148, 5. Rom. 4, 7. Vide Amos 9, 6. solus homo vocatus non comparet Prover. 1, 21. 24. 25. Ut in parabolis Cœnæ magnæ Luc. 14, 17. 18. nuptiarum regiarum Matth. 22, 3. 4. seqq. declaratur. Etiam à Deo paternè castigatus, ne cum mundo damnetur 1. Cor. 11, 32. pœnitentiam sæpè non agit Amos 4, 6. 7. 8. seqq.

*Deus ad-
est ubiq.*

II. *Jehovæ non confidit, ad Deum suum non propin-
quat*] Fons omnium peccatorum est infidelitas, & quod homines non cogitant, se stare in conspectu Dei, supra c. 1, 7. L. C. I. qui semper adsit illis in omnibus locis, vide Amos 9, 2. 3. 4. Obad. v. 3. 4. & propterea illis quotidie benefaciat, ut ipsum quærant, ad ipsum accedant, Deumq; colant Act. 14, 17. & 17, 26. 27. 28. Matt. 5, 45.

*Magnatū
peccata ta-
xanda.**Ex versu 3.]*

Principes ejus sunt leones] Etiam magnatum peccata taxanda sunt. Vide quæ dicta sunt Amos 4, 1. & 5, 7. 10. 11. 6, 1. 4. 5. & 7, 16. Jon. 3, 6. & in primis Mich. 3, 1. 2. 3. 9. 10. 11. Nah. 3, 1. Hab. 2, 9. Sap. 1, 8. Ubi *σωφροσύνη* etiam gravi-
ter reprehenditur.

*Ex versu 4.]**Etiam sa-
cerdotum.*

I. *Propheta ejus leves*] Etiam inter ministros verbi sunt mali quidam, levipedes, lenipedes, arundines ventriloqui. Vide Hab. 2, 1. L. C. I. Qui etiam sunt reprehendi & ex lege arguendi, quemadmodum ipse Petrus à Paulo graviter arguitur Gal. 2, 14. Et Pharisei ac scribæ à Christo

Christo accusantur Matth. 6, & 23. Vir Dei & Samuel increpant seniore Heli 1. Sam. 2, 27. & 3, 18. Malachias sacerdotes arguit c. 2, 8.

II. *Prophanant rem Sanctam, vim faciunt legi*] Ministris verbi dictum est, videant, ne dent sanctum canibus, ne margaritas projiciant porcis Matth. 7, 6. qui id mandatum suscipi de quibus habent, cum omnes ad sacram admittunt synaxin, sciant, se peccatis alienis communicare, neque sanctos suo Domino, cui sunt consecrati, servare 1. Timoth. 5, 22. confer 2. cor. 6, 14. seqq. Item, qui textus verbi divini perperam allegant, dictorum sensum pervertunt ac contorquent, sive ex malitia, sive negligentia, peccant graviter, quia labia sacerdotis observabunt scientiam, & lex requiratur ex ore ejus, iniquitas non inveniatur in labijs ejus, sed in æquitate ambulans multos avertat ab iniquitate Mal. 2, 6. 7. In omnibus ac legem & testimonium se referant Esa. 8, 20. & tantum id loquantur, quod ipsis dixi Dominus, de qua re sæpe in prophetarum horum inscriptionibus. Æquum est igitur, biblia ipsa diligenter scrutari Joh. 5, 39. lectioni scripturarum sic intentus 1. Timoth. 4, 13. 16. Hæc meditetur, in his sit, ut ejus profectus manifestus sit inter omnes, ibid. v. 15. ut sit potens in scripturis Act. 18, 24. & queat exhortari doctrinâ sana & contradicentes convincere Tit. 1, 9.

Ex versu 5.]

I. *Jehova justus*] Deus propterea non est injustus aut probat injustitiam, cum aliquandiu ad peccata improborum conniveret, supra v. 1. Psal. 50, 21, 22. eosque ad poenitentiam invitat Rom. 2, 4, 5.

*Mali a
cand
arandi.*

*Dicta
scriptura
recte ci-
tentur.*

*Biblia le-
gantur.*

Dei justitia

CAPUT TERTIUM.

82
Dei præ-
sencia.

II. *In medio ejus*] Semper sit in oculis hominum.
Dei timor, quia semper adest

ὁμῶς διὸς ἡγετοῦν πάντα τὴν γῆν

supra c. 1, 7. L. C. I. & c. 3, 2. L. C. I. Monebat quidem prudenter *Seneca*, ut ad vitanda clancularia vitia, quum soli versamur, aliquem severissimum virum, qualis fuit *Scipio*, *Laelius*, *Cato* &c, nobis & testem & inspectorem nostrarum rerum adesse cogitemus: Et piè *Bernhardus*: In quovis angulo, reverentiam exhibe tuo angelo, nec ausus præsentem illo facere, quæ me præsentem facere non auderes. Sed longè magis Christianos excitare debet ad piè vivendum, quod sciant, Deum omniscium, mundiꝝ totius judicem, cum sanctissimorum angelorum, choro semper esse præsentem

Ne pecces, Deus ipse videt, tuus angelus adstat.

Accusat *Satanas*, morsq; minatur atrox.

Infernus rictum dilatat, concipis intra.

Pectora pro meritis vimq; metumq; malis.

Homines
sua culpa
percuti.

III. *Unoquoq; mane Deus jus suum edit.*] Deus omni & toto die manus expandit invitans ad poenitentiam *Esa.* 65, 2. 3. 12. *Rom.* 10. 20. *Esa.* 66, 4. *Jer.* 7, 14. *Prov.* 1, 24. Sed nolunt venire *Matth.* 22, 3. & 23, 37. Non igitur perditio hominum est ex Deo, sed ex ipsis *Hos.* 13. v. 9. Nam facis suæ vincæ, quæ debuit *Esa.* 5, 4.

Ex versu 6.]

Exemplo-
rum usus.

Excidi gentes] Indicatur hic plurimorum in scripturis notatorum exemplorum pius usus, qui est, quod ibi

Omnis, quid fudiat, quidq; sequatur, habet.

SOPHONIAE.

ut Christus indicat Luc. 13, 3. 5. Matt. 12, 13. 41. 42. Luc. 17. 26, 29. Paulus 1. Cor. 10, 1. seq. c. 6, 11.

Ex versu 7.]

I. *Dicebam, utiq; timebis me*] Calamitatum hominibus à Deo immisissarum finis bonus est, ut videlicet inde erudiantur ad timorem Dei, & alia pietatis opera excitentur Job. 5, 17. & 11, 11. 12, & 33, 17. 18. 23. Dan. 11, 35. Psal. 119, 71. & 94, 12. Job. 36, 9. 10. 11. Prov. 1, 32. Sap. 12, 2. ne opus sit planè eos perdere 1. Cor. 11, 32.

Calamitatum finis.

II. *A diluculo corruperunt actiones suas*] Ea autem est humanæ naturæ pravitās, ut etiam his sæpe non erudatur Amos 4, 6. seqq. sed quò plus percutitur, magis auget apostasian Esa. 1, 5.

Iu non corrob.

PARS POSTERIOR.

Vers. 8.] Quod cum ita sit, egoq; frustra expectaverim vestram pœnitentiam, id restat, ut vos à me prædictam certò expectetis pœnam. *Idcirco præstolamini me, dictum Jehovah, ad diem illum, surrecturus sum ad prædam faciendam* (heb. עָרַר, quæ vox itidem in hac significatione occurrit Gen. 49, 27. Esa. 33, 23 à R. עָרַר despoliavit, Psal. 119, 61. quod tamen cum Chaldaica R. עָרַר i. e. transijt, transire fecit seu removet, magnam habet cognationem) & mihi & ijs, qui vos sunt everfuri, potissimum verò in ultima urbis everfione, facta à Tito Vespasiano. Tum enim Evangelium in totum terrarum orbem disseminabitur, unde mihi multi regenerati cedent velut in prædam. Contra vero, qui nolunt converti, cedent & Romanis corporaliter ac temporaliter, & diabolis spiritualiter ac

עָרַר

æternum in prædam, idq̃ certissimè futurum est, quia
*jus meum & inviolabile decretum jam est factum, ut in ira
 mea recipiam gentes, supra c. 1. 2. & congregem regna ad judi-
 cium, Joel 3, 7. & effundam, copiosissimè exetram (Joel. 2, 28.)
 super illas indignationem meam, ac totum æstum iræ meæ
 Psal. 79, 6. Ezech. 22, 31. quia igne xeli mei, quo meos defen-
 do, eosq̃, qui illos afficiunt injuria, punio, supra c. 1, 18,
 Joel. 2, 18. Nah. 1, 2. absumentur tota hæc terra, pleriq̃ omnes
 terricolæ, ut Gen. 41, 57.*

Verf. 9.] ne verò illud gentis Iudaicæ excidium Ec-
 clesiæ damno ac fraudi fore videatur, illam eo ipso tem-
 pore potius propagandam dicit eorum accessione, qui ha-
 ctenus fuerunt ab ea alieni, Dei ignari ac impuri. Ubi
 notanda sunt hæc tria, 1. à quo tam mirum opus 2. quomo-
 do, videlicet mutando hominum corda & labia. 3. in qui-
 bus, nempe multis populis, futurum sit. *Tunc enim, quum
 vos & illas gentes judicijs meis exercuero, convertam
 & mundabo in populis, qui reliqui erunt ex clade publi-
 ca, quosque concione spiritus per verbum renova-
 bo in spiritu mentis ipsorum, ut purificati incordibus
 per fidem, puritatem vitæ sermone & opere deinceps
 probent coram Deo, mutabo, inquam labium
 eorum, quod hæctenus peccatis fuit occultum, ape-
 riam Psal. 51, 17. & quod varijs nugis ac blasphemijs fuit im-
 puratum, ut purum sit, efficiam, ut de Deo vero & castè sen-
 tiant & recte loquantur. Lutherus paulò aliter vertit; als
 den wil ich den Völkern anders predigen lassen mit freunds-
 lichen Lippen / & in margine, daß ist das Evangelium von
 der gnade Gottes / welches uns erlöst von unsern Sünden/
 q. diceret propheta de labio Dei, ejusq̃ verbi præconum,*
 quippe

*Deus mu-
 tat cor.*

Labium.

*Concilia-
 tur Lat he-
 ri, versi o.*

quippe quod hactenus legem intonuit, mutabo labium meum in populis, ut sit affabile, quod tamen proprie **וְיִנְיֶנּוּ** non significat. Verum quia relata se mutuo ponunt, qualia sunt auditorum conversio, & prædicatorum concio, non sunt hæc inter se contraria, sed subordinata, & utraq; bene coherent cum sequentibus, quæ ita habent: *ut invocent omnes nomen Jehovæ, serviendo ei ac colendo eum humero uno*, proverbialiter **ὁμοῦ καὶ ἑνὶ ὀμῶ** Act. 1, 14. & 2, 1. 46. unanimiter Act. 4, 32. (in quibus locis etiam hujus vaticinij complementum licet cernere) Lutherus *einrechtiglich* / summo consensu, metaphora à bobus vel alijs jumentis tracta paribus humeris idem jugum trahentibus, ut vertunt græci h. l. **καὶ δαλόμεν αὐτὰς ὑπὸ ζυγῶν ἑνῶ**, vel à bajulatoribus, qui simul humeros eidem supponunt oneri. Sic h. l. in conjugio spirituali cum Christo inito, idem nolle, atq; idem velle eademum firma erit amicitia Jer. 32, 39, qui totus locus cum hoc est bene conferendus v. 37. 38. 40. 41. seqq. Nam in N. T. per Christum futurum est, ut gentes & iudæi fiant unum corpus Eph. 2, 2. 13. 14. 15. 16. 17. 18. 21. Ioh. 10, 16.

Humero uno.

Verf. 10.] Quia tum è locis remotissimis Esa. 18, 4, & 60, 4. *ex ipsis transfluvialibus partibus, sive è regionibus, quæ trans flumina Æthiopie & Ægypti, supplices mei conversi pro remissione peccatorum, & pro conservatione in fide ardentibus vocis inter sedentes, quorum nonnulli ex iudæis hinc inde dispersi erunt, atq; ita tota N. T. Ecclesia, quæ est filia dispersorum meorum* Ioh. 11, 52. quam Christus Evangelij verbo regens collectam, velut filiam suam gignet, facietq; ut sit mater fidelium, *afferent munus meum, domum, quod mihi merito debetur, atq; adeo seipso Deo*

Transfluviales.

*Æthiopes
conversi.*

consecrabunt, quæ est Deo victima gratissima Rom. 12, 1. cultusq; verè rationalis, quod ut Chaldaicus paraphrastes indicaret, vertit, adducēt velut munera mihi exules populi mei, qui deportati fuerant, & per miserationes reversi sunt, quomodo etiam Lutherus vertit, Man wird mir meine Aebeter / nemlich die zerstreuten von jenseit dem Wasser im Moren Lande herbringen zum Geschenke / quomodo cum h. l. optime congruunt illa, quæ habentur Esa. 18. 1. 7. quæ omnino vide, & huc transfer. Complementary hujus vaticinij aliquod habes, quando Act. 8, 27. 35. 36. Æthiops convertitur, & rerum Ecclesiasticarum scriptores narrant, Matthæum Apostolum in Æthiopiam usq; pervenisse, ibiq; veram de Deo, ejusq; filio doctrinam propagasse, Euseb. l. 3. c. 1.

Verf. 11.] Cum autem hæc fiunt, *tempore illo*, tibi & Ecclesia, propter Christum peccata tua non amplius imputabuntur ad confusionem æternam, ipsaq; vitæ emendatio in hoc seculo tam erit illustris, ut antea vitæ infamiam obliteret, *non pudebit te ullius actionum tuarum*, ob ea, quæ admisisti, non amplius erubesces coram Dei tribunali accusata, quibus antea *prævaricata es in me*, & quibus defecisti a me, nihil tale etiam deinceps facies, quale fecisti, cujus te pudere meritò possit, siquidem tantum

incussere priora tibi peccata pudorem ut non repetas admissa Rom. 6, 21. hætenus de sanctitate urbis ac templi frustra gloriata es sapius, cum esses profanis quoq; pejor: Deinceps vero non amplius inanibus sanctimonix turgebis titulis, sed quod ore profiteris, re præstabis ipsa, & sanctitati revera studebis. *Nam tunc amovero è medio tui exultantes de fastu tuo*, templiq; excellentia, ut non

non pergas efferre te amplius ob montem meum sanctum.
Jer. 7, 4. quia deinceps regnum Dei per totum terrarum orbem erit dispersum, ut non tantum adorent Deum Ierosolymis Joh. 4, 21. 23.

Vers. 12.] Contra vero *reliquio meo in medio tui populum pauperem spiritu, afflictum, humilem, tenuem, maiorumq; tollerantem, qui nullâ alia re gloriabitur, quàm quod novit Dominum* Jer. 9, 33. qui sperabunt in nomine Jehovæ, & malis pressi velut ad tutum asylum se *ad nomen Jehovæ*, h. e. ipsum Psal. 9, 3. 11. Joel. 2, 33. Mich. 6, 9. *recipiens quæ est verbi* יְהוָה *emphasis, de qua* Psal. 2, ult. Joel. 3, 16. Nah. 1, 7. non in templo aut urbe, aliavere externâ confident, qua se destitutos vident. quomodo hic versus præcedenti opponitur, & insequenti fidei fructus, novam obedientiam & tranquillam conscientiam propheta subjecit, ubi omnibus veris Ecclesiæ civibus sanctitatem & securitatem promittit.

Vers. 13.] *Reliquia Israël grandia flagitia ex destinata animi malitia nō committent, quamdiu sunt tales, iniquitatem non facient, ut sæpè Johannes in priori Epistola hanc phrasin, peccatum facere, hoc est, peccatum mortale, & contra conscientiam committere, usurpat, neq; loquentur mendacium, neq; invenientur in ore earum lingua dolosa, quomodo sermo pius animi Character certissimus, ut Christus illis factus est à patre non tantum sapientia & justitia, sed & sanctificatio* 1. Cor. 1, 30. Atq; ita pie viventibus Dei protectio non deerit, qui credentes verbo pascit, & potentia sua defendit, *ipsi pascentur & recubabunt secure* supra c. 2, 7. *nemine perterrente* Mich. 4, 4. Nah. 2, 12. cum nihil ab improbis, alijsq; hostibus.

*Ecclesia
catus pa-
ter.*

יְהוָה

*Piorum
integrit.*


*Dei prote-
ctio.*

Pro-

Protectore Deo justis queat esse pericli.

Ecclesia
canas.

Vers. 14.] Hæ vero promissiones de sanctitate ac securitate Ecclesiæ porro confirmantur à signo, lætitia videlicet, eaq; maxima, ubi notanda illa tria 1. quid. canendum, jubilandum, gaudendum. 2. quibus, civibus Ecclesiæ. 3. cum exultatione & ex toto corde. Quando enim illa amplissima promissa tibi ex Dei benedictione obvenerint, tum cane filia Sionis, novi Testamenti Ecclesia, jubilate, clangite omnes veri Israelitæ, vera fide præditi, letare & exulta, & quidem ex toto corde ac animò, filia Jerosolymorum. Zach. 9, 9.

Vers. 15.] Quæ autem, inquis, tantæ lætitie causæ, cum mala me premant undiq; dicam, tu etiam in afflictionibus gloriari poteris Rom. 5, 3. rationes, quæ id suadeant, à me nunc afferentur saltem quatuor 1. peccatorum ac pœnarum remissio. 2. ab hostibus liberatio. 3. Dei præsentia & protectio. 4. horum beneficiorum perpetua conservatio. Propterea enim canes & lætaberis, quod primum amovet Jehova judicia tua, pœnas tibi à gentibus, virgis & velut sordes repurgavit ac evertit (ut ij solent, qui venienti viam expediunt, vel qui locum ædificio destinatum bene complanant, ac omnia è mediâ remonent obstacula, sic Deuste exædificaturus omnia impedimenta prius rejicit. Id quod verbi  emphasis notat, de qua vide Gen. 24, 31. Lev. 14, 36. Psal. 80, 10. Esa. 40, 3. & 57, 14. & 62, 10. Mal. 3, 1. & in N. T. per ἐβίβαζεν Matth. 3, 4. ἐβύραυν Joh. 1, 23. καὶ ἀποβάλεν Matth. 11, 10. redditur) inimicum tuum, gentes, quæ hæctenus inimicitias tecum exercuerunt, imò ipsum diabolum, legem, infernum compescuit 1. Cor.

Videre i.e.
sensire.

*Pterum
gracilarie*

*Deus po-
tens.*

*Vult sal-
vare.*

ויו

cin starker Heylandt Rom. 8, 37. 1. Cor. 15, 57. 1. Ioh. 5, 4. 5. Est igitur ipsi servandi facultas: De voluntate non etiam est quod dubites, ipse enim jam per Christum reconciliatus & placatus tantum abest, ut tibi irascatur, ut suaviter in te per ac propter illum acquiescat Matth. 3, 17. Luc. 2, 14. Eph. 1, 5, 9. de te gaudeat, *de te gēstiat lēritia* (ויו enim, quod est in textu hebr. plus est, quam ויו) ac velut maritus in amore uxoris, sponsus in suæ sponſæ benevolentia, in amore suo conquiescat, atq; ad peccata leviora conniveat, eaq; condonet, ut Lutherus vertit vergeben / nicht straffen / noch die Sünde zurechnen / sondern zudecken vnd vergessen / *exultabitq; de te cum cantu ac júbilo*, tua etiam imperfecta opera ac gratitudinis debitæ signa per eundem Christum habens gratissima 1. Pet. 2, 5.

Vers. 18.] Objicies, diu differri, quod promittitur, & hinc inde pios esse dispersos, & quod pejus est, in exilijs detineri, ne possint ad festivitates solemnes cum alijs pijs convenire: Age etiam hunc tibi eximam scrupulum, nam ego Ichova illos pios, qui tanto studio conventus sacri constringuntur, ut tantisper, dum à Deo, ejusq; cultu publico absunt, sint in mœrore ac luctu, exemplo Davidis, Psal. 42, 2. 3. 5. atq; ita *mæstos propter conventum publicum ac solemnitatem seu stativas ferias*, quod illas celebrare cum reliquis nequeant, illos ego tandem certissime recipiam, & ad te congregabo (præteritum enim more prophetarum profuturo est) idq; iustissimum est, quia *ex te sunt*, tui veri & genuini pareus, ô Ecclesia, sunt ex veris civibus, licet jam sint abducti in regiones exteras, & mæsti, eum apud gentes ludificantes verum Deum, ejusque cultum, oneri ipsis sit *opprobrium*, ei piorum Ecclesiæ ab impijs impositum, cujus vicem

vicem omnes boni dolent merito. Hæc est sententia hujus
 versus ob concisum dicendi genus in textu hebræo aliquan-
 to obscurioris, & à quibusdam interpretibus magis obscura-
 ti diversis, & à scopo nimium abludentibus interpretatio-
 nibus, quas lubens prætereo, si modo veram significatio-
 nem vocis נָגַשׁ, & quid Hieronymus de ea scribat indica-
 vero, idq̃ propterea, quod Ribera his duobus fundamen-
 tis nitatur, cum alios omnes reprehendit interpretes. Est n.
 illa participium plurale constructū in Niphal à R. נִגְשִׁים mœ-
 rore affecit, afflixit, non removit, ut ipse etiam errat, confun-
 dens cum נִגְשָׁה. Illa significatio à nobis indicata, & scripturæ
 analogia videri potest cum in ipso verbo, tum in nominibus
 inde derivatis in hisce locis Gen. 42, 38. & 44, 31. Esth. 9, 22.
 Job. 19, 2. Psal. 13, 3. & 31, 11. & 107, 39. & 116, 3. & 119, 28.
 Prov. 10, 1. & 14, 13. & 17, 21. Esa. 51, 23. Jer. 31, 13. Thr. 1, 5. 12.
 & 3, 32. 33. 65. Ezeeh. 23, 33. & alibi, ubi mœrendi significa-
 tio semper obtinet, inprimis autem nota Thren. 1, 4. ubi
 hujus ipsius participij masculini plurale fœmininum נִגְשִׁי
 eodem, & non alio, quo hic habetur sensu, invenitur. Quod
 ad Hieronymum spectat, is ita ad hunc locum scribit. Id
 quod diximus nugas (in vulgata versione est, quod etiam
 propugnat Ribera, nugas, qui à lege recesserunt) sciamus
 in Ebræo ipsum latinum sermonem esse Nugæ, & propte-
 rea à nobis ita, ut in hebræo erat, positum, ut nosse possi-
 mus linguam hebræam omnium linguarum esse matricem.
 Hæc ille, unde Ribera concludit, nugas pro hominibus
 nugacissimis & peccatoribus poni, id cum ex scriptura pro-
 bandum fuerat, ad Ciceronis auctoritatem decurrit, sed fru-
 stra. cum nihil magis nostræ illustrandæ sententiæ possit in-
 servire. Quia enim est hebræum illud nomen latinum

נָגַשׁ

נִגְשִׁים
נִגְשָׁה

נִגְשִׁי

Hierony-
mus.

Nugæ.

CAPUT TERTIUM.

quid proprie.

Carmina funebria.

Lutheri versio conciliatur.

optimè etiam cum illo conveniet. Quid ergo notat? Proprie præficarum carmina, quæ canebantur in mortuorum laudem, ut vel ex illo Plauti in Asinaria (non sunt hæ nugæ, non enim mortualia) & qui in hæc verba sunt commentati: Scaligero item ad Varroñem, alijsq; pluribus discere est. Vide quæ diximus ad v. 16. Amos 5. Quia autem sæpe in illis nugis seu natijs, h. e. carminibus funebribus in aliorum laudem factis vana multa & nugacia intercurrent, hinc factum, ut pro mendacijs ac vanis sermonibus, imò pro hominibus talibus nugis deditis improprie sumatur illud vocabulum, quæ tamen significatio hic prorsus locum non habet, ubi agitur de pijs mœstis, quod indicat subiecta ratio, ut meritò nugator maximus sit, qui hic magno conatu magnas agit & defendit nugas. Unum hic restat, quid igitur Lutheri versione fieri; inquis? quæ ita habet, die / so durch Sagen / gen geengst waren / wil ich weg lassen / das sie von dir kommen / welche Sagen / gen ihre Last waren / davon sie Schmach hatten. Dico breviter, sententia est satis bona, eaq; ex multis alijs locis scripturæ V. & N. T. facile potest probari; num vero his verbis, quæ satis perspicua sunt in textu hebræo, contineatur, ego non video, & tantisper, dum doctiores id ex ipso textu mihi declaraverint, sententiam priorem præfero, præsertim cum non fiat hic decretorum ulla mentio. nisi hæc ita velis conciliare, mœstos esse illos N. T. futuros participes, quod non prius conventus suos sacros possint celebrare, quam ceremoniarum decreta sublata sint. Sed de his plus satis, quæ habent fundamentum in textu autentico.

Vers. 19.] In quo deinceps, ne videatur dubia promissio de reductione ad conventus publicos, pollicetur

Deus,

Deus, se fore suæ Ecclesiæ liberatorem, utcumq; magna sint objecta impedimenta & obstacula, dum ita ait: *Ecce me quid te, quid alias creaturas spectas? conficiente consummationem, supra cap. I, 10. cum omnibus affligentibus te, Luth.* Ich will mit allen denen aufmachen / die dich beleidigen / ne deinceps nocere tibi possint, *tempore illo simul servabo claudicantem, Judæorum synagogam & depulsam gentium multitudinem. Vide plura Mich. 4, 6. qui claudicant erunt donabuntur à me illa vi ut possint accedere, & qui depulsi sunt, & à Testamentis Dei alieni, advocabuntur, disponamq; eis laudem & nomen in tota, imo omni terra pudoris eorum, ubi hactenus in exilio pudore confusi sunt, faciam celebres ac illustres in terra quavis hostili, ubi probis & iannis perpetuis hucusque fuerunt expositi.*

*Judæorum
& gentium
Ecclesia.*

Verf. 20] Hæc vero res, ut tantò sit certior, eorundem beneficiorum instituitur repetitio: *tempore illo adducam vos meos filios in locum cupitum ac diu desideratum, quo tempore congrega vero vos, tunc disponam vobis nomen & laudem in omnibus populis terræ cum reducam captivitates vestras, hoc est captivas turbas ex vobis. in oculis vestris...* Quæras? cur non dicat propheta captivitatem, ut alias sæpè alij? Vide saltè Amos 9, 14. Sciendum, quod hic propheta paulò ante captivitatem Babylonicam vixerit, & propterea pluraliter loqui voluerit, ut omnes captivitates solutum iri crederent, & ex omnibus provinciis, quò erant dispergendi. Numerant enim potissimum quatuor captivitates Judaicæ: in I. Manasses rex abductus fuit 2. Chron. 33, 11. In II. Rex Ichôjakim, ibid. c. 36, 6. In III. Ichojacin & Ieconias, 2. Reg. 24, 12. 2. Chron. 36, 10. In IV. & ultima Sedechias rex deportatur, & cum Ierosolyma cum templo est diruta ac conflagra-

*Captivitates cur-
dicat.*

*4 praci-
pue.*

vit 2. Chron. 36, 17. seqq. 2. Reg. 25, 6. seqq. De his igitur omnibus solvendis datur promisso, &

Illis promissis appenditur ecce sigillum,
 Clausula solennis, quæ sola atq; unica nobis
 Sufficit, hisce fidem quo verbis astruat omnes:
 Omnipotente etenim hæc est voce *Jehova locutus*,
 Cui Trino atq; uni sit bonos per secula cuncta.

LOCI COMMUNES.

Ex versu 8]

Dei longanimitas

Idcirco præstolamini me, dictum Jehovæ, in diem, quo surrecturus sum ad prædam.]

Nostra Deus subitis non damnat crimina pœnis,
 Compensat longas sed gravitate moras.

& rectè quidam inter ethnicos, Dijs esse foccos lancos, sed manus plumbeas. Qua de re jam sæpius.

Ex versu 6]

Deus homines convertit

I. *Tum mutabo &c.]* Ecclesiæ plantatio & propagatio solius Dei opus est, qui solus hominum corda potest convertere Jer. 31, 18. & solus dat plantante Paulo, & rigante Apollo, incrementum 1. Cor. 3, 7. vñde Joel 2, 28. & 3, 16 17. Amos 9, 11. 15. Hobad. v. 21. Michæ 4, 7.

Ecclesiæ unitas.

II. *Serviando ei uno humero]* In Ecclesia vera est unitas & consensus, quia est una fides, unum baptisma 1. Cor. 1, 10. Eph. 4, 3. 4. 5. 6. Joh. 17, 21. Est unum ovile Joh. 10, 16. Ezech. 37, 22. Ipse enim Christus est pax, qui fecit utrumq; unum Eph. 2, 14. Et una fuit tantum arca in diluvio, unum templum Judæorum, ut est una Christi Sponsa, unum ejus corpus, una vinca, una domus, quæ representat Ecclesiam,

ita una saltem Ecclesia, à qua qui discedit, salvari nequit. Vide plura Mich. 4. & 5. capp. Cum vero hic humeri sit mentio, monentur pij de jugo Christi suscipiendo Matth. 11, 29. quod pia antiquitas Christophori depingere voluit imagine.

Christo-
phorus.

Ex versu 10.]

E regionibus transflumina.] Ecclesia N. T. per totum terrarum orbem dispersa est. Vide quæ dicta sunt hac de re Ps. 2, 8. & 8, 2. 10. Ioc. 2, 32. Amos 9, 12. Hobad. v. 17. 19. 20. Mich. 4, 12. 6. 7. ubi etiam de vocatione gentium universali, de cujus complemento in Actis passim, Col. 2. Eph. 2.

Ecclesia
catholica.

Ex versu 11.]

I. *Non erubescas ab actionibus tuis.]* Per Christum ita peccata condonantur, ut non amplius eorum in conspectu Dei fiat mentio, Vide Mich. 7, 18. 19. Esa 38, 17. sed ejus sanguine superinducto delentur, Psal. 51, 3. purgantur & abluuntur ibid. v. 4. I. Iohan. 1, 7. Hebr. 9, 14. & qui credit in eum, ignominia æterna non confundetur Rom. 9, 33. & 10, 11. non erubescunt Psal. 25, 2. 3. Nam de conversis ad Deum dicitur, non erubescet Iacob, neq. facies ejus expallesceat Esa. 29, 22. 23. & Israel salvatur per Ichovam salute æterna, quibus dicit, non erubescetis, neq. ignominiose reddemini in sempiterna secula Esa. 45, 17.

Peccatorum
remissio.

II. *Removebo exultantes de fausto tuo]* Veri Ecclesiæ ci- ves tantum gloriantur in Deo suo Ier. 9, 33. I. Cor. 1, 31. extollentes Dei potentiam & suam agnoscetes impotentiam 2. Cor. 12, 6. 9.

Pij glori-
antur in
Deo.

Ex versu 12.]

I. *Reliquero]* Ecclesia ex toto mundo collecta est in-
star

Ecclesia,

*est parvum
grex.*

star paucarum reliquiarum. Vide supra id explicatum Amos 5, 15. & 9, 12. Mich. 4, 7. & 5, 7. 8. & 7, 18. est pusillus grex Luc. 12, 32. & parvum tugurium, Amos 9, 11.

*cruci sub
iectus.*

II. *Populum pauperem.*] Ecclesia in his terris cruci est subjecta, ejusq; cives plerumq; coram mundo sunt abjecti & contemtissimi omnium 1. Cor. 1, 26. 28. & 4, 11. 12. 11.

*Fides est
fiducia.*

III. *Se recipient ad nomen Jehovah.*] Si credentes ad Deum se fiducialiter recipiunt, ipsa fides est fiducia, ut patet ex ipsa vocis hebraeae emphasi explicata Psal. 2, 12. & 5, 12. & 7, 5. Joel. 3, 16. Nah. 1, 7.

[Ex versu 13.]

*Bona ope-
ra.*

I. *Reliquiae Israelis non facient iniquitatem.*] In renatis nova obedientia & studium bonorum operum est necessarium Rom. 8, 12. & 13, 5. 8. 1. Thes. 4, 7. Matth. 3, 10. 2. Pet. 1, 8. Ps. 34, 15. Eph. 4, 22. Tit. 12, 14.

*Pax pio-
rum:*

II. *Ipsi pascentur, nemine perterrente*] Justificati fide pacem habent apud Deum, Rom. 5, 1. & tantam, quæ superat omnem intellectum Phil. 4, 7. supra se, infra se, intra se, circa se, ut exposui Mich. 4, 4. & 5, 5. Nah. 1, 15. & 2, 12.

[Ex versu 14.]

Gaudiū.

Cane filia Sionis] Pij in Deo Salvatore suo exultant Es. 61, 10. Luc. 1, 47. Phil. 4, 4. nam ille demum solidum gaudium potest gaudere, qui Deum omnia habentem habet, siquidem huic nihil deest Psal. 23, 1. & 73, 25.

[Ex versu 15.]

*Deus ma-
la amovet.*

Amovit judicia tua, expeditit hostes tuos.] A Deo non tantum habemus bona & gratias positivas, sed etiam privati-

vativas, dum omnis generis mala & pœnas meritas avertit
 Psal. 39, 11. & 81, 7. 8. & 32, 6. & 34, 20. ut in tribus ultimis
 orationis Dominicæ præcationibus petimus Matt. 6, 12. 13.
 In altera demum vita plenariè ab omnibus malis suos libe-
 rabit, ab omnibus hostibus redimet, ut deinceps malum nul-
 lum videant amplius, ubi erit ipse omnia in omnibus I. Cor.
 15, 25. 26. 28. 54. 57.

Ex versu 16]

I. *Die illa dicetur urbi Ierosolymæ, ne timeto]* Christus
 Salvator mundi omnem tollit timorem servilem Luc. 12, 32.
 I. Joh. 4, 14. 18. propterea enim natus Luc. 2, 10. & passus
 est Joh. 14, 1. 2. & 16. 33. resurrexit Matt. 28, 5. Mar. 16, 6.
 in cœlum accendit, & ad dextram Dei patris concedit Rom.
 8, 34. I. Jon. 2, 1. 2. Actor. 27. 24.

*Christus
 tollit timo-
 rem servi-
 lem.*

II. *Sioni, ne remittuntur manus]* Regnum Dei sem-
 per alacriter est propagandum, Esa. 35, 3. 4. Heb. 12, 13.
 I. Tim. 4, 6. 15. 16. & 6, 11. 14. 20. 2. Tim. 4, 2. 5.

*Opus Do-
 mini pro-
 moven-
 dum.*

Semper opus Domini studiose urgete ministri,

Nam labor in Domino nullus inanis erit I.

Cor. 15, 58.

Ex versu 17.]

I. *Iehova potens.*

Juvat Jova bonus, Jova hic juvat atq; juvabit,

Et nunquam manus est abbreviata Dei

Num. 11, 23. Esa. 50, 1. qui novit præstare longè majora &
 copiosiora omnibus, quæ petimus, aut mente concipi-
 mus, secundum illam potentiam, quæ agit in omnibus.
 Ephes. 3, 20.

*Dei poten-
 tia.*

II. *Gavisurus de re latitiâ]* Deus per Christum placa-

N

tus

Eudoxia.

tus in nobis habet *eudonias* Luc. 2. 14 Eph. 4. 5. 9. Matt. 12. 10. Luc. 12. 32. & ad nostra peccata connivet, neq̃ ea aspicit, Num. 23. 21. & huc pertinet illud Esa. 42. 1. 2. de Christo editum, & completum Mat. 12. 19. 20. vaticinium: non litigabit non clamabit, neq̃ audiet quis in plateis vocem ejus &c.

Ex versu 18]

*Pij. tem-
plum fre-
quentant.*

Mæstos propter conventum recipiam] Pij quia libenter & cum gaudio accedunt ad templum Psal. 27. 4. & 42. 3. 4. & 122. 1. cum inde abesse coguntur, graviter dolent, Psal. 42. 5. 7. & sic suspirant: Deus roboris mei, mitte lucem tuam & veritatem tuam, ipsæ deducant me & adducant me in montem sanctitatis tuæ, in tabernacula tua, ut accedam ad Deum autorem exultationis meæ Psal. 43. 2. 3. 4.

Ex versu 19.]

*Ecclesia
N. T.*

Ecce me, tempore illo servabo claudicantem] Ecclesia N. T. colligitur ex claudicante Synagoga Judaica & gentium multitudine, quæ à testamentis Dei erat aliena. qua de re supra in hoc capite v. 9 L. C. II. & v. 10.

Ex versu 20.)

*ejus cele-
bras.*

E. tituli.

Dispositurus sum vobis nomen & laudem] Ecclesia licet coram mundo sit spreta & abjecta, tamen à multis verè magnifica de illa dicuntur Psal. 87. 2. 3. Judam laudant fratres sui Genes. 49. 8. quia illa est ista mulier sole justitiæ amicta, sub cujus pedibus est luna, & super cujus caput est corona stellarum duodecim Apoc. 12. 1. est genus electum, regium, sacerdotium, gens sancta, Dei peculium Exod. 19. 6 Deut. 7. 6. 1. Pet. 2. 9. est pulchra, decora, flos optimus, liliū convallium Cant. 1. & 2. spectata velut aurora, pulchra ut Luna, pura ut sol c. 6, 7, & olim in altera vita erit plenariè gloriosa, nō habēs maculam.

maculam aut rugam Eph. 5, 27. habens gloriam Dei, & cujus lumen simile lapidi preciosissimo Ap. 21, 11, sumus igitur, qui sumus Ecclesiæ cives, in mundo ignobiles & contempti, suprâ v. 11, L. C. 2. & 12, L. C. 2. Gaudeamus tamen nostra nomina scripta esse in cœlo Luc. 10, 40. quo olim à Christo eVecti, & nomine novo, quod nemo novit, nisi qui accipit, donati Apoc. 2, 17. in æternum cantabimus, salus & gloria & honor & virtus Domino Deo nostro Apoc. 19, 1. & Christo, qui dilexis nos & lavit nos à peccatis nostris per sanguinem suum, fecitq; nos reges & sacerdotes Deo & patri suo, ei sit gloria & robur in secula seculorum Amen. O Domine JESU, tua hæc est promissio, tua erit ejus impletio, siquidem omnes promissiones Dei in te sunt etiam in te sunt Amen, 2. Cor. 1. 20. Tu nos, nos, inquam, miseros sustentantes in hac infirmitate & restituas nos coram te in seculum ex mortuis excitatos in æternitate ac felicitate, ut dicamus cum omnibus angelis & electis animo læto, orograto: Benedictus Jehova Jfraclis à seculo usq; in seculum, Amen & iterum Amen Psal. 41, 13. 24. Tibi soli sapienti Deo servatori nostro sit gloria & magnificentia, robur & autoritas & nunc & omnia in secula, Amen.

Epist. Judæ v. 25.

FINIS.



I. INDEX.

Autorum, quorum sententia vel laudatur vel refutatur.

Aquila	pag 50	Macrobius	16
Arctius	62	Mesnerus	62
Augustinus	62	Melanchton	37
Basilus	62	Ovidius	27. 34
Bernbardus	82	Plautus	92
Chytræus	62	Plinius	54
Daneus	5. 40	Reu. hlinus	59
Drusus s.	16. 24. 28. 58. 71. 77	Ribera	5. 24. 58. 77. 91
Elias in תשבי	16	R Salomo	24
Eucherius	21	Scaliger	92
Eusebius	86	Seneca	82
Gualiberus	5	Septuaginta	50
Hieronymus	4. 12. 24. 40. 71. 91	Servius	16
Hyperius	62	Socinus	47
R. Jesebua	71	Symmachus	50
Josephus	24	Tarnovius	63
Junius	5. 17. 24. 61. 70	Theodotio	50
Kimchi	24. 59	Tremellius	16. 17. 24. 57
Lutherus	12. 18. 19. 20. 21. 23. 24. 26. 27. 28. 41. 43. 45. 49. 53. 55. 57. 58. 70. 72. 74. 75. 79. 84. 85. 86. 89. 90. 92. 93.	Varro.	16

II. INDEX.

Vocum Hebræarum, quarum Etymologiæ, Empha-

ses, propriæ significationes & differentiæ hic declarantur.

14. præsertim	71	הַיּוֹנָה	61	אֶמֶר בָּרַב
19. 20	זָבַח	omnium. trium	11	אֶסֶף
49	חָבַל	57. personarum	22	דָּלַג
87	חָסַח	19	חָסַח	הַגִּדִיל
91	יָנַח	id est	91	הַנִּיחַ
				יוֹשֵׁב 50.

INDEX.

57	פְּנוֹת	17	מִלֵּךְ	50	יָדוּשׁ
4	צִפּוֹר	24	מִשְׁנֵה	23	נְרוּשָׁלַם
4	צִפּוֹן	71	נִנְאָלָה	71. 72	יָנָה
3	צִפּוֹן	25	נִרְמָה	16	כִּמְר כְּמָרִים
58	קָצֵת קֶפֶר	91	נִוְי	75	כִּנְעֵן
41	קֶשׁ קֶשֶׁשׁ	41	נִכְסָף	49	כֶּרֶךְ
70	רָאִי	11	סוֹף	83	דָּעַר
52	רִבְצָ רִבְעָ	59	כָּף	negative	מ
55	רוֹרָה	83	עֵרָה	18. sumitur	
28	שׁוֹאָה מְשׁוֹאָה	83	עוֹר	70	מוֹרָאָה
90	שׁוֹשׁ	50	עַל	59	מִזְוֹרָה
26	שְׁמָרִים	47	פִּנְחִים	12	מִכְשָׁלוֹר
		88	פִּנָּה	24	מִכְתָּשׁ

Et Græcarum.

Εὐμαλζειν, εὐθύνειν	88	Παραδειγματίζειν	70
Kai significat, id est, & præfer-		Πρόσκομμα	12
tim	14	Σκάνδαλον	12
Καλαμαῖδας	41	Φυλάγματα	26

INDEX III.

Rerum & Verborum Memorabilium.

Ἀκρότιχα in bibliis	62	Anguli	28. 77
A diluculo	79	Animalia rara, ubi non sunt homi-	
Adorare in omni loco	65	nes	12
Ethiopes conversi	86	Animalia carnivora vocantur à Deo	
deleti	66	ad convivium.	20
Agitare manum	61	Ἀνθρωποπάθεια	15
Ἀναδιπλωτῆς	11	Ἀπεστία sanctorum	31. 97
Analysis generalis hujus libri	5. 6	Argumentum cap. I.	6
specialis cap. I.	6. 7.	II.	38.
c. II.	38. 39	III.	68
c. III.	68. 69	N 3	Astro.

INDEX.

<i>Affrj perdentur</i>	57	<i>Dies Jehove</i>	19
<i>Astrologia</i>	31	<i>est terribilis</i>	37
<i>Atrati quinam</i>	16	<i>vasitatis & tenebrarum</i>	28
<i>Αὐχῆσις</i>	28	<i>Dij terra emaciantur</i>	55
<i>Beneficia Ecclesie N. T. promissa</i>	69	<i>Divitiis non confidendum</i>	38
<i>Biblia elegantur</i>	81	<i>Dubitandi particula respicit penam</i>	44
<i>Bonis malè, malis benè</i>	64	<i>Eadem repetuntur</i>	42
<i>Cecitate Deus percutit</i>	37	<i>Ecclesia est catus pauper</i>	87
<i>Calamitatum finis</i>	83	<i>parvus grex</i>	96
<i>Cantus avis</i>	67	<i>catbolica</i>	95
<i>Captivitates Judaeorum</i>	93.	<i>Judeorum & gentium</i>	93
<i>Carmina funebria</i>	92	<i>potest deficere</i>	30. 79
<i>Cerethai quinam</i>	49	<i>Ecclesia N. T. consolatio</i>	51
<i>Christus Ecclesie pastor</i>	63. 64	<i>Celebritas & tituli</i>	98
<i>tollit timorem servilem</i>	97	<i>cantus</i>	88
<i>Christiani heredes terra</i>	63	<i>unitas</i>	94
<i>Christophori pictura</i>	95	<i>Ego sum, est Dei titulus</i>	67
<i>Concreti cum fecibus suis</i>	63	<i>Eloquentia studium commendatur</i>	62
<i>Credentes sunt securi</i>	63	<i>ministrus verbi</i>	11
<i>Deus evdolia</i>	97	<i>Εὐχῆσις</i>	14
<i>justitia</i>	46. 76. 81	<i>Et, variis modis accipitur</i>	41
<i>longanimitas</i>	94	<i>Excutere se</i>	17
<i>omnipresentia</i>	80. 82	<i>Exercitus celorum</i>	82
<i>potentia</i>	55. 89	<i>Exemplorum usus</i>	55
<i>protectio</i>	87	<i>Fides est fiducia</i>	96
<i>Deus audit & videt omnia</i>	64	<i>Funiculus</i>	49
<i>homines convertit</i>	94	<i>Gentium puniendarum exempla</i>	48
<i>malà amovet</i>	96	<i>Gluma velut</i>	42
<i>malà pradicte</i>	40	<i>Hammonite</i>	52. 53
<i>monet perdendos</i>	46	<i>erunt ut Gomorra</i>	54
<i>mutat cor & labium</i>	84	<i>Homines cum suis bonis perduntur</i>	13
<i>parit decretum</i>	42		
<i>Dicere, in corde, de bonis</i>	61		
<i>Dicta scriptura rectè citentur</i>	81		

INDEX

Deum saepe spernunt	80	Ministri mali pereunt cum Dominis	35
sua culpa pereunt	82		
Hominum tria genera	7	Moabites	52 53
Humero uno	85	erunt ut Sodom	54
Jactantia damnatur	64	Mortarium olim erat loco mola	24 25
Idola cum idololatriis pereunt	65	Mulierum luxus in vestibus	34
Jerusalem - exemplis aliorum non		Negatio contrarium vehementer as-	
correcta	78	firmat apud Hebraeos	18
tribus oppidis distincta	23	Nilil contra Deum	29. 30
Inflans in limen, quis	22	Nineuitarum deliciae	58
Insula	56	jactantia & vastatio	60
Jochannus Scultetus primus Luthe-		Nobiles & ignobiles vocantur à Deo	
ranus concionator Rostochij	10	ad officia Ecclesiastica	9
Ira Dei est ignis	38	Nuga	91
Irrisiones malorum puniuntur	65	Obedientia nova	56
Judaei reprehenduntur	69	Opus Domini promovendum	97
Judeorum scelera	72	Palaestina nobilitas	50
Jurare notat totum cultum divinum		vastatio	51
	17	Παροργιστικα	48
Kloster / Klausen	17	Παρηγοια ministrorum verbi	30
Libri hujus divisio	5. 6	Pascere	52
in Lucem	76	Peccata Deo exosa	13. 79
Lucerna Dei propitij & irati	35. 36	notoria arguenda aperte	30
Lupi vespertini	74	Peccatorum remissio	95
Luxus in vestitu redarguitur	33	ea semper opus habemus	45
Luxus in luctum vertitur	66	Peregrina vestis damnatur	21
Magistratus delicta	33	Perseverare in peccatis	36
reprehenduntur	80	Philistaeorum 4. satrapia	48
Mala prae dicuntur	13	Pij gloriantur in Deo	99
Male paria	36	Piorum integritas	87
Mali è cena arcendi	81	pax & gaudium	96. 98
Manè	67	Panarum mitigatio	48
Manum extendere, est ἐκ τῆς μέ-		Poenitentia, ejusq. species	47
σων	41	Principes puniuntur	20
Mercatorum fraudes	35	quidam velut leones	73


I N D E X.

Prolegomena	3	Stamus in conspectu Dei	32
Providentia Dei negatur	36.	Status Ecclesiasticus	74
Quarere Deum	18	Sūmma hujus libri	45
Jehovam, justitiam	43	Superbia	65
mansuetudinem	44.	Super tecta	17
Reductio ex captivitate Babylonica		Synecdoche	17
promissa	52	Tabulatum cedrinum	60
Reformatores Ecclesia	10	Templum frequentant p̄j	98
Respublica potentes deleta	66	Tempora sua cur propheta notent?	8
Sacerdotes	16	Terra sancta vicini	46
quidam mali	75	Transfluviales	85
sunt publicè arguendi	80	Typicè quædam de regno Christi dicuntur	31
Sanctorum amara	31	Verbi minister sit Sophonia similis	9
Sanguis effunditur ut pulvis	29	Vicini terra sanctæ	56
Scrutari lucernis	26	Videre i. e. sentire	89
Sibilare	61	Virine sint nimis comiti	34
Sonus diei Jehova	27	Vocatio immediata	9
Sophonias quis, & unde nomen habet	3	Vox irati Dei	35
quando vixerit	5. 8.	Urbes malè perduntur	63
est Dei legatus	8	Ut pulvis	29
ante reformationem Josia docuit	15	Zelus Jehova	30.
Spacium ad penitentiam	46		

Psal. 27, 5.

יְהוָה יַצְפֵּנִי בְסֻכָּה בְיוֹם רָעָה וַיִּסְתֹּרֵנִי
בִּסְתֵּר אֱהָלוֹ בְּצוּר יְרוּסָמִי:

*Tempora nunc mala sunt, sed me velut arcereceptum
Optimus abscondat sub sua tecta Deus*



164

